

**BOSNA I HERCEGOVINA  
FEDERACIJA BOSNE I HERCEGOVINE  
Tuzlanski kanton  
GRAD TUZLA  
GRADSKO VIJEĆE**

# **S T E N O G R A M**

**S OSAMNAESTE SJEDNICE GRADSKOG VIJEĆA TUZLA ODRŽANE 12. APRILA  
2018. GODINE U POSLOVNOM OBJEKTU „GRAFIČAR“ U SATI**

**- SJEDNICI PRISUSTVUJE 28 VIJEĆNIKA**

**U Tuzli, april 2018. godine**

## **ALEKSANDAR VUJADINOVIĆ – predsjedavajući Gradskog vijeća Tuzla**

Poštovani vijećnici Gradskog vijeća Tuzla, predstavnici gradskih službi, obrađivači materijala, predstavnici boračkih i nevladinih organizacija, članovi savjeta mjesnih zajednica predstavnici sredstava javnog informisanja, dragi gosti, drugarice i drugovi, dame i gospodo, otvaram osamnaestu redovnu sjednicu Gradskog vijeća Tuzla.

Konstatujem, da prema evidenciji Stručne službe Gradskog vijeća, sjednici prisustvuje 28 od ukupnog broja vijećnika 31 što je dovoljno za punovažan rad i odlučivanje, a u skladu sa članom 62. i 65. Poslovnika Gradskog vijeća Tuzla.

Za današnju sjednicu nije bilo vijećnika koji su najavili svoj izostanak, ali su kašnjenje najavili slijedeći vijećnici to su Kenan Osmančević, Ivica Kovačević i Nedžad Malikić, zbog obaveza na radnom mjestu.

Gradonačelnik grada Tuzla je obavijestio Gradsko vijeće da je spriječen prisustvovati današnjoj sjednici Gradskog vijeća, iz razloga što je, prije nego što je bio upoznat sa datumom održavanja sjednice Gradskog vijeća, potvrdio učešće na Ceremoniji dodjele povelje gradonačelnicima i načelnicima jedinica lokalne samouprave - partnerima u projektu „Međusobno povezivanje u upravljanju rizicima od katastrofa u Bosni i Hercegovini“. S obzirom da projekat finansira Agencija za razvojnu saradnju Italije, a implementira ga Razvojni program Ujedinjenih nacija UNDP, ceremoniji će prisustvovati ambasador Republike Italije u BiH, zamjenik rezidentne predstavnice UNDP-a u BiH, te predstavnici državnih i entitetskih ministarstava i uprava civilne zaštite. Grad Tuzla je u ovom projektu prepoznat kao lider, zahvaljujući bogatom iskustvu u prevenciji i interventnim mjerama u borbi protiv klizišta, ali i po tome što je jedina jedinica lokalne samouprave u BiH koja u svojoj organizaciji ima formirano Odjeljenje za upravljanje rizicima od katastrofa, te je zbog toga i predviđeno da se gradonačelnik Tuzle, uz sve pobrojane zvaničnike, obrati prisutnim zvanicama i medijima na ovoj ceremoniji, koja je zakazana za danas u 11.00 sati u zgradi UN-a u Sarajevu. Cijeneći važnost ovog događaja za predstavljanje Grada Tuzle, za dalju saradnju sa UNDP, ambasadorom Republike Italije, kao i drugim međunarodnim i domaćim organizacijama, te drugim gradovima partnerima u ovom projektu, gradonačelnik nikako nije mogao odgoditi ovu, ranije prihvaćenu, obavezu. S obzirom da je predviđeno trajanje ceremonije u Sarajevu od 11.00 do 12.30, gradonačelnik nas je obavijestio da će nastojati stići na dio sjednice Gradskog vijeća, ukoliko do tada ne bude završena.

Podsjećam vijećnike da su zbog obimnosti dnevnog reda 17. redovne sjednice Gradskog vijeća Tuzla za današnju 18. redovnu sjednicu Gradskog vijeća Tuzla odložene slijedeće tačke dnevnog reda i to:

11. RAZMATRANJE INFORMACIJE O RADU GRADSKOG PRAVOBRANILAŠTVA GRADA TUZLA ZA 2017. GODINU
12. RAZMATRANJE INFORMACIJE O REALIZACIJI AKCIONOG PLANA RAVNOPRAVNOSTI SPOLOVA OPĆINE TUZLA 2013. – 2016.
13. RAZMATRANJE INFORMACIJE O RADU STRUČNOG TIMA ZA ODREĐIVANJE NAZIVA ULICA, TRGOVA I MOSTOVA U GRADU TUZLA
14. RAZMATRANJE INFORMACIJE O REALIZACIJI PROJEKATA IZ OBLASTI RAZVOJA PODUZETNIŠTVA
15. RAZMATRANJE INFORMACIJE O ORGANIZOVANOSTI I OPREMANJU SLUŽBI ZAŠTITE I SPAŠAVANJA NA PODRUČJU GRADA TUZLA
16. RAZMATRANJE INFORMACIJE O STANJU KLIZIŠTA NA PODRUČJU GRADA TUZLA U 2017. GODINI
17. RAZMATRANJE IZVJEŠTAJA KOMISIJE ZA IZBOR I IMENOVANJE
18. RASPRAVA O NACRTU:

a) ZAKONA O IZMJENAMA I DOPUNAMA ZAKONA O USLOVIMA I POSTUPKU LEGALIZACIJE BESPRAVNO IZGRAĐENIH GRAĐEVINA

b) ZAKONA O DOPUNAMA ZAKONA O POREZU NA PROMET NEPOKRETNOSTI I PRAVA  
19. TEKUĆA PITANJA

Podsjećam da su klubovi vijećnika prijedloge za naknadno uvrštavanje hitnih i neodložnih pitanja, odnosno dopunu dnevnog reda, mogli podnijeti u pisanoj formi, najkasnije 48 sati prije održavanja ove sjednice, u skladu sa članom 58. Poslovnika Gradskog vijeća Tuzla.

Za današnju sjednicu predlažem dnevni red kao što ste dobili u pozivu na današnju sjednicu:

### **DNEVNI RED**

1. RAZMATRANJE INFORMACIJE O RADU GRADSKOG PRAVOBRANILAŠTVA GRADA TUZLA ZA 2017. GODINU

2. RAZMATRANJE INFORMACIJE O REALIZACIJI AKCIONOG PLANA RAVNOPRAVNOSTI SPOLOVA OPĆINE TUZLA 2013-2016

3. RAZMATRANJE INFORMACIJE O RADU STRUČNOG TIMA ZA ODREĐIVANJE NAZIVA ULICA, TRGOVA I MOSTOVA U GRADU TUZLA

4. RAZMATRANJE INFORMACIJE O REALIZACIJI PROJEKATA IZ OBLASTI RAZVOJA PODUZETNIŠTVA

5. RAZMATRANJE INFORMACIJE O ORGANIZOVANOSTI I OPREMANJU SLUŽBI ZAŠTITE I SPAŠAVANJA NA PODRUČJU GRADA TUZLA

6. RAZMATRANJE INFORMACIJE O STANJU KLIZIŠTA NA PODRUČJU GRADA TUZLA U 2017. GODINI

7. RAZMATRANJE IZVJEŠTAJA KOMISIJE ZA IZBOR I IMENOVANJE

8. RASPRAVA O NACRTU:

a) ZAKONA O IZMJENAMA I DOPUNAMA ZAKONA O USLOVIMA I POSTUPKU LEGALIZACIJE BESPRAVNO IZGRAĐENIH GRAĐEVINA

b) ZAKONA O DOPUNAMA ZAKONA O POREZU NA PROMET NEPOKRETNOSTI I PRAVA

9. TEKUĆA PITANJA

a) Obavještenje o razlozima prolongiranja izrade Pravilnika o izmjenama i dopunama Pravilnika o načinu korištenja, redu i radu na taksi stajalištima i kriterijima za dodjelu taksi stajališta

b) Obavještenje o razlozima prolongiranja izrade Informacije o statusu i stanju grobalja/mezarja na području grada Tuzla

c) Inicijativa za izgradnju spomenika Husein-kapetanu Gradašćeviću, Zmaju od Bosne, u Gradskom parku Tuzla, preko puta spomenika Tvrtku i Kotromaniću

d) Urgencija urgencije na urgenciju za saniranje udarnih rupa na saobraćajnicama u Tuzli

e) Inicijativa da se osigura besplatan parking vlasnicima vozila na električni pogon

f) Inicijativa za regulisanje raskrsnice u mjesnoj zajednici Solana

g) Inicijativa za asfaltiranje ulice Gine Herman

h) Inicijativa za dostavljanje izvještaja o radu savjeta mjesnih zajednica na području grada Tuzla

i) Urgencija za otklanjanje zaštitne ograde na regionalnom putu Tuzla-Čelić u naselju Solina

j) Obavještenje Službe za komunalne poslove, izgradnju i poslove mjesnih zajednica o razlozima prolongiranja izrade Odluke o komunalnom redu

k) Obavještenje Službe za komunalne poslove, izgradnju i poslove mjesnih zajednica o razlozima prolongiranja izrade Programa kapitalnih investicija Grada Tuzla za period 2018-2022 godina

l) Obavještenje Službe za boračko-invalidsku zaštitu, stambene poslove i integraciju raseljenih lica o razlozima prolongiranja izrade Odluke o postupku, uslovima i kriterijima za zaključenje ugovora o zakupu napuštenih stanova koji su stavljeni na raspolaganje Gradu Tuzla

m) Obavještenje JU Narodna i univerzitetska biblioteka Tuzla o razlozima prolongiranja Izvještaja o radu i poslovanju za 2017. godinu

n) Inicijativa za imenovanje ulice „Omladinsko šetalište Srđan Aleksić“

o) Urgencija na inicijativu za adekvatno rješavanje prilaza Pedijatrijskoj službi Doma zdravlja Tuzla

p) Inicijativa za refundaciju troškova nabavke GSP narukvica za djecu sa autizmom

r) Urgencija za dostavljanje informacije o realizaciji zaključaka Gradskog vijeća Tuzla koji se odnose na problem aerozagađenja i o mjerama i aktivnostima poduzetim u cilju smanjenja aerozagađenja

Kolegij Gradskog vijeća Grada Tuzla, održao je sjednicu neposredno pred početak ove osamnaeste redovne sjednice te razmotrio blagovremeno pristigle prijedloge za izmjene i dopune predloženog dnevnog reda.

Mirnes Ajanović, vijećnik BOSS Bosanske stranke je predložio da se u dnevni red 18. redovne sjednice Gradskog vijeća Tuzla uvrsti tačka VIJEĆNIČKA PITANJA.

Kolegij Gradskog vijeća Tuzla je prihvatio ovaj prijedlog te predlaže Gradskom vijeću Tuzla da se VIJEĆNIČKA PITANJA razmatraju kao tačka jedan dnevnog reda, a da se ostale tačke redoslijedom pomjere.

Stavljam na izjašnjavanje ovaj prijedlog Kolegija Gradskog vijeća i pozivam vijećnike da aktiviraju uređaje za elektronsko glasanje i da se pritiskom na odgovarajući taster izjasne za prijedlog, ili protiv prijedloga, ili kao suzdržani u odnosu na prijedlog.

Pa vas molim da glasate. Dobro. Zbog manjih tehničkih problema, možemo ponoviti glasanje. Izvolite. U redu. Glasanje je okončano.

Konstatujem da je prijedlog Kolegija Gradskog vijeća Tuzla, na inicijativu Mirnesa Ajanovića, vijećnika BOSS Bosanske stranke, da se u dnevni red 18. redovne sjednice Gradskog vijeća Tuzla, kao tačka 1. dnevnog reda uvrsti tačka VIJEĆNIČKA PITANJA, a da se ostale tačke redoslijedom pomjere, usvojen s 28 glasova za, bez glasova protiv i bez suzdržanih glasova.

Mirnes Ajanović, vijećnik BOSS Bosanske stranke je predložio da se u dnevni red 18. redovne sjednice Gradskog vijeća Tuzla uvrsti tačka pod nazivom INICIJATIVA „ZA ŽIVOT SA MANJE BOLI“ U CILJU NABAVKE SENZORA ZA BEZBOLNO I KONTINUIRANO MJERENJE NIVOVA ŠEĆERA U KRVI ZA DJECU I ODRASLE OBOLJELE OD DIJABETESA.

Kolegij Gradskog vijeća Tuzla je prihvatio ovaj prijedlog te predlaže Gradskom vijeću Tuzla da se ova tačka razmatra kao tačka 9. dnevnog reda današnje sjednice, a da se ostale tačke redoslijedom pomjere.

Stavljam na izjašnjavanje ovaj prijedlog Kolegija Gradskog vijeća i pozivam vijećnike da aktiviraju uređaje za elektronsko glasanje i da se pritiskom na odgovarajući taster izjasne za prijedlog, ili protiv prijedloga, ili kao suzdržani u odnosu na prijedlog. Glasanje je okončano.

Konstatujem da je prijedlog Kolegija Gradskog vijeća Tuzla, na inicijativu Mirnesa Ajanovića, vijećnika BOSS Bosanske stranke, da se u dnevni red 18. redovne sjednice Gradskog vijeća Tuzla, kao tačka 9. uvrsti INICIJATIVA „ZA ŽIVOT SA MANJE BOLI“ U CILJU NABAVKE SENZORA ZA BEZBOLNO I KONTINUIRANO MJERENJE NIVOA ŠEĆERA U KRVI ZA DJECU I ODRASLE OBOLJELE OD DIJABETESA, a da se ostale tačke dnevnog reda redosljedom pomjere, usvojen jednoglasno, s 28 glasova za, bez glasova protiv i bez suzdržanih glasova.

Kolegij Gradskog vijeća Tuzla predlaže da se u okviru tačke RAZMATRANJE IZVJEŠTAJA KOMISIJE ZA IZBOR I IMENOVANJA, razmatraju Izvještaj Komisije za izbor i imenovanja sa sjednice održane 20. 02. 2018. godine i Izvještaj Komisije za izbor i imenovanja sa sjednice održane 27. 03. 2018. godine.

Stavljam na izjašnjavanje ovaj prijedlog Kolegija Gradskog vijeća i pozivam vijećnike da aktiviraju uređaje za elektronsko glasanje i da se pritiskom na odgovarajući taster izjasne za prijedlog, ili protiv prijedloga, ili kao suzdržani u odnosu na prijedlog. Glasanje je okončano.

Konstatujem da je prijedlog Kolegija Gradskog vijeća Tuzla, da se u okviru tačke RAZMATRANJE IZVJEŠTAJA KOMISIJE ZA IZBOR I IMENOVANJA, razmatraju Izvještaj Komisije za izbor i imenovanja sa sjednice održane 20. 02. 2018. godine i Izvještaj Komisije za izbor i imenovanja sa sjednice održane 27. 03. 2018. godine, usvojen jednoglasno s 28 glasova za, bez glasova protiv i bez suzdržanih glasova.

Pitam da li ima još prijedloga za izmjene i dopune predloženog dnevnog reda? Ako nema, stavljam na izjašnjavanje dnevni red u cjelini.

Pozivam vijećnike da aktiviraju uređaje za elektronsko glasanje i da se pritiskom na odgovarajući taster izjasne za prijedlog, ili protiv prijedloga, ili kao suzdržani u odnosu na prijedlog.

Glasanje je okončano.

Konstatujem da je izmijenjen i dopunjen dnevni red današnje sjednice u cjelini usvojen s 28 glasova za, bez glasova protiv i bez suzdržanih glasova:

## **DNEVNI RED**

- 1. VIJEĆNIČKA PITANJA**
- 2. INFORMACIJA O RADU GRADSKOG PRAVOBRANILAŠTVA GRADA TUZLA ZA 2017. GODINU**
- 3. INFORMACIJA O REALIZACIJI AKCIONOG PLANA RAVNOPRAVNOSTI SPOLOVA OPĆINE TUZLA 2013. – 2016.**
- 4. INFORMACIJA O RADU STRUČNOG TIMA ZA ODREĐIVANJE NAZIVA ULICA, TRGOVA I MOSTOVA U GRADU TUZLA**
- 5. INFORMACIJA O REALIZACIJI PROJEKATA IZ OBLASTI RAZVOJA PODUZETNIŠTVA**
- 6. INFORMACIJA O ORGANIZOVANOSTI I OPREMANJU SLUŽBI ZAŠTITE I SPAŠAVANJA NA PODRUČJU GRADA TUZLA**
- 7. INFORMACIJA O STANJU KLIZIŠTA NA PODRUČJU GRADA TUZLA U 2017. GODINI**
- 8. IZVJEŠTAJ KOMISIJE ZA IZBOR I IMENOVANJE**

**9. INICIJATIVA „ZA ŽIVOT SA MANJE BOLI“ U CILJU NABAVKE SENZORA ZA BEZBOLNO I KONTINUIRANO MJERENJE NIVOVA ŠEĆERA U KRVI ZA DJECU I ODRASLE OBOLJELE OD DIJABETESA**

**10. RASPRAVA O NACRTU:**

**a) ZAKONA O IZMJENAMA I DOPUNAMA ZAKONA O USLOVIMA I POSTUPKU LEGALIZACIJE BESPRAVNO IZGRAĐENIH GRAĐEVINA**

**b) ZAKONA O DOPUNAMA ZAKONA O POREZU NA PROMET NEPOKRETNOSTI I PRAVA**

**11. TEKUĆA PITANJA**

**a) Obavještenje o razlozima prolongiranja izrade Pravilnika o izmjenama i dopunama Pravilnika o načinu korištenja, redu i radu na taksi stajalištima i kriterijima za dodjelu taksi stajališta**

**b) Obavještenje o razlozima prolongiranja izrade Informacije o statusu i stanju grobalja/mezarja na području grada Tuzla**

**c) Inicijativa za izgradnju spomenika Husein-kapetanu Gradašćeviću, Zmaju od Bosne, u Gradskom parku Tuzla, preko puta spomenika Tvrtku i Kotromaniću**

**d) Urgencija urgencije na urgenciju za saniranje udarnih rupa na saobraćajnicama u Tuzli**

**e) Inicijativa da se osigura besplatan parking vlasnicima vozila na električni pogon**

**f) Inicijativa za regulisanje raskrsnice u mjesnoj zajednici Solana**

**g) Inicijativa za asfaltiranje ulice Gine Herman**

**h) Inicijativa za dostavljanje izvještaja o radu savjeta mjesnih zajednica na području grada Tuzla**

**i) Urgencija za otklanjanje zaštitne ograde na regioanlnom putu Tuzla-Čelić u naselju Solina**

**j) Obavještenje Službe za komunalne poslove, izgradnju i poslove mjesnih zajednica o razlozima prolongiranja izrade Odluke o komunalnom redu**

**k) Obavještenje Službe za komunalne poslove, izgradnju i poslove mjesnih zajednica o razlozima prolongiranja izrade Programa kapitalnih investicija Grada Tuzla za period 2018. - 2022. godina**

**l) Obavještenje Službe za boračko-invalidsku zaštitu, stambene poslove i integraciju raseljenih lica o razlozima prolongiranja izrade Odluke o postupku, uslovima i kriterijima za zaključenje ugovora o zakupu napuštenih stanova koji su stavljeni na raspolaganje Gradu Tuzla**

**m) Obavještenje JU Narodna i univerzitetska biblioteka Tuzla o razlozima prolongiranja Izvještaja o radu i poslovanju za 2017. godinu**

**n) Inicijativa za imenovanje ulice „Omladinsko šetalište Srđan Aleksić“**

**o) Urgencija na inicijativu za adekvatno rješavanje prilaza Pedijatrijskoj službi Doma zdravlja Tuzla**

**p) Inicijativa za refundaciju troškova nabavke GSP narukvica za djecu sa autizmom**

**r) Urgencija za dostavljanje informacije o realizaciji zaključaka Gradskog vijeća Tuzla koji se odnose na problem aerozagađenja i o mjerama i aktivnostima poduzetim u cilju smanjenja aerozagađenja**

Sada prelazimo na realizaciju dnevnog reda današnje osamnaeste redovne sjednice Gradskog vijeća Tuzla.

Prva tačka Dnevnog reda je:

## VIJEĆNIČKA PITANJA

Mirnes Ajanović. Izvolite. Iznesite svoje vijećničko pitanje.

### **MIRNES AJANOVIĆ - vijećnik Bosanske stranke**

Hvala predsjedavajući. Pozdrav svima koji su prisutni u sali, takođe i onima koji budu imali priliku da gledaju prenos sjednice Gradskog vijeća putem RTV 7 i portala salus info.

Vijećničko pitanje Gradskom vijeću Tuzla. Prvo.

Izmjene Poslovnika Gradskog vijeća Tuzla su pored brojnih odredbi koje su protivne Evropskoj konvenciji o zaštiti ljudskih prava i članu II Ustava BiH, rezultirale i situacijom da vijećnici više ne govore sa govornice, nego sa mjesta gdje sjede, za razliku od službenika Gradske uprave koji govore sa govornice.

Smatram neprimjerenim da vijećnici prilikom iznošenja svojih stavova po tačkama dnevnog reda Gradskog vijeća Tuzla ne govore sa govornice, jer je potpuno apsurdno da se obraćanje vijećnika vijećnicima i ostalim prisutnim u sali ne vrši na način da su vijećnici licem okrenuti prema osobama kojima se obraćaju.

Izrazito je bilo ružno posmatrati Gradsko vijeće Tuzla u situaciji kada vijećnik govori vijećnicima koji su mu iza leđa, ili su mu okrenuti leđima, a posebno u situaciji kada RTV 7 snima sjednica iza vijećnika, kojima se vide samo frizure.

Posebno je problematično to što su tada i građani koji su gledali bili u nekakvoj vrsti odnosa nepoštovanja dakle vijećnika prema građanima, prema javnosti.

Pitanje je da li se od naprijed navedenog Gradsko vijeće Tuzla i dalje smatra da treba zadržati u Poslovniku Gradskog vijeća Tuzla neprimjerenu odredbu kojom je onemogućeno vijećnicima da govore sa govornice, ili će Vijeće donijeti odluku da se izvrši izmjena Poslovnika i odredbi da vijećnici govore sa govornice, jer bi time prestalo sve ovo što je naprijed navedeno, pa i ova okolnost sada imamo ovu situaciju vrlo neugodnu za RTV 7 mislim da se ovo treba riješiti sa dvije kamere ili angažovati, kao što je to do sada bilo od strane objektivno.ba portala snimanje sjednica Vijeća kako je to zaključeno Kolegijem Gradskog vijeća i zaključcima Gradskog vijeća kako bi građani imali shodno zakonu o slobodi pristupa informacijama potpuno i transparentno uvid u rad Gradskog vijeća Tuzla.

Prvo vijećničko pitanje jeste Jasminu Imamoviću, gradonačelniku i direktoru Javne zdravstvene ustanove Gradske apoteke Tuzla.

Nekoliko mjeseci ne dobijamo odgovor na vijećničko pitanje koliko lica je zaposleno u Javnoj zdravstvenoj ustanovi Gradske apoteke Tuzla u periodu od 2014. godine pa do postavljanja vijećničkog pitanja.

Okolnost da se ne dostavlja odgovor na vijećničko pitanje i nakon ponavljanja istog na sjednicama Gradskog vijeća Tuzla, ukazuje na sumnju da se izbjegavanje davanja odgovora vrši u cilju prikrivanja činjenica koje bi mogle ukazivati na izvršenje krivičnog djela iz poglavlja XVII Krivičnog zakona Federacije bosne i Hercegovine – Krivična djela pritov slobode i prava čovjeka građanina, član 195. Povreda slobode odlučivanja birača, za što je predviđena i novčana kazna i kazna zatvora do tri godine, odnosno ukazuje se na sumnju da su u protekloj godini upošljavana lica ili primana u status pripravnika, a kako bi se iskoristio njihov težak poožaj i ista uslovlila za glasanje u izbornoj kampanji.

Citiram član 195. stav 1. Krivičnog zakona Federacije Bosne i Hercegovine, citiram: „Ko silom ozbiljnom prijetnjom, prinudom, podmićivanjem ili korišćenjem njegovog teškog imovinskog stanja ili na drugi protupravan način utiče na birača u Federaciji da na izborima za institucije u Federaciji ili prilikom glasanja o opozivu ili na referendumu glasa za ili protiv

pojedine liste, pojedinog kandidata, ili da glasa za ili protiv opoziva, za ili protiv prijedloga o kome se odlučuje referendumom, ili da uopće ne glasa, kaznit će se novčanom kaznom i kaznom zatvora do tri godine“, završen citat.

Okolnost nedostavljanja odgovora na vijećničko pitanje rezultiralo je informacijama koje sam dobio da je preko 20 lica uposlano u prethodnoj godini. Nisam siguran u to ali zato i tražim putem vijećničkog pitanja tačnu informaciju.

Ukoliko do naredne sjednice Gradskog vijeća ne dobijem odgovor na vijećničko pitanje sa svom pratećom dokumentacijom kako je to zatraženo vijećničkim pitanjem, bit ću dužan podnijeti krivičnu prijavu Kantonalnom tužilaštvu TK protiv svih odgovornih lica u JZU Gradske apoteke Tuzla, uključujući i gradonačelnika, zbog sumnje u krivično djelo nečinjenja ili saučesništvo u izvršenju krivičnog djela.

I još jedno pitanje. Zadnje. Gradonačelniku i direktoru Javne zdravstvene ustanove Gradske apoteke Tuzla. Tražim da mi se dostave kopije ugovora Javne zdravstvene ustanove Gradske apoteke Tuzla sa dobavljačima lijekova sa rabatnim skalama, koji su obavezni biti u prilogu ugovora i to za period 2014., 2015., 2016. i 2017. godine. Tražim da prilikom dostavljanja dokumentacije dostave kopije ugovora:

1. Ugovor o komercijalnom snabdijevanju sa izraženom rabatnom skalom za sve dobavljače i veletrgovce.

2. Ugovore o snabdijevanju lijekovima sa esencijalne liste lijekova sa izraženom rabatnom skalom lijekova i ugovori o svim dodatnim rabatima u vidu naturalnih rabata, ako ih je bilo, za sve dobavljače odnosno na trgovce.

Napominjem da se ne rari o obimnoj dokumentaciji, svaki ugovor ima oko pet stranica za svakog dobavljača. Toliko predsjedavajući.

## **ALEKSANDAR VUJADINOVIĆ**

U redu. S obzirom da nema drugih vijećnika koji bi izložili vijećnička pitanja.

Prelazimo na drugu tačku Dnevnog reda:

## **INFORMACIJA O RADU GRADSKOG PRAVOBRANILAŠTVA GRADA TUZLA ZA 2017. GODINU**

Obavještavam vijećnike da je u vezi ove tačke Dnevnog reda:

Predlagač je gradonačelnik Grada Tuzla.

Obrađivač je Gradsko pravobranilaštvo Tuzla.

Materijal su razmatrali Komisija za ekonomske odnose i klubovi vijećnika.

Pitam prisutne, da li ima potrebe da, u skladu sa članom 68. Poslovnika Gradskog vijeća Tuzla predlagač ili obrađivači daju uvodno izlaganje? Nema.

Pitam da li ima potrebe da se pročita izvještaj komisije? Ukoliko nema.

Otvaram raspravu klubova vijećnika. Nataša Perić, Klub vijećnika SDP-a. Izvolite.

## **NATAŠA PERIĆ - vijećnik Socijaldemokratske partije**

Hvala predsjedavajući, dobar dan svima. Što se tiče INFORMACIJE O RADU GRADSKOG PRAVOBRANILAŠTVA GRADA TUZLA ZA 2017. GODINU Klub vijećnika i vijećnica SDP BiH Tuzla će podržati navedenu informaciju.

Evidentno je da je Pravobranilaštvo imalo dosta aktivnosti u svom domenu te da je uglavnom uspješno vodilo sve vrste postupaka.



Kao što se može primjetiti pokazatelj u radu Gradskog pravobranilaštva u 2017-toj su sublimirani u tabeli broj 1. iz koje vidimo koje vrste postupaka, koje vrste postupaka su vođene pred sudovima, odnosno organima uprave.

Dakle može se vidjeti koliko je predmeta prenešeno u rad Pravobranilaštva iz prethodnih godina, te koliko je predmeta formirano u prošloj godini.

Kada su u pitanju pokazatelji o radu i uspjehu Pravobranilaštva u pojedinim postupcima i dati podataka u tabeli 1. vidljivo je da je u parničnom postupku u prvostepenom postupku riješeno 47 predmeta od čega je 19 u korist Grada, a 15 na teret Grada.

Sudovi su na drugi način riješili 13 predmeta koji se odnose na povlačenje tužbe od strane tužitelja i iz ovog se može zaključiti da je Prvobranilaštvo uspjelo u 32 predmeta, dok je na teret Grada riješeno 15 predmeta.

Od 19 predmeta koji su riješeni u korist Grada sud je odbio 12 tužbeni zahtjeva protiv Grada Tuzla što je svakako za pohvalu. Iz rubrike u tabeli 1. pod nazivom pravosnažni i okončani postupci zaključujemo da je Kantonalni sud u Tuzli riješio 42 predmeta od čega u korist Grada 29 predmeta, a na teret Grada 13 predmeta.

Od 29 predmeta riješenih u korist grada odbijeni su tužitelji sa tužbenim zahtjevima prema Gradu Tuzla u iznosu od premo 1.700.000 KM.

Takođe u tabeli 1. vidljivo je da je u 173 predmeta došlo do prekida postupka, odnosno da sud ili organ uprave treba riješiti neko prethodno pitanje na osnovu zaključka dok se ne riješi taj predmet neće ni završiti ovi predmeti, odnosno tek će po rješavanju tog pitanja se steći uslovi za nastavak prekinutog postupka.

Vidimo da je Pravobranilaštvo riješilo sve kad je u pitanju davanje obaveznih pravnih mišljenja i ovjeru kupoprodajnih ugovora u postupku prodaje stanova u kojima postoji stanarsko pravo.

Iz svega navedenog i prikazanog u INFORMACIJI O RADU GRADSKOG PRAVOBRANILAŠTVA GRADA TUZLA ZA 2017. GODINU Klub vijećnika SDP-a BiH će podržati navedenu informaciju. Hvala.

## **ALEKSANDAR VUJADINOVIĆ**

Hvala lijepo. Mirnes Ajanović, BOSS. Izvolite.

## **MIRNES AJANOVIĆ**

Hvala predsjedavajući. Uzevši u obzir dio naveden u izvještaju o radu Gradskog pravobranilaštva može se reći da Pravobranilaštvo radi katastrofalno. Evo citiram, posmatrano po godinama nastanka parnica, prema stanju P upisnika navodim da najstariji predmet u evidenciji Pravobranilaštva datira iz 1984. godine i da još uvijek nije okončan pred redovnim sudovima. i kad čitam ovu odredbu neko će zauzeti stav da Pravobranilaštvo ne valja. Međutim, nije tako.

Meni je kao pravniku bilo zadovoljstvo da je glavni pravobranilac se odlučio i da u ovakvu informaciju unese izvještaj. Ovo samo pokazuje stanje u kojem se nalazi pravosuđe u Bosni i Hercegovini, odnosno građani koji traže svoja prava pred sudovima, pa i pravobranioci koji štite prava Grada Tuzle.

Evo, okolnost da od 84-te nemamo završen predmet upućuje na alarm za, recimo apel ili jednu vrstu mogućeg zaključka koji treba da se definiše, pa ću to kada prezentiram još određene druge informacije.

Pravobranilaštvo je uradilo dobar izvještaj, dosta su to jasno, kako kaže se u narodu pitko prezentirali. Dakle, nije tekst težak, nije tekst sačinjen od pravnih izraza koje recimo standardni građani koji nema ovu vrstu naobrazbe, ne može razumjeti. Ovdje je sačinjeno sve što su uradili u prethodnoj godini po poglavljima. A onda u tački četiri razlozi koji utiču na dužinu trajanja postupaka pred sudovima i organima uprave je vrlo dobro obrazloženo, uz jednu opasku, možda malo i propušteno, sve što jeste rezultat dugi postupaka koji se vode pred sudovima.

Pravobranionci su to naveli, da oni čak evo slali 435 urgencija za ubrzanje postupaka, međutim, te urgencije ne daju rezultate zato što sudije će uvijek odgovoriti da oni rade po broju predmeta, odnosno po predmetima koji su prethodno došli i ove urgencije samo pokazuju koliko Pravobranilaštvo pokušava evo da se opravda pred Gradskim vijećem, odnosno javnosti, da i putem urgencija traži ubrzanje postupaka. Mešutim, ove urgencije definitivno ne mogu da znače ništa.

Ali pokazuje dakle upornost pravobranilaca i po meni ovo ne treba niti da stoji ova kao neka naznaka da su oni trude jer evo sama ova činjenica pokazuje i apsurdnost toga. Na žalost sudovi ne uzimaju to u smislu ozbiljnosti zato što imaju prethodne predmete koje nisu riješili i gledajući po stanju sudova nije kriv sudija koji ima predmete od tri, četiri godine koji stoje, pa kad dođe predmet kasnije naknadno, ne može ni uzeti ni postupiti po urgenciji jer bi onda počinili prekršaj jer bi razmatrali predmet koji je naknadno došao.

Dakle, nisu krivi ni sudovi, ni pravobranilaštvo, nego okolnost da je bio veoma mali broj sudova pred Kantonalnim sudom i evo naše aktivnosti iz prošle godine i predprošle godine kada smo prezentirali kada sam ja govorio na sjednicama Gradskog vijeća rezultirale su time da je došlo do transformacije određenog broja sudova odnosno sudija Opštinskog suda u Tuzli u kantonalni sud, povećan je broj kantonalnog suda, a to je razlog zbog činjenice da smo u zadnjim evo godinama imali situaciju recimo predate predmet i već za nekoliko mjeseci možete imati okončan predmet pred Opštinskim sudom, ali onda čekate tri godine za žalbu pred Kantonalnim sudom, tri ili četiri godine.

I polako se evo počinje pomjerati taj rok smanjivanja godina čekanja na drugostepenu odluku i to navedeno, ne na ovakav način, ali pravobranionci obrazlažu kakve su okolnostiu okvirima, pa recimo prekid postupka, pa prethodno pitanje gdje sud mora riješiti određena pitanja pa tek onda se vratiti na onu glavnu parnicu.

A ono što se zna desiti u drugostepenom postupku je vraćanje na ponovni postupak. Dakle, nekada sudovi opštinski treba i godina dana da okončaju određeni predmet, pa onda tri ili četiri godine čekanja na drugostepenu odluku pa onda vraćanje opet na početak godinu dana rješavanja eventualno ili nekoliko mjeseci u prvostepenom postupku, pa opet drugostepeni tri ili četiri godine, ode to na deset godina.

Da bude jasno zašto pravobranionci nisu u ovakvom stanju, mogući da djeluju efikasnije.

E sad pravobranilac nije naveo razloge koji su vrlo bitni, apsurdne sudske odluke, odnosno neujednačenu sudsku praksu.

Na Skupštini Advokatske komore koja je bila u prošli petak u Tuzli razgovarano je i o ovom problemu i traži se da se pri Vijeću za odnosno Visokom sudskom i tužilačkom vijeću oformi komisija koja će sačiniti ujednačenu sudsku praksu i ovo je jedan od zaključaka da i Gradsko vijeće dakle traži da se pri VSTV oformi komisija sa obavezom sačinjavanja ujednačene sudske prakse da se ne desi da danas imate situaciju da u Tuzli, Živinicama, u Sarajevu, da bilo gdje u Bosni i Hercegovini, za istu pravnu stvar, isto činjenično stanje recimo apsurdnu situaciju da donesete bijel papir da sud presudi da je bijel papir. Da provedete postupak svjedoka, vještačenja i svih koji će tvrditi da je papir bijel, ne možete biti sigurni da ćete na sudu dobiti presudu da je papir bijel.

Danas je zaista, bez imalo pretjerivanja takva sudska praksa. I da se pozovete na odluku drugog sudije i drugog suda koji je u takvim istim okolnostima utvrdio bijel papir ne možete biti sigurni da će ovaj sudija presuditi da je papir bijel.

I mora imati pravnu sigurnost na način da ukoliko potražujete određena prava pred sudom i zakon ih garantuje, a druga strana neće da poštuje zakon, da vi bez nekih velikih problema u sudskom postupku dobijete obavezu od strane suda prema tom licu da ta prava primjenjuje i kroz izvršni postupak da ostvari ta svoja prava. Danas toga nema u Bosni i Hercegovini. Nemoguće je ući u sudski postupak sa sigurnim sa sigurnom mogućnošću uspjeha u sporu.

Reći će neko da uvijek postoji mogućnost sigurnosti, ali uzevši u obzir da ponesete sudska praksu i identičan predmet imat ćete apsurdnu situaciju. Evo imamo recimo jednu apsurdnu situaciju u Tuzli. Isti sudija po pitanju jedne osobe koja na osnovu državne Agencije nije dobila prolaz, jer nije imala sedmi stepen stručne spreme, dakle nisu dali prolaz toj osobi da ide dalje u konkursnu proceduru za prijem u Gradsku upravu. Sud je presudio u prvom postupku da je ta diploma validna. Ali da treba tužiti umjesto direkcije, odnosno Agencije, Grad. Isti sudija dobio drugu tužbu gdje se tuži Grad. Isti sudija, sticajem okolnosti tako prođe kroz sudska evidenciju, sve kompjuter određuje, isti sudija presuđuje da to lice nema diplomu sedmog stepena i da ne može proći konkursnu proceduru.

I to je postalo pravosnažno na drugostepenom sudu. Dakle, ta osoba po pravosnažnoj presudi nema diplomu VII stepena. Šta sad?

Imamo situaciju da je ta osoba recimo zaposlena u Javnom preduzeću gdje je isključivo po opštim i posebnim uslovima potreban sedmi stepen. A sudska presuda kaže da nema. Evo kakvu imamo situaciju.

Je li to sad krivično djelo što je ta osoba zaposlena u javnoj ustanovi bez validne diplome? Sticajem bez osnova? Evo govorimo u kakvim situacijama se sve mogu naći pravobranioci. Ili svi znamo u pravu, pa čak i laici. Ako podnosite tužbu i tužim ja predsjedavajućeg da je kod njega ovaj dokument, papir. Ko u sudskom postupku treba dokazivati da je kod predsjedavajućeg ovaj papir? On koji ga možda nikad nije vidio i ne zna za njega ili ja koji tvrdim da je kod njega?

Član 7. Zakona o parničnom postupku i člana 123. definiše obavezu tereta dokazivanja u ovoj situaciji, na svim situacijama, na tužitelju, ja moram dokazati da on ima taj papir.

Sudovi presuđuju danas, u situaciji kad kaže tužitelj nije dokazao ni na kakav način da je taj papir u posjedu tuženog, ali kaže nije tuženi dokazao da nije kod njega i presudi da je tuženi obavezan da taj papir i plati sudske troškove.

Jer nije kaže dokazao da nije kod njega. Nevjerovatno kakvu imamo apsurdnu sudska praksu.

Postalo je brutalno bizarno u sudskim postupcima, u ovakvim okolnostima postupati, zato je potreban ovaj zaključak, dakle, da mi kao Gradsko vijeće tražimo ujednačavanje sudske prakse, da izbjegnemo situaciju u kojoj se nalazi Pravobranilaštvo, vrlo neugodnu, jer neko može optužiti pravobranioca da nije uradio sve što je potrebno, a zaista, evo shodno njihovom izvještaju se nalaze u vrlo teškoj situaciji i svi pravnici koji ulaze u sudske postupke, kako bi štitili prava shodno obavezama koje imaju preuzmu od strane ili klijenta ili u ovom slučaju pravobranioci u situaciji kada štite prava Grada. Pa imamo čak neke slučajeve malo simpatične, možemo tako reći, (ALEKSANDAR VUJADINOVIĆ – Samo vas molim.) ako je isteklo vrijeme evo završavam, predsjedavajući, vi ste ti koji naravno trebate nam reći i ja to apsolutno poštujem.

Imamo jednu situaciju gdje je Pravobranilaštvo tužiti Grad. Ali evo isteklo je vrijeme i ne bi više o tome. Ali koliko su ažurni u zaštiti zakonitosti prilikom njihovog rada. Hvala.

## **ALEKSANDAR VUJADINOVIĆ**

U redu. Hvala lijepo. Replika Edim Kadić, samostalni vijećnik. Izvolite.

### **EDIM KADIĆ – nezavisni vijećnik**

Prvo da vas pozdravim. Nadam se da ćemo biti danas ekspeditivni.

Vrlo je tužno kad jedan advokat govori laži. Vrlo je ružno da taj advokat izmišlja i vrlo je tužno slušati ovdje kako jedan gradski vijećnik, gradski vijećnik pokušava da uništi jednu od najboljih javnih ustanova.

Ovo sve što je rekao vezano, to se odnosi na mene. Na žalost on mi je bio advokat. Tačno je dakle da je bio spor ja samnjega, kao prijatelja, angažovo. Dobili smo znači od tog sudije presudu, ali je u presudi pisalo da nije kriva Agencija, nego Grad. Kad smo tužili Grad, onda je taj isti sudija rekao da nije kriv Grad. Znači nije uopšte sporno i volio bi da gospodin Ajanović donese da pokaže tu presudu i građanima i nama je li to tako, ali s druge strane, ja ne mogu da shvatim da čovjek može i mislim, po mom mišljenju da čovjek je od nekoga dobio zaista nešto da čovjek, po mom mišljenju, pokušava da nešto čime ovaj grad treba da se ponosi u zadnje četiri, pet godina, to smo imali priliku vidjeti. Ja ću vjerovatno i prezentirati šta je sve urađeno da i građanima pokažem šta je bilo i kako je bilo na svaki mogući način radi u korist privatnog lobija.

Ovo je stvarno otužno i ja ne mogu da vjerujem da može ovako čovjek izaći i govoriti notorne laži.

## **ALEKSANDAR VUJADINOVIĆ**

Hvala. Replika Mirnes Ajanović.

### **MIRNES AJANOVIĆ**

Evo poštovani predsjedavajući, kolege vijećnici i vi prisutni u sali šta sam ja to rekao neistinito.

Drugo, na koji način sam ja pomenuo kaže ustanovu koju pominje Edim Kadić? Nisam ni pomenuo koja ustanova. Nisam ni rekao naziv, nisam ni pomenuo Edima Kadića, Rekao samo stanje kakvo imamo u pravosuđu na osnovu informacije o kojoj smo raspravljali i gdje smo dobili okolnosti koje jesu evidentan apsurd u radu pravosuđa.

I kako se to sad Edim Kadić, prvo sam pronašao da ja govorim neistinito. Da ja urušavam, eto kao njegovu ustanovu, ako je nisam niti pomenuo.

Obzirom na poziv Kadića gdje je rekao da u drugoj presudi, kao nije kriv Grad, a ja sam nešto rekao laž da nema okolnosti da sudija je presudila da nema adekvatnu diplomu sedmog stepena, ja ću i vama vijećnici i cjelokupnoj javnosti, obzirom da je ovo javni poziv Edima Kadića, dostaviti tu presudu, a onda u takvoj okolnosti, dakle pravosnažne sudske presude gdje je utvrđeno da Edim Kadić nema VII stepen stručne spreme, onda ćemo izvršiti provjeru da li je validno uposlenje njegovo u Javnu zdravstvenu ustanovu Gradske apoteke Tuzla i da li je validna uopšte njegova, kako navodi na nekoliko mjesta, diploma navodnog magistra ekonomskog prava.

Dakle, sad ćemo na osnovu te presude, jer je javni poziv upućen, evo ja ću pokazati, kaže gospodin Kadić da ja lažem, da govorim neistinu. Nisma ponjeo to. Ja sam samo govorio o informaciji i apsurdnosti u sudskim postupcima.

Dakle, javnosti odmah, čim budem imao priliku eventualno sutra, vama kao vijećnicima, cjelokupnoj javnosti dostavit ću tu presudu jer imam odobrenje od Edima Kadića koji je javno izrekao kao vijećnik da dostavim javnosti. Ja mu se zahvaljujem na toj prilici.

### **ALEKSANDAR VUJADINOVIĆ**

U redu. Hvala. Edim Kadić, replika. Izvolite.

### **EDIM KADIĆ**

Gospodine Ajanoviću, žalosno je gospodine Ajanoviću da ste vi bili moj advokat i žalosno je da sam ja sa vama 20 godina. Znači, Edim Kadić je završio i Ekonomski fakultet i magistrirao ekonomiju, a ako budemo postavljali pitanja neka druga, pred nama je gospodine, ali je jako žalosno. Donesite tu presudu imam i ja presudu.

Vi ste onda mene kao advokat slagali. Niste mi dostavili tu presudu.

### **ALEKSANDAR VUJADINOVIĆ**

U redu hvala. Da li se još neko javlja? Replika. Mirnes Ajanović.

### **MIRNES AJANOVIĆ**

Pa ne znam kakve veze ima ovaj izvještaj sa nečim od prije 20 godina? Šta to opservira Edim Kadić u svojoj glavi? Nije ni meni jasno. Vjerovatno nikome nije.

Okolnost prvo da se sam našao prozvan bezpotrebno, jer nisam niti pomenuo niti njegovu javnu zdravstvenu ustanovu, niti i dalje pominjem, evo samo sam imao priliku da kažem ovo. Opet nema nikakve veze s tim što kaže da je žalosno da sam ja bio advokat.

Ja sam vrlo profesionalno u sudu odradio sav dio posla koji sam imao, zastupanjem Edima Kadića.

I okolnost koju sam prezentirao, sudija (nerazgovjetno izgovorena riječ op.a.) sad je sudija Kantonalnog suda donosi suprotnu odluku. U dva postupka nema veze sa mojim profesionalnim zastupanjem, nego sa apsurdnošću donošenja odluka suda.

Okolnost prvo da Edim Kadić nije znao za presudu, a sam govori o toj drugoj presudi, pokazuje o kakvim manipulacijama se vrši Edim Kadić. Maločas je rekao u prvoj replici kakva je ta druga presuda, a sad kada sam argumentima i činjenicama a dokazat ću i presudom, istakao da je sud presudio da nema sedmi stepen stručne spreme, sad odjedanput on ne zna za presudu. Ja sam svoj posao profesionalno odradio, a bilo bi korektno da Edim Kadić plati advokatske usluge jer je to propisano Zakonom o advokaturi, Nije do sada platio niti jednu jedinu marku.

### **ALEKSANDAR VUJADINOVIĆ**

Dobro. Hvala. Ko se slijedeći javlja za riječ? Ispred klubova vijećnika. Jasminka Mijatović HDZ BiH. Izvolite.

### **JASMINKA MIJATOVIĆ – vijećnik Hrvatske demokratske zajednice**

Hvala gospodine predsjedavajući. Pozdravljam sve nazočne. Kada je riječ o informaciji, INFORMACIJA O RADU GRADSKOG PRAVOBRANILAŠTVA GRADA

TUZLA ZA 2017. GODINU, ja sam nekako aktivno analizirala prošlo izvješće za 2016. godinu i što se tiče izvješća za 2017. godinu, ja se samo mogu pohvalno izraziti.

Dijelim promišljanja onih koji su to već analizirali da ne bi se upuštali u detalje. Jedina zamjerka koju sam ja primjetila da ova informacija nije potpisana, ako je to zamjerka. Znači, pohvalno se mogu izraziti za ovu informaciju.

Tabelarni prikaz je takav da sve one informacije koje su neophodne kako bi imali saznanja o određenim predmetima i tok postupka imamo. Preporuke koje su navedene u ovoj informaciji, ja takođe podržavam i vjerujem da će se sticanjem novih znanja i iskustava, a imajući u vidu činjenicu da ovoj zemlji slijedi nova pravna regulativa i izmjena glede raznih oblasti, vjerujem da će u tom pravcu i pratiti segment edukacije naših pravobranitelja i da će uspješno zastupati Grad Tuzla pred nadležnim organima.

Dijelim promišljanja da u sadašnjoj situaciji kada se jako dugo čeka na revizionu i apelacionu odluku koja je jedina odluka koja je u konačnici donosi do pravde ili pravne sigurnosti u ovoj zemlji je skoro nedostižna jer se mora čekati dugi niz godina. Ali sam neki dan pročitala inicijativu, čini mi se zastupnika SBB-a gdje su tražili da se uradi izmjena zakonske regulative na način da se omogući građanima pristup Ustavnom sudu na način kako bi se omogućili da tamo gdje je, zbog nedostatka legitimacije, onemogućen pristup došlo do zakonite i valjane odluke kako bi se izbjegla ova neujednačena praksa o kojoj je govorio kolega Ajanović u budućnosti te izmjene dovesti do stvaranja novih pravnih temelja i pravne sigurnosti.

Svi mi koji imamo iskustvo u zastupanjima pred sudovima, znamo da je u identičnompravnom i činjeničnom osnovu se dešava situacija da dođemo do drugačijih odluka, čak i jednog suda tako da pravna sigurnost je zaista nešto što treba biti predmet razmatranja, ali mislim da smo mi institucija koja o tome u ovoj fazi ne može i ne treba govoriti, ali na zvaničnim mjestima, kao što sam već pomenula ovu inicijativu koju sam pročitala i za koju zdušno vjerujem da će biti usvojena i podržana očekujem i napredak u narednomperiodu.

Znači informacija pohvalno i imamo sve ono što je neophodno kako bi kao vijećnici bili upoznati sa stanjem predmeta i radom našeg Pravobraniteljstva.

Ovu pohvalu, evo imam par nekih pitanja koja ne umanjuju značaj pohvale, pa ću njih pitati nadležne isntitucije. Hvala.

## **ALEKSANDAR VUJADINOVIĆ**

Hvala lijepo. Da li se još neko javlja za riječ ispred klubova vijećnika? Ukoliko ne, zaključujem raspravu klubova vijećnika. Otvaram raspravu vijećnika. Gospodin Mensur Alić, Tuzlanska alternativa. Izvolite.

## **MENSUR ALIĆ - vijećnik Tuzlanske alternative**

Evo ja neću ponavljati predhodnike, ali reću ono što je u zadnjem jednom predmetu gdje se pokazalo da stvarno Pravobranilaštvo Grada Tuzle radi dobro i temeljito, a to je jedan od najkomplicovanijih predmeta a to je 15. maj, zgrada 15. maj na Brčanskoj Malti gdje se do kraja uključilo i gdje smo iznašli zakon i mogućnost kako da se taj objekat završi. U tome nam je najviše pomoglo Pravobranilaštvo. Održali smo puno sastanaka, tražili smo zakonsko rješenje i evo uspjeli smo naći i hvala bogu taj objekat se gradi, zahvaljujući naravno i drugim

službama Gradske uprave, ali prednost je tu naravno Pravobranilaštvo bilo i ja im u ime toga zahvaljujem i naravno, mi ćemo glasati kao Tuzlanska alternativa za izvještaj.

### **ALEKSANDAR VUJADINOVIĆ**

Hvala lijepo. Ispred vijećnika kao vijećnica SBB-a, Sabiha Mujkanović. Izvolite.

### **SABIHA MUJKANOVIĆ – vijećnik Saveza za bolju budućnost**

Hvala predsjedavajući. Pozdravljam sve prisutne. Evo ja sam i prošli put diskutovala o ovoj informaciji i ne bih ponavljala svoju diskusiju ali neke stvari treba naglasiti.

Prvo informacija je i prošli put i ovaj put je zaista konkretna, jasna, precizna, razumljiva nama koji se ne bavimo pravom i ja zaista zahvaljujem na tome.

Informacije nisu uljepšane što i ne treba da se dešava, potpuno objektivne i realne. Ja bih opet samo zamolila, kako bi se izbjegli neki nepotrebni troškovi, da tamo gdje se unaprijed zna da će se izgubiti postupak da se pokuša riješiti nekom vansudskom nagodbom ili dogovorom.

Prošli put sam iz one tabele navodila sve one odštete koje su isplaćene građanima zbog lomova, padova onečišćenja trotoara, slivnika, ujeda pasa lualica itd. I tada je gospodin Delić ispred Pravobranilaštva rekao da će Grad pokrenuti regresne tužbe protiv Javnog komunalnog preduzeća Komunalac zato što su oni zaduženi za održavanje grada.

Iz ove tabele prvostepenih postupaka riješenih u korist Grada vidimo da je bila jedna takva tužba i da je Grad dobio takvu tužbu i želim da iskoristim ovu priliku da pohvalim takav postupak i da se nadam da taj postupak neće biti jedini jer je zaista puno odšteta na taj način isplaćeno iz Budžeta Grada i samo da se nastavi sa tom praksom, a Javno komunalno preduzeće Komunalac nije jedino protiv kojeg treba takve regresne tužbe pokretati.

Ja se vjerovatno ne bih ni javila za ovu diskusiju da nemam jednu malu zamjerku, a to je da sam i prošli put tražila da se dostavi spisak službi i pojedinaca koji oštećuju Budžet Grada. Nismo taj spisak dobili i evo ja to ponavljam bilo u vidu zaključka ili ću uputiti kao vijećničko pitanje.

Znači zaista me zanima imena i prezimena pojedinaca i službi koji zbog svog neobavljanja posla, neznanja, nezainteresiranosti dovode Grad u ovu situaciju da mora isplaćivati sredstva zbog njihovog nerada. I zaista smatram da je vrijeme da se neki pojedinci kazne zato što ne rade svoj posao kako treba. Sve ostalo je u redu. Hvala.

### **ALEKSANDAR VUJADINOVIĆ**

U redu. Hvala lijepo. Da li se još neko javlja za diskusiju? Znači ukoliko nema, zaključujem raspravu vijećnika i konstatujem da je Gradsko vijeće Tuzla primilo je k znanju INFORMACIJU O RADU GRADSKOG PRAVOBRANILAŠTVA GRADA TUZLA ZA 2017. GODINU.

Pozivam sekretara Gradskog vijeća Tuzla da pročita zaključke koji su proizašli iz rasprave.

### **SLADANA KRAJINA – sekretar Gradskog vijeća Tuzla**

Gradsko vijeće Tuzla sugeriše nadležnim organima da se, u skladu sa zakonskim mogućnostima, pri Visokom sudskom i tužilačkom vijeću Bosne i Hercegovine oformi

komisija ili drugo tijelo čiji bi zadatak bio ujednačavanje sudske prakse u cilju jačanja pravne sigurnosti svih učesnika u postupcima.

**ALEKSANDAR VUJADINOVIĆ**

U redu. Stavljamna izjašnjavaanje. Dobro. Mirnes Ajanović. Izvolite.

**MIRNES AJANOVIĆ**

Samo ako može dopuna, obzirom na Evropsku konvenciju o ljudskim pravima i pravo na pravično suđenje. Samo da se doda to kako bi pojačali ovaj zahtjev i pravo građana da pred sudovima imaju pravo ostvariti svoja prava na osnovu pravičnog suđenja. Hvala.

**ALEKSANDAR VUJADINOVIĆ**

Hvala. Dobro. Zamolit ću sekretara Gradskog vijeća da nam još jednom pročita zaključak. Molim vas da još jednom pročitate ili kažete tu dopunu, da se može lakše zaključak dopuniti.

**MIRNES AJANOVIĆ**

Samo stavite, a shodno odredbama Evropske konvencije o ljudskim pravima, odnosno pravu na pravično suđenje.

**ALEKSANDAR VUJADINOVIĆ**

U redu. Ja vas molim da još jednom pročitate zaključak sa ovom dopunom, pa da se o njemu izjasnimo.

**SLAĐANA KRAJINA**

Gradsko vijeće Tuzla sugeriše nadležnim organima da se, u skladu sa zakonskim mogućnostima, pri Visokom sudskom i tužilačkom vijeću Bosne i Hercegovine oformi komisija ili drugo tijelo čiji bi zadatak bio ujednačavanje sudske prakse u cilju jačanja pravne sigurnosti svih učesnika u postupcima, u skladu sa Evropskom konvencijom o ljudskim pravima i pravom na pravično suđenje.

**ALEKSANDAR VUJADINOVIĆ**

U redu. Pozivam vijećnike da se izjasne glasanjem o ovom prijedlogu zaključka.

Pozivam vijećnike da aktiviraju uređaje za elektronsko glasanje i da se pritiskom na odgovarajući taster izjasne za prijedlog, ili protiv prijedloga, ili kao suzdržani u odnosu na prijedlog.

Glasanje je okončano. Konstatujem da je predloženi zaključak usvojen jednoglasno sa 29 glasova za, bez glasova protiv i bez suzdržanih glasova i to:

Primljena je k znanju **INFORMACIJA O RADU GRADSKOG PRAVOBRANILAŠTVA GRADA TUZLA ZA 2017. GODINU.**



Gradsko vijeće Tuzla sugerira nadležnim organima da se, u skladu sa zakonskim mogućnostima, pri Visokom sudskom i tužilačkom vijeću Bosne i Hercegovine oformi komisija ili drugo tijelo čiji bi zadatak bio ujednačavanje sudske prakse u cilju jačanja pravne sigurnosti svih učesnika u postupcima, u skladu sa Evropskom konvencijom o ljudskim pravima i osnovnim slobodama i pravom na pravično suđenje.

Prelazimo na treću tačku Dnevnog reda:

### **INFORMACIJA O REALIZACIJI AKCIONOG PLANA RAVNOPRAVNOSTI SPOLOVA OPĆINE TUZLA 2013. – 2016.**

Obavještavam vijećnike da je u vezi ove tačke dnevnog reda:

Predlagatelj je gradonačelnik Grada Tuzla.

Obrađivač je Služba za ekonomski razvoj i društvene djelatnosti.

Materijal su razmatrali Komisija za jednakopravnost polova i klubovi vijećnika.

Pitam prisutne, da li ima potrebe da, u skladu sa članom 68. Poslovnika Gradskog vijeća Tuzla predlagatelj ili obrađivači daju uvodno izlaganje? Nema.

Pitam da li ima potrebe da se pročita izvještaj komisije? Nema. Otvaram raspravu klubova vijećnika.

### **MIRNES AJANOVIĆ**

Hvala predsjedavajući. Ne bih dugo, jer nema niti potrebe, ali imam obavezu kao vijećnik da kažem da je ova INFORMACIJA O REALIZACIJI AKCIONOG PLANA RAVNOPRAVNOSTI SPOLOVA OPĆINE TUZLA 2013. – 2016. dosta dobro urađena.

Dakle, ekipa koja je ovo radila na čelu tada kada je bio Vedran Lakić, Pomoćnik gradonačelnika, uradila je dobar posao.

Oni su to na relativno malo strana, mogu reći sve pozitivno, na 9 strana sublimirali u svim segmentima koji su potrebni za prezentiranje javnosti, evo putem nas vijećnika, ovakve informacije o realizaciji akcionog plana ravnopravnosti spolova.

Imamo i u ciljevima doslovno promocije ravnopravne političke participacije, osnaživanja manje zastupljeni spolova, predstavljanja lokalne zajednice, dosljedno sprovođenje izbornog zakona, ravnoteži političkog angažovanja žena, urbanog i ruralnog područja, osnaživanja političkog žena glasača, rodne ravnopravnosti, obrazovanja, uklanjanja stereotipa, eliminacije rodne ravnopravnosti na svim nivoima obrazovanja, ohrabrivanje žena za poduzetničke poduhvate i svega onog ostalog, ne bih čak niti nabrajao, ali ono što je vrlo bitno pod ciljem 3. Zaustavljanje nasilja u porodici.

Dosta je danas slučajeva krivičnog procesuiranja lica za nasilje u porodici.

Iz onoga što sam imao priliku vidjeti kao advokat u postupcima, ovdje je sud, evo da malo kažem te prakse i radi onih koji to budu slušali.

Dosta na ovom dijelu Akcionog plana ravnopravnosti spolova, u brojnim situacijama nasilja u porodici gdje supružnici u četiri oka bukvalno imaju situaciju nasilja bez svjedoka, sudovi procesuiraju oba supružnika.

i oba supružnika idu u krivičnom postupku kao lica koja su optuženi, potvrđena optužnica. Zaista je zanimljivo da u situaciji kada samo u četiri oka se događalo to što se događalo, je kažu navodno suprug udario suprugu, supruga udarila supruga, vratila mu ona prva, ili je ovaj vratio, nebitno je, sud presuđuje da su oboje krivi.

I budu krivično osuđeni. Obično daju samo uslovne kazne, ali krivično osuđeni bude i jedna i druga strana i žena i muškarac, supruga i suprug.

Dakle, vrlo je teško u situacijama kada se sve te stvari događaju u zatvorenom stanu, bez svjedoka zaista utvrđivati nasilje u porodicama.

Većinom jesu žene te koje su žrtve nasilja. Većinom muškarci znaju koristeći svoju fizičku snagu, nemogućnost da otrpe okolnosti koje su prethodile takvim situacijama rezultirale da možda čak, možemo reći, jer sam imao kroz praksu, osobe koje su nenamjerno nekakvim gestom ruke, pa napravile kontakt sa drugom stranom, a koja se kasnije izrazito kajala zbog toga, dakle nije tu bilo ni nekih velikih povreda, ali takve situacije znaju rezultirati afektivnim stanjem da se zove policija.

Dolaskom policije dolazi gotovo većinom slučajeva do razdora braka i razvoda braka. Obično jedna strana napušta i zove roditelje. Onda još više to rezultira sukobom između supružnika, a pogotovo ako imaju malodobna djeca, onda su to vrlo teški postupci.

Tako da ovo što je danas u ovoj realizaciji Akcionog plana definisano kao evo zanimanje ove grupe koja je to radila, čestitam cijeloj grupi, ovde naravno samo na vrhu šef Službe, koliko znam, ovo vrlo dobro radi, već smo jednom prilikom imali hvaliti i Asja Redžić i svi ostali koji su bili uključeni u ovakvu vrstu prezentacije informacija, nekad mi je žao što kad imamo informaciju imamo samo šefa Službe, a čitav tim koji to radi, koji učestvuje u ovome, priprema, gdje nekad šef službe samo podpiše, a nekad zaista i direktno učestvuje, sasvim nebitno, bude izostavljen da mi kao vijećnici ne znamo ko je sve dao svoj trud i angažman u sačinjavanje određenih informacija koje nam dolaze.

Ja bih volio ako bi mogao jedan zaključak proćikroz ovu vrstu da u ovakvim informacijama koje eto ocijene se od strane šefa službe, da ne kažemo mi da mora biti, relativno bitnim, da uvijek bude sačinjena informacija o timu koji je sačinio informaciju, dakle ko je radio, analizirao, pravio, da imamo, da ne bude samo šef službe.

Mislim da trebamo rad svih u Gradskoj upravi uvažavati na način da se znaju ko je gdje šta radio. Ovako ispade da nekada u javnosti kažemo oni samo sjede tamo ništa ne rade, primaju platu, ispade da samo jedna osoba radi. Degradiramo dakle sam Grad Tuzla i Gradsku upravu kroz neevidentiranje lica koji učestvuju u sačinjavanju informacija i izradi informacija, gdje zaista ne može se od strane jedne osobe to sačiniti, niti uraditi.

Dalje, ovo što je sačinjeno u samoj informaciji govori o žrtvama koje su evo u nasilju u porodici, kakav psihoterapijski tretman i psihosocijalni, šta sve prolazi Centar za socijalni rad Grada Tuzla, kroz kakve situacije sukoba između roditelja. A to su Ombudsmeni u jednoj svojoj prezentaciji definisali u nazivu odprilike ovako, možda i tačan, djeca u konfliktnim razvodima.

Tek tada imamo posebne vrste nasilja u porodici gdje se zloupotrebaljava dijete kao oružje protiv drugog supružnika, gdje sudovi vrlo teško mogu ostvariti mogućnost zaštite prava jedne ili druge osobe nezavisno o kome se radilo. Imao sam priliku vidjeti i žene koje su žrtve nasilja gdje suprug ne dozvoljava ženi da viđa svoje dijete, ili obratno žena ne dozvoljava suprugu da viđa dijete. To je direktno kršenje Konvencije za zaštitu prava djeteta jer se time uskraćuju prava, ne samo dakle roditelja, nego i samog djeteta na pravo da ima oca ili majku bar u onom dijelu koliko je to sudom određeno.

Čak i po sudskim odlukama nema postupanja adekvatnog od strane određenih lica, to je problem sa kojim se država suočava i koji još uvijek ne može da riješi adekvatno. A onda to opet rezultira nasiljem u porodici jer u situaciji kada recimo žena ili suprug ne može da viđa svoje dijete stvaraju agresivnost kod jedne ili druge strane, koje može rezultirati teškim posljedicama koje mogu biti i tragične.

Tako da ovo što je ovdje sačinjeno kao informacija u tim tabelarnim odnosno sistematskim ciframa i brojevima i svemu onome što je urađeno za mene, kao građanina, puno znači u smislu davanja jasnog stanja u kojem se nalazimo.

Pa evo, ako bi mogla ova informacija da prođe i da li je moguće, evo pitam vas, kao moje kolege odnosno kolegice i kolege, da li se možemo upustiti u okolnost da tražimo od strane svih nadležnih za zaštitu prava djeteta, dakle od Ombudsmena do državnog, federalnog, kantonalnog, opštinskog nivoa, pravosuđa i svih da u situacijama recimo, evo da tasko kažemo, konfliktnih razvoda brakova ili bilo kakvoj situaciji gdje imamo konflikt između supružnika, na sve moguće načine se sve učini, kako bi se što prije ostvarivala prav djeteta, da dijete ima pravo na oba oca, da sudovi recimo sada imate situaciju u najkraćem (Oba roditelja.) oba roditelja, izvinjavam se, malo upada neko, pa malo smeta, oba roditelja, gdje imamo situaciju ukoliko recimo danas zatražite pravo da vidite svoje dijete po sudskoj presudi, može se desiti da pola godine tražite to svoje pravo.

A sud bi trebao u izvršnom postupku da postupa hitno. Dakle imamo taj evidentan problem koji rezultira okolnostima teških posljedica nasilja u porodici. Pa i ovaj zaključak ako ne bi bio sporan da mi kao Grad prva institucija koja i na ovaj način štiti prava svojih građana a samim time i prava građana Bosne i Hercegovine da pomognemo da neko počne razmišljati, ko je dužan da o tome razmišlja i na ovaj način kako da ovakve situacije što efikasnije, brže i sa manje posljedica rješavamo. Hvala predsjedavajući. Hvala na ispravci ove greške.

## **ALEKSANDAR VUJADINOVIĆ**

U redu. Hvala. Merima Softić, SDP. Izvolite.

## **MERIMA SOFTIĆ SPREČIĆ – vijećnik Socijaldemokratske partije**

Poštovani predsjedavajući, zamjenice, sekretarko, poštovani gosti, predstavnici medija, vijećnice i vijećnici, sve vas srdačno pozdravljam.

Ovako, pa zaista radi se o jednom dokumentu koji je, po meni trebao biti mnogo detaljniji, možda na mnogo više stranica. Zaista radi se o jednom dokumentu, ako se uzme u obzir sam njegov naslov, a to je INFORMACIJA O REALIZACIJI AKCIONOG PLANA RAVNOPRAVNOSTI SPOLOVA OPĆINE TUZLA 2013. – 2016. godine. Naravno uopšteno su predstavljeni određeni podaci, parametri, ali vjerovatno iz razloga zato što predviđeni ciljevi i određene mjere nisu se uspjeli sprovesti u određeno vrijeme, a zaista zatim i iz samog dokumenta vidimo da postoji velika potreba pa smo stava da se ova informacija, obzirom da se danas našla na dnevnom redu Klub SDP-a će podržati samu informaciju.

Stava smo evo da se evo i treba usvojiti ovakav dokument kako bi upravo iz ove prethodne rečenice koju sam navela, krenulo u izradu novog akcionog plana.

Upravo iz razloga što postoji velika potreba za izradom novog akcionog plana zbog određenih ciljeva koji evo nisu u nekom prethodnom periodu, vjerovatno radi objektivnih razloga mogli biti urađeni da li zbog nedostatka ljudstva ili jednostavno zbog nekih drugih stvari koje su otišle u drugom smjeru, koje su bile prioritnije, tako ću ih nazvati.

Takođe toje znači jedan zaključak, to je mislim bio zaključak Komisije za jednakopravnost spolova, pa podržavamo taj zaključak.

Druga, nadovezala bi se malo na prethodnu diskusiju vezano za sigurnu kuću. Interesuje me da li je ugroženo postojanje sigurne kuće kroz Viva žene? Jer ako se ona finansira samo na osnovu na osnovu napisanog projekta jer je zakonski je Grad onemogućen po drugim osnovama finansirati, tako vjerovatno i sa drugih nivoa vlasti da li je ugroženo postojanje sigurne kuće?

A vjerujem koliko je ona pomogla žrtvama nasilja, vidimo kroz ove dokumente koje smo imali. Takođe možda bi jedna zaključak bio, obzirom da je inicijativa 2012. godine pokrenuta formiranju pravilnika o osnivanju i finansiranju i radu sigurnih kuća na federalnom nivou zašto još uvijek nije taj prvilnik usvojen? Iz kojih razloga, a evo 2018-ta je godina. Da li možemo mi kao Vijeće uputiti inicijativu za hitno donošenje pravilnika o osnivanju i finansiranju i radu sigurnih kuća, da li sigurna kuća se može osnovati da nije pod okriljem nevladine organizacije Vive žene jer to nije možda nešto što je sigurno i što je stalno, a iz informacije zaista vidimo značaj postojanja sigurnih kuća.

Evo još jednom ću ponoviti Klub SDP-a će podržati ovu informaciju, znači ovako napisanu da bi se što prije krenulo u realizaciju novog akcionog plana o planiranju. Hvala.

## **ALEKSANDAR VUJADINOVIĆ**

U redu. Hvala lijepo. Sabiha Mujkanović, SBB. Izvolite.

## **SABIHA MUJKANOVIĆ**

Pozdravljam sve po drugi put. S obzirom da samčlanica Komisije za jednakopravnost spolova osjećam potrebu da se obratim vezano za ovu informaciju.

Kao članica Komisije dobro sam upoznata koliko je problema bilo da se pripremi ova informacija. Ona kao ona nije posebno opširna i ja bi ovom prilikom da zahvalim svimnevladinim organizacijama i udruženjima koja su sproveli aktivnosti vezane za jednakopravnost spoova, jer zahvaljujući njima mi imamo uopće ovu informaciju.

Ova informacija otkrila je određene nedostatke, znači sada se ne držim teksta informacije i sve ono što ona sadrži nego više upućujem na određene probleme koji su se javili u komunikaciji između same Komisije, Službe nadležne a i samog Gradskog vijeća.

Ova informacija najbolje je pokazala koliko nekad zaboravimo na zaključke Gradskog vijeća. Kolegica se dobro sjetila prošle godine, mislim da je bio maj ili juni, Komisija za jednakopravnost spolova podnijela je inicijativu da se pripremi novi Džender akcioni plan, da se krene u pripremu zbog toga što je ovaj istekao 2016-te godine i ta inicijativa je ovdje jednoglasno usvojena uz zaključak da se do slijedeće sjednice Gradskog vijeća dostavi informacija o realizaciji Džender akcionog plana za period od 2013. – 2016. godine i da se do tada ne kreće u pripremu novog.

Od tada je prošla godina dana i mi tek sada imamo ovu informaciju pa me zanima zašto se toliko dugo čekalo sa ovom informacijom i ko je uopće ispred Službe za ekonomski razvoj i društvene djelatnosti bio zadužen da prati aktivnosti koje su se provodile u okviru ovog Džender akcionog plana jer se to nije radilo? Pa me zanima ko je bio odgovoran da to provodi?

Ne mogu da ne naglasim koliko mi je žao što u Budžetu nisu izdvojena sredstva za pravljenje novog Džender akcionog plana ali se nadam da će se prilikom rebalansa Budžeta voditi radučna o tome.

Na kraju, s obzirom na određene nedostatke koji su postojali u komunikaciji ja vjerujem da je to i do sada bio slučaj evo ja sam prvi put u Vijeću pa ne znam, ali voljela bi, smatram da u interaktivnoj grupi resornoj koja pravi ovakve akcione planove svakako treba da bude i određen broj vijećnica i vijećnika, naravno članovi Komisije, kao i drugi nadležni službi na koje se ciljevi i koraci koji se donesu odnose.

I takođe smatram, voljela bih da ide kao zaključak, ne samo vezano za Džender akcioni plan, nego za bilo koji akcioni plan a donijeli smo ih već nekoliko usvojili, voljela bih

da se na kraju svake godine Gradskom vijeću podnese izvještaj o tome šta je urađeno za tu godinu u okviru tog plana, to ne mora ići kao posebno, znači ne tražim kao posebnu tačku Gradskog vijeća, nego čisto da vijećnici dobiju informaciju šta se uradilo za tu godinu da opet ne bismo dvije godine čekali da dobijemo informaciju o realizaciji nekog plana. Eto.

### **ALEKSANDAR VUJADINOVIĆ**

Hvala. Imamo tu i obrađivača materijala, pa ako želite da daju neke odgovore. Dobro. OK. U redu. Ispred Kluba vijećnika Jasminka Mijatović, HDZ BiH. Izvolite.

### **JASMINKA MIJATOVIĆ**

Hvala gospodine predsjedavajući. Pa nećemo napraviti neki veći osvrt, odnosno ja neću osobno, a vidim i druge kolege glede informacije, obzirom da je riječ o periodu 2013. – 2016.

Kolegica Softić je već pomenula potrebu izrade akcionog plana ravnopravnosti spolova grada u narednom periodu, pa bi možda taj zaključak mogli precizirati terminom neka to bude 2019-ta, 2022-ga jer već je i ova godina započela duboko, pa da napravimo akt koji će biti razmatran, usvojen i implementiranu onom periodu kad je donesen.

Kao što je već i primjećeno evo od članice Komisije za ravnopravnost spolova nekako se predugo traje period donošenja akta, predugo traje period izrade neke informacije i u tom predugom trajanju se dešava sve ono što se ne bi dešavalo da poduzmemo aktivnosti pravovremeno.

Ja sam inicijatorica donošenja ovog akcionog plana 2013. godine iz razloga što sam dobila informaciju tada na nekom okruglom stolu da je samo jedna općina u Tuzlanskom kantonu imala usvojen akcioni plan, nakon toga se krenulo u izradu ovog plana i jedan od zaključaka je bio tada da je većina žena u našem gradu izjavila da je nedostatak osvjjetljenja jedan od faktora povećanog nasilja prema ženama.

U ovom dijelu informacije koji imamo stoji da je većina naseljenih mjesta, odnosno 95% od ukupno 40 mjesnih zajednica već pokriveno uličnom rasvjetom, međutim, identična situacija 2013-te i 2018-te godine je takva tako da to nisu neki pokazatelji koji će doprinijeti sigurnosti i mislim da ova informacija bi trebala glede AKCIONOG PLANA RAVNOPRAVNOSTI SPOLOVA biti temeljitija, ali činjenica da je to već protekli period i da je bezpredmetno sad o tome raspravljati ukoliko danas se usvoji zaključak o izradi, koji ja podržavam, za novi akcioni plan, mislim da te nepravilnosti koje smo imali u proteklom periodu, da će biti otklonjene i da ćemo probleme rješavati brzo i svrsishodno kako ne bi donošenjem novih planova u biti samo potvrdili nerješavanje i prethodnog perioda. Hvala. Samo malo.

Kolegica se osvrnula i na nemogućnost financiranja projekata civilnog sektora iz Proračuna jedinica lokalne samouprave, a upravo smo jutros dobili akt o našoj edukaciji glede potrebe da se jača partnerstvo između lokalnih vlasti i civilnog društva između ostalog i financiranjem potreba i projekata iz proračuna jedinica lokalne samouprave, pa mislim da ćemo nakon te edukacije imati dovoljno elemenata kako bi se u proračunu ugradila i potreba, odnosno finansijska mogućnost izrade akcionog plana, ali i način rješavanja tog plana u budućnosti.

To je ono što smo maloprije dobili i mislim da je osnova i za rješavanje problema u narednom periodu. Hvala.

### **ALEKSANDAR VUJADINOVIĆ**

U redu. Hvala lijepo. Da li se još neko ispred klubova javlja za riječ? Ukoliko ne, zaključujem raspravu klubova. Otvaram raspravu vijećnika.

Rejhana Dervišević, SDP. Izvolite.

### **REJHANA DERVIŠEVIĆ - vijećnik Socijaldemokratske partije**

Poštovani predsjedavajući, sve srdačno pozdravljam, prisutne u sali. Imam potrebu da se osvrnem na iznesene podatke u ovoj informaciji. Naime zabrinjavajući su podaci o broju onih koji su bili žrtve nasilja te su ovdje evidentirani kao oni kojima je pružen psihosocijalni tretman u periodu 2013. – 2016. u Sigurnoj kući.

Dakle od 86 osoba 2013. do 72 ukupno 2016-te i tretman ambulanti za 185 žrtava nasilja. Ovo su dakle podaci o prijavljenom nasilju u porodici, a bojim se da je daleko veći broj slučajeva koji nisu prijavljeni jer zlostavljane i žene i djeca šute zbog srama i to nasilje se smatra privatnom porodičnom stvari.

Međutim, ovaj problem je davno izašao iz privatne i prešao u javnu sferu. Slijedom ovih podataka dodatno ostanete preneraženi činjenicom da pravilnik o osnivanju, o finansiranju i radu sigurnih kuća na kojem se započelo raditi po usvajanju izmjene Zakona o zaštiti od nasilja u porodici Federacije Bosne i Hercegovine još nije usvojen.

Dakle od 2013-te godine Federalno ministarstvo rada i socijalne politike nije smoglo snage da usvoji ovaj pravilnik.

No ne čudi. Ja sam malo prosurfala i našla da na čelu Ministarstva rada i socijalne politike je muškarac, a od četiri pomoćnika ministra tri su muškarci.

Na čelu Ministarstva pravde je muškarac, a od četiri pomoćnika tri su muškarca, dok je četvrto mjesto pomoćnika nepopunjeno itd.

Iako žene u Bosni i Hercegovini po zadnjem popisu čine 52% stanovništva i ovim je samo potvrđeno da je naša politička kultura dominantno kultura muškaraca i bit će potrebno dosta truda, vremena, truda i inicijativa da se takav koncept promijeni u korist većinske bosansko-hercegovačke populacije.

S tim u vezi želim da vjerujem da će se akcioni planovi ravnopravnosti spolova provoditi u višim nivoima vlasti, te u kontekstu inicijative koja je danas uvrštena kao tačka broj 9. na dnevni red kao informacije koje smo maloprije imali predlažem da Gradsko vijeće uputi poziv svim nosiocima izvršne i zakonodavne vlasti na odgovarajućim nivoima, kao i svim političkim predstavnicima da svako iz svoje oblasti preduzme sve što je potrebno kako bi se konačno usvojio ovaj pravilnik. Hvala.

### **ALEKSANDAR VUJADINOVIĆ**

Hvala da li se još neko javlja za riječ? Ukoliko ne. Padon. Elvir Kasumović, SBB. Izvolite.

### **ELVIR KASUMOVIĆ – vijećnik Saveza za bolju budućnost**

Podržavam iznošenje prethodnice, isto tako podržavam u tom smislu da se i u Gradskom vijeću Tuzla, po mogućnosti, da se uskladi, da se i tu imenuje jedna žena kao podpredsjedavajuća Vijeća ili tako nešto.

### **ALEKSANDAR VUJADINOVIĆ**

U redu. Hvala lijepo. Ima li još onih koji bi se javili za diskusiju? Ukoliko nema. Zaključujem raspravu vijećnika.

I konstatujem da je Gradsko vijeće Tuzla primilo k znanju INFORMACIJU O REALIZACIJI AKCIONOG PLANA RAVNOPRAVNOSTI SPOLOVA OPĆINE TUZLA 2013. – 2016.

Pozivam sekretara Vijeća da pročita zaključke proistekle iz rasprave.

## **SLAĐANA KRAJINA**

1. Gradsko vijeće Tuzla traži od predlagača i obrađivača ovakvih i sličnih informacija, kao i akcionih planova i strategija, da sastavni dio informacije bude i informacija o članovima tima koji su učestvovali u izradi navedene informacije, akcionog plana odnosno strategije.

2. Gradsko vijeće Tuzla traži od svih organa i institucija u čijoj je nadležnosti zaštita prava djeteta da, u situacijama razvoda braka ili drugih konfliktinijh situacija između roditelja odnosno srodnika djeteta, poduzimaju sve potrebne mjere i aktivnosti, kako bi se odmah rješavala sva pitanja koja se odnose na ostvarivanje prava djeteta.

3. Gradsko vijeće Tuzla podržava zaključak Komisije za jednakopravnost spolova usvojen prilikom razmatranja ove Informacije.

4. Gradsko vijeće Tuzla inicira hitno donošenja pravilnika o osnivanju, finansiranju i radu sigurnih kuća na federalom nivou te u tom smislu poziva sve nosioce izvršne i zakonodavne vlasti kao i predstavnike političkih partija da, u tom cilju, poduzmu sve potrebne mjere i aktivnosti.

5. Gradsko vijeće Tuzla smatra potrebnim periodično izvještavati vijećnike o realizaciji mjera i aktivnosti iz Akcionog plana ravnopravnosti spolova.

## **ALEKSANDAR VUJADINOVIĆ**

Dopuna vjerovatno. Merima Softić. Izvolite.

## **MERIMA SOFTIĆ SPREČIĆ**

Možda gospođa Jasminka je izašla, jer ona je imala tu u svojoj raspravi pa nisam primjetila

da ste evidentirali. Meni se čini važnim, a vezano je za rasvjetu. Jer ovdje u dokumentu je navedeno da je jedna od bitnih mjera za suzbijanje nasilja i pokrivenost rasvjetom.

Koliko vidim to je negdje oko 90% grada Tuzla. i ono što bi ja volila da bude zaključak je održavanje te pokrivenosti. To, znači nije upitna pokrivenost javne rasvjete, nego održavanje pokrivenosti. Jer je to evo jedna od mjera za suzbijanje nasilja.

## **ALEKSANDAR VUJADINOVIĆ**

U redu. Hvala. Dobro. Čuli smo prijedloge zaključaka, pa pozivam sa ovom dopunom, znači vijećnice Softić, odnosno Sprečić, pardon i pozivam vas da se, evo da pročita sekretar Vijeća prijedlog ovog posljednjeg zaključka.

## **SLAĐANA KRAJINA**

Gradsko vijeće Tuzla traži od resorne službe da poduzmu aktivnosti kako bi se redovno održavala pokrivenost javne rasvjete na područja grada Tuzla.

## **ALEKSANDAR VUJADINOVIĆ**

Pozivam vijećnike da se izjasnimo znači o pročitanim zaključcima. Pozivam vijećnike da aktiviraju uređaje za elektronsko glasanje i da se pritiskom na odgovarajući taster izjasne za prijedlog, ili protiv prijedloga, ili kao suzdržani u odnosu na prijedlog.

Dobro. Glasanje je okončano. Konstatujem da su predloženi zaključci usvojeni jednoglasno sa 25 glasova za, bez glasova protiv i bez suzdržanih glasova i to:

**1.** Gradsko vijeće Tuzla traži od predlagača i obrađivača ovakvih i sličnih informacija, kao i akcionih planova i strategija, da sastavni dio informacije bude i informacija o članovima tima koji su učestvovali u izradi navedene informacije, plana odnosno strategije.

**2.** Gradsko vijeće Tuzla traži od svih organa i institucija u čijoj je nadležnosti zaštita prava djeteta da, u situacijama razvoda braka i drugih, za dijete, konfliktinim situacija između roditelja odnosno srodnika djeteta, poduzimaju sve potrebne mjere i aktivnosti, kako bi se odmah rješavala sva pitanja koja se odnose na ostvarivanje prava djeteta.

**3.** Gradsko vijeće Tuzla podržava zaključak Komisije za jednakopravnost polova usvojen prilikom razmatranja ove Informacije.

**4.** Gradsko vijeće Tuzla inicira hitno donošenja pravilnika o osnivanju, finansiranju i radu sigurnih kuća na federalom nivou te u tom smislu poziva sve nosioce izvršne i zakonodavne vlasti kao i predstavnike političkih partija da, u tom cilju, poduzmu sve potrebne mjere i aktivnosti.

**5.** Gradsko vijeće Tuzla smatra potrebnim periodično obavještavati vijećnike o realizaciji mjera i aktivnosti iz Akcionog plana ravnopravnosti polova.

**6.** Gradsko vijeće Tuzla traži od resorne službe da poduzmu aktivnosti kako bi se redovno održavala pokrivenost javnom rasvjetom cijelog područja grada Tuzla.

Prelazimo na četvrtu tačku Dnevnog reda:

## **INFORMACIJA O RADU STRUČNOG TIMA ZA ODREĐIVANJE NAZIVA ULICA, TRGOVA I MOSTOVA U GRADU TUZLA**

Obavještavam vijećnike da je u vezi ove tačke dnevnog reda:

Obrađivač Stručni tim za određivanje naziva ulica, trgova i mostova u gradu Tuzla.



Materijal su razmatrali Komisija za prostorno uređenje i zaštitu okoline, Komisija za komunalna pitanja i pitanja mjesnih zajednica i klubovi vijećnika.

Pitam prisutne, da li ima potrebe da, u skladu sa članom 68. Poslovnika Gradskog vijeća Tuzla obrađivač da uvodno izlaganje? Nema.

Pitam da li ima potrebe da se pročitaju izvještaji komisija? Nema.

Otvaram raspravu klubova vijećnika. Erna Mešić, Delić, izvinjavam se. SDP.

## **ERNA DELIĆ - vijećnik Socijaldemokratske partije**

Zahvaljujem predsjedavajući. Pozdravljam sve prisutne. Evo prije nego što obrazložim i kažem par riječi vezano za ovu informaciju, na početku ću reći da će Klub vijećnika SDP-a podržati INFORMACIJU O RADU STRUČNOG TIMA ZA ODREĐIVANJE NAZIVA ULICA, TRGOVA I MOSTOVA U GRADU TUZLA.

Prije par godina, u prethodnom mandatu Klub vijećnika SDP-a već u par navrata podnosio i inicijative vezane za donošenje same odluke o načelima, kriterijima i postupku za određivanje naziva ulica, trgova, mostova i parkova jer je dugi niz godina, nije ni sama odluka, nije niti postojala u ovakvom obliku u kakvom je sad imamo i samim tim ovaj Stručni tim nije bio formiran.

Zašto ovo spominjem? Zato što evo i danas u Dnevnom redu, pod Tekućim pitanjima imamo ponovnu inicijativu Kluba vijećnika SDP-a vezano za imenovanje ulice Omladinsko šetalište „Srđana Aleksića“ obzirom da smo mi već dali i inicijativu i urgenciju u predhonom mandatima, na imenovanje jednog ovakvog šetališta, odnosno ulice u našem gradu pa smo dobili je li i obrazloženje da tada nije postojala ni odluka, pa ni stručni tim i evo donijeli smo i Odluku i Stručni tim, mada smo mi imali i Urgenciju na inicijativu za imenovanje ove ulice, ali evo po određenim uputama i odgovorima koje smo dobili od ovog Tima, navodno te inicijative nisu bile potpune tako da Klub vijećnika SDP-a ponovno prilaže inicijativu za imenovanje ulice Omladinsko šetalište „Srđana Aleksića“ i ja koristim priliku da spomenem da se to danas nalazi na Dnevnom redu.

Ne bih je dalje obrazlagala, biće prilike pod Tekućim pitanjima da ne bi kršila Poslovnik obzirom da bi moglo doći do opomene, ali evo nastavit ću dalje svoje izlaganje.

Ja ću samo spomenuti kad sam se već dotakla same inicijative da se inicijativa tiče i određene grupe građana koji su još i prije inicijative, u prethodnom mandatu, obratili se gradskim službama i tražili imenovanje jedne ovakve ulice.

Imala sam dućnost da ih spomenem sad, obzirom da evo možda nežemo imati prilike pod tekućim pitanjima.

Kad je riječ o ovoj informaciji, Klub vijećnika SDP zaista nema nikakve primjedbe, stručni ljudi koji su članovi ovog Tima rade svoj posao onako kako je to i određeno ovom odlukom. Informacija jeste koncizna jeste na jednom listu papira, ali evo i do sad ovo što smo usvajali i imenovali same uoice i trgove putem ovog Gradskog vijeća sve je sadržano u ovoj informaciji i evo ja ću s ovim završiti i zadržavam pravo da se javim još ako bude bilo potrebe.

## **ALEKSANDAR VUJADINOVIĆ**

U redu. Hvala lijepo. Slijedeći se za riječ javio Nedžad Malikić, Tuzlanska alternativa. Izvolite.

## NEDŽAD MALIKIĆ – vijećnik Tuzlanske alternative

Hvala predsjedavajući, evo pozdravljam sve prisutne, pošto se prvi put javljam za riječ i želim istaći par stvari kada je u pitanju informacija o radu Stručnog tima za određivanje naziva ulica i trgova u gradu Tuzla.

Na zadnjih, ja mislim, pet šest kolegija smo tražili da nam neko iz komisije dođe na Kolegij jer objektivno imamo probleme kada je u pitanju ovaj Stručni tim. Iz više razloga. On je formiran kad je formiran, ali moramo ovdje istaći da su se ulice dodjeljivale i prije ovog Stručnog tima, da je bio prije i drugi stručni tim gdje su građani, grupa građana, savjeti mjesnih zajednica, pa i mi Vijeće donosili odluke da se na neki način određena naselja konačno dobiju ulice.

Međutim, to nije nikad razmatrano i iz tog razloga su se nama ponovo građani obraćali ja imam ovdje dva, tri zahtjeva građana s područja grada Tuzle, gdje su se obraćali i gdje nikada nisu dobili nikakav odgovor.

Šta je preduslov da se dobije na kraju krajeva ulica? Prije desetak godina bio je uslov da se određena komunalna infrastruktura treba da uradi.

Šta je sa numeracijom? To je problem broj jedan. Gdje jednostavno naši građani na jedan broj prijavljuju 20, 30 objekata, odnosno bb, gdje imaš u jednom naselju 300 objekata, a 50 brojeva.

To je jedan od problema. Naravno obraćali su se i Službi za komunalne poslove koja ima i obavezu da tu numeraciju završi, poslije toga da Stručni tim dodijeli nazive ulica.

Zadnjih godina je takođe problem kada naši građani vade lične dokumente gdje moraju da donesu potvrdu o prebivalištu gdje tada tek imaju probleme, jer tu potvrdu trebaju da dobiju, a isto tako je dobijaju od Gradske uprave. Svi oni građani koji nemaju građevinsku dozvolu, podnijeli su zahtjev za legalizaciju ili moraju imati na sebi određenu nekretninu, zemljište itd. itd.

Drago mi je što je ova tačka na dnevnom redu. To je jedan od problema koje trebamo ubuduće rješavati. Stručni tim, kada mu se obrati, da li grupa građana ili treba da, evo kolegica Erna je i rekla šta je potpuna inicijativa. Evo ja ne znam. Evo ja kao vijećnik želim da znam, kako da podnesem inicijativu i da se u određenom naselju dobije ulica.

Ako građani to ne znaju treba naodređeni način to ljudima pojasniti, da li kroz savjete mjesnih zajednica, evo ne znaju većina ni savjeta, evo ja ovdje imam ispred Mjesne zajednice Solina, prije deset godina podnesen zahtjev za dodjelu naziva ulica u naselju Brđani.

Isto tako imamo ovdje jedan zahtjev iz Mjesne zajednice Simin Han, gdje su se građani obratili za dodjelu gdje znači imamo građane, peticiju građana, potpisani, dostavljeno i nikada nisu dobili odgovor.

Znači prvo moramo da vidimo koliko imamo zahtjeva podnešenih zadnjih deset godina, jer imali smo prekid nakon 2010. ne znam tačno kad je stručni tim prestao sa radom koji je takođe načelnik imenovao, gradonačelnik je ponovo imenovao ovaj Stručni tim. To su ljudi odgovorni, oni rade svoj posao. Ovo nije upućeno prema njima, nego je upućeno prema svima nama da na neki način ovaj Stručni tim radi.

Ono što mi ovde lično malo zasmatalo, a ovde sve poslovi i zadaci iz nadležnosti Stručnog tima predsjednik i članovi Stručnog tima obavljaju bez naknade, znači to je naglašeno.

Nije problem ni platiti naknadu ako se to radi. Ako se to radi bez naknade jednostavno možda se i ne radi.

S druge strane imali smo problema i prije je bilo problema oko dodjele naziva ulica gdje građani nisu prihvatili, na neki način znači građanima je nametnuta ulica i gdje je nikada nisu prihvaćali i gdje je ni do dan danas nisu prihvatili. To je jedan od problema.

Građanima treba dati više mogućnosti kada je u pitanju ulica jedna, dvije, tri, naziv koji odgovara za to područje. Ovdje je takođe ono što je dobro jedna od najzahtjevnijih aktivnosti Stručnog tima bilo je sačinjavanje jedinstvenog fonda.

Drago mi je što imamo fond gdje naravno Stručni tim najbolje zna šta odgovara nekome naselju kako bi se dobila ulica, naravno da to treba sa građanima, odnosno sa onim inicijatorima koji su podnijeli inicijativu na neki način i završiti. Mislim da je dosta posla i da treba samo malo iz arhive izvući sve one zahtjeve koji su zadnjih deset godina dolazili jer ovdje kaže postupajući po pristiglim inicijativama Stručni tim je u ovom sastavu održao ukupno osam sjednica i razmotrio 19 pristiglih inicijativa i odgovorio na tri vijećnička pitanja.

Mislim da je to puno više, jer je bilo, sad ja ne znam gdje su ti zahtjevi završili i na koji način, ali ako treba da se i ponove, to treba poslati dal u mjesne zajednice ili već na koji način ljudima da ponovo onove zahtjev i da se to konačno riješi. Hvala.

### **ALEKSANDAR VUJADINOVIĆ**

U redu. Hvala lijepo. Slijedeći je. Replika. Elvir Kasumović, SBB. Izvolite.

### **ELVIR KASUMOVIĆ**

Samo bi zamolio kolegu, nekoliko puta je ponovio da građani nisu upoznati kako se dobiva ulica, da li se radi o fizičkom stvaranju ulica ili samo o dobijanju naziva ulice.

Rečeno je da građani nisu upoznati sa time kako se dobiva ulica, znate. Da li se radi o nazivu ulice ili se radi o fizičkom stvaranju ulice. O tome.

### **ALEKSANDAR VUJADINOVIĆ**

Dobro. O nazivima ulica je li? U redu. Hvala. Slijedeći se za riječ javio Mirnes Ajanovi, BOSS. Izvolite.

### **MIRNES AJANOVIĆ**

Hvala. Ova INFORMACIJA O RADU STRUČNOG TIMA ZA ODREĐIVANJE NAZIVA ULICA, TRGOVA I MOSTOVA U GRADU TUZLA evo bez ovih tehničkih problema ima poseban značaj za svaki grad, svaku opštinu, ne samo u Bosni, u cijelom svijetu.

Evo ovdje čak je upisano, kada se predlaže naziv koji sadrži ime osobe, kvalitet predložene osobe ogleda se u njenom liku i djelu, te uticaju date ličnosti na prošlost, sadašnjost i budućnost građana Tuzle i Bosne i Hercegovine. Ocjena sadržajnosti ogleda se uvažavanju srazmjerne zastupljenosti naziva iz razdoblja Srednjevjekovne Bosne, Narodno-oslobodilačke borbe 41. – 45. i Odbrambeno oslobodilačkog rata 92. – 95. godina i potrebe očuvanja bitnih vrijednosti odrednica antifašističkog i humanističkog značaja.

E sad, napraviti ću malu digresiju, reću samo u ovom dijelu fonda, gdje na drugoj stranici se govori fond se evo osniva, jedinstveni fond naziva ulica, trgova, mostova i parkova uvršteno 414 naziva ulica itd. treba to staviti na web stranicu Grada Tuzla.

Ne znamo sve informacije koje ulice imaju, ulice se promijene da mi kao vijećnici i ne znamo. Ovdje je dobro došlo ono što sam inicirao na jednoj od predhodnih sjednica Vijeća u prošlom mandatu određivanje granica grada. Ljudi čak nisu ni znali u kojem dijelu je grad Tuzla u odnosu na Živinice, Srebrenik, Lukavac.

Dakle, imali smo i taj problem i zato evo treba zaključak biti da se na web stranici Grada Tuzla sačini, prezentira evo ova, ovi nazivi ulica i napravi ta i da ima karta kao jedna vrsta mogućnosti upoznavanja svih. Možda jedna, nije možda sigurno, web aplikacija. Ko god dođe u Tuzlu da može da ukuca grad Tuzla, ulica i da nađe.

Pored Googla i svega onoga što ima i mi trebamo biti dužni da napravimo taj detaljniji način prezentacije građanima Tuzle i svima koji dolaze u Tuzlu koje su ulice gdje. Negdje se recimo definišu nazivi, kao što su recimo Stupine, pa kažu idemo B od 1 do 14 itd. a to se sada zove Maka Dizdara. To su prihvaćeni i jedni i drugi nazivi trebamo vidjeti i to kako da riješimo da ostanu i jedni i drugi nazivi da ne bi zbunjivali one koji traže, dolaze, pa čak i same stanare tih ulica.

E sad se vraćam na ovu vrijednost lica i gdje je ovdje i od Komisije sačinjeno da se vrši potreba očuvanja bitnih vrijednosti odrednica antifašističkog i humanističkog značaja.

Za Srđana Aleksića, evo imamo ponovo inicijativu, BOSS kada je to predlagao naišao je na teške otpore. Nije to prošlona Vijeću. i nije tačno da treba nekakav tim da se oformi ili ovaj sad, ova mogućnost, po ovoj odluci, da smo mi mogli staviti ulicu Srđana Aleksića.

Jer zaista zaslužuje. To je nešto potpuno drugačije u svemu ostalom, u odnosu na herojstvo građana Bosne i Hercegovine koji su branili Bosnu i Hercegovinu od agresora, ustaša, četnika i svih onih ostalih koji su napadali kad nekoji z dijela, uslovno rečeno ili neuslovno, sasvim nebitno kako ćemo gledati, tog agresorskog učini ovakav humani gest i sačuva svog sugrađanina i na kraju strada od tih zločinaca, to je nešto drugačije.

Nije prošlo tada na Vijeću. Mogli smo to. Tačka je bila u dnevnom redu. Nego smo se mi, ne mi nego neki prepali recimo tih okolnosti i svega i svačega i tačno je i SDP je predlagao u prethodnom periodu, ali upravo je zanimljivo to da smo svi mi predlagali alinije prošlo. A mogli smo donijeti odluku bez ikakvih problema. Imali smo pravo.

I evo dobro je da se to realizuje. Grad Tuzla treba da bude jedan od gradova koji će takođe dati ulicu osobi koja je evo u cijelom svijetu uvažena, ko god je saznao, kao humana, a stradao je. A mogli smo biti prvi grad.

Meni je, evo kod ovih ulica gore antifašizma posebna posebna i izrazita čast da se niko ne uvrijedi, kažem u BOSS-u što je bila jedna osoba, jedan antifašista, jedan heroj, pored svih koji imaju i u ostalim strankama papaka kako ih zovu, imali smo i ovakvih ljudi. Dušan Trbojević. Svi vjerovatno znate za poruku sa Sutjeske Drugu Titu kada smo izvlačili borce, ranjenice, civile.

Kada su poslali poruku Druže Tito dok budete čuli pucnje sa Ljubinog groba znajte da neprijatelj neće proći. A kada ne bude pucnjeva sa Ljubinog groba znajte da tu više nema živih partizana. Dušan Trbojević je bio na Ljubinom grobu. I ovim putem Slava mu, Čast i eto izrazito mi je žao, ali eto šta ćemo godine su bile tu, bio je u Domu penzionera grada Tuzla, pokušali smo mu pomoći koliko god možemo. Da zadnje godine ili mjeseca svog života provede na način kako to zaslužuje i osoblje je dalo sav svoj doprinos tome.

Kad govorimo o Ljubinom grobu, o Sutjesci zbog jedne situacije još, vratit ću se opet kasnije na to. Ovo Vijeće, Gradsko vijeće Tuzla tada Opštinsko vijeće, a nije to daleko krajem prošlog vijeka, daleko kad kažemo prošlog vijeka, donijelo je dvije ulice po fašistima. (nerazgovjetno izgovorena riječ op.a.) Muhamedaga Hadžiefendića i Sead bega Kulovića. Prvi je bio vođa handžar divizije. Zloglasne, Hitlerove divizije. A drugi ustaški gradonačelnik imenovan od Pavelića. U Tuzli su, po odlukama ovog Vijeća, ove vlasti, egzistirale dvije ulice. Stoji eno još uvijek ulica Sead bega Kulovića tamo na onoj kineskoj, kineskom tržnom centru. Na Trgu slobode. Nije skinuta tabla.

BOSS je poveo brutalnu kampanju tada protiv vlasti u gradu Tuzla da se te ulice ukinu.

Obrazložili smo detaljno zločine koje su učinili jedan i drugi, pogotovo ovaj prvi.

Paljenje, ubijanje, silovanje, svašta nešto. Prema informacijama koje smo imali iz validnih dokumentacija, i uspjeli smo se izboriti da oborimo odluku tadašnje opštinske vlasti na čelu sa gradonačelnikom, ili načelnikom da se ulice daju čast Hitlerovim slugama i fašistima. To je sramota na obrazu Tuzle.

Drugi problem je bio Sava Kovačević. Predloženo na Gradskom vijeću da se ukine ulica Save Kovačevića, nije bitno kome će se dati. Možete zamisliti kakva je bila bitka BOSS-a i tuzlanske vlasti da se ne ukine ulica Save Kovačevića. Vodila se rasprava.

Nije bilo jednostavno. Bukvalno je bila bitka na Sutjesci i za Sutjesku i za Savu. I tad sam, a i sad ću, imam pravo u okviru roka citirao: „Sa kraj Bosne do mora zna ga zemlja sva svud se slavom proćuo komadant Sava. Vodio je brigade preko polja, gora, razgonio bande mrski zlotvora. Hući, teče Sutjeska, krv pliva po njoj, divizija Savina, bije teški boj. Švabske horde krvave nadiru kroz noć. Juriš moji junaci, mi moramo proć. Što to hući Sutjeska u taj pozni sat. Mrtav kraj nje lezaše slavni komadant.“

Tad su vlast u gradu Tuzla, nakon ovih mojih citata donijeli odluku da ne ukidaju ulicu Savi Kovačeviću. Evo recite mi danas, gdje je ta ulica, ima li je. Dakle, dešavalo se kroz ovo Gradsko vijeće svašta nešto. (ALEKSANDAR VUJADINOVIĆ – Molim vas.) i ono što je gradonačelnik istakao. (ALEKSANDAR VUJADINOVIĆ – Samo ću vas zamoliti da privodite diskusiju kraju.)

Evo ako sam pri kraju OK. Na posljednjem obilježavanju 4. aprila da je 93-će vraćeno obilježavanje i Dana Tuzle i Dana državnosti Bosne i Hercegovine. Ne treba zaboraviti da je 92-ge kada je bilo osnovano Udruženje muslimanski intelektualaca Tuzle prestalo obilježavanje i Dana Tuzle i Dana državnosti, da su skidane antifašističke slike, obilježja, spomenici u Tuzli.

Tek nakon žestoke kampanje brojnih, treba ovdje pomenuti, što da ne i Fatmira Alispahića pa i pa mene koji sam bio član Predsjedništva Reformista vratili smo obilježavanje i 2. oktobra i Dana državnosti i dijelom pod djelom vraćanja obilježavanja i čuvanja antifašističkog naslijeđa Tuzle i Bosne i Hercegovine.

Toliko. Hvala. I drugih lica, ali na žalost pojedinaca.

## **ALEKSANDAR VUJADINOVIĆ**

U redu. Hvala. Za repliku se javila Merima Softić Sprečić. Izvolite.

## **MERIMA SOFTIĆ SPREČIĆ**

Replika ide na dio izlaganja vijećnika Mirnesa Ajanovića, volila bi samo da vidim koji je to period kada Vijeće nije bilo uz inicijativu da se imenuje jedna od ulica po heroju Srđanu Aleksiću?

Zato što je još 2008-me predsjedavajuća Vijeća doktorica Nada Mladina zajedno sa Elvisom Bećirovićem tadašnjim vijećnikom, a sjećanje me jako dobro služi, podnijela Inicijativu za davanje imena po Narodnom heroju jedne od ulica na čemu je tada Stručni tim tada pokušao da iznađe rješenje, ali naravno mora se odraditi javna rasprava, razgovarati sa svima ostalima koji su

eventualno na neki način smatrali da je možda prioritet za imenovanje imamo još nekih heroja kojima bi trebali dati nazive ulica po njihovim imenima. Jedno pitanje koje je zaista evo trebalo proći i određena druga mišljenja naravno, ali me je zaista malo zaparalo uši informacija kada ste rekli da je Vijeće odbilo takvu jednu inicijativu, što smatram voljela bih da znam koje je to godine bilo zato što je, čini mi se 2008-me, uvjerena sam 99% da je tu Inicijativu podnio Elvis Bećirović i doktorica Nada Mladina, a 2009-te odmah išlo urgencija

na tu Inicijativu što znači evo koliko je godina od tada, samo bi volila da znam informaciju jer ne bih voljela, smatram da ona nije tačna da je ovo Vijeće a postoje mnogi vijećnici koji su evou ovom sastavu i treći mandat tako da smatram da niko nije bio protiv takve jedne inicijative. Možda jedino da se određena proceduralna, ne mogu reći greška, ali da možda procedura nije mogla na taj način, da nešto nije bilo ispoštovano pa se nije moglo usvojiti.

Znači, ne mogu da se otmem dojmu da ovo Vijeće, ovakvo kakvo jeste, zaista uvijek ima sluha za mnoge lijepe stvari u gradu, a da nije htjelo prihvatiti takvu jednu inicijativu.

Toliko.

## **ALEKSANDAR VUJADINOVIĆ**

Dobro. U redu. Hvala lijepo. (Replika.) Replika, pardon. Nešto se aktiviralo zvučno. (MIRNES AJANOVIĆ - Ispravka krivog navoda. Pardon.) Ispravka krivog navoda Mirnes Ajanović. Izvolite.

## **MIRNES AJANOVIĆ**

Nisam rekao da Vijeće nije usvojilo, da je odbilo, pardon. Inicijativu. Nego da je nije usvojilo. Evo koleginica se kaže, valjda dobro sjeća da je to bilo 2008-me, pa da je to tada kao bio problem javna rasprava, deset godina traje javna rasprava.

Bila je inicijativa moja, u ime BOSS-a, takođe. Nebitno je sad, je li prije ili poslije. Sasvim nebitno. Nego govorim o tome da je Vijeće moglo i tada donijeti ovu odluku. Mogli smo biti prvi grad i bila je to inicijativa prva u Bosni i Hercegovini koja je podnesena da se Srđanu Aleksiću da ulica.

Tada sam apelovao i tražio i insistirao da se glasa. Da se izjašnjavamo ko je za, ko je protiv, pa neka se odredi. Nije se izjašnjavalo. A nisam ja bio u vlasti. Nisam ja imao ili BOSS 16 ruku da glasa i izglasa taj stav.

Deset godina stoji ovo u proceduri negdje po javnim raspravama. A imali smo priliku da budemo tada prva opština koja bi usvojila takvu odluku. O tome govorim i zato izražavam žaljenje što smo potrošili deset godina na tu eto nekakvu vrstu javne rasprave.

## **ALEKSANDAR VUJADINOVIĆ**

U redu. Hvala. Erna Delić. Replika.

## **ERNA DELIĆ**

Zahvaljujem predsjedavajući. Evo i po tekstu sadašnje Odluke o načelima, kriterijima i postupku za određivanje naziva ulica, trgova i mostova na području grada Tuzla za koju bih molila da ubuduće bude sastavni dio ovog materijala jer mislim da bi već bilo odgovoreno na mnoštvo pitanja vijećnika. Ja ću napomenuti, evo stoji i u informaciji ova Odluka usvojena je 2015. godine.

I bilo kakve inicijative koje se podnesu vezane za izmjenu ovih naziva ne podliježu javnoj raspravi, nego podliježu razmatranju ovog Stručnog tima, a sve i samo isključivo u skladu sa ovom Odlukom koju je usvojilo Gradsko vijeće, ponavljam 2015. godine.

U Odluci decidno stoji da ukoliko se nije postupilo po odluci, znači da inicijativa ima svoje uslove, ima svoje dijelove, koje mora, historijske činjenice, koje mora da sačinjava, ukoliko neispunjava te uslove inicijativa, inicijativu ovaj Stručni tim ne razmatra. Tako u samoj Odluci stoji.

Da li je to razlog zbog čega većina ovih informacija, inicijativa nije razmatrana ja ne znam, dakle ne govorim u ime Stručnog tima da se ne govori da stajem u nečiju odbranu ili ne, nego jednostavno bila sam prinuđena da se bavim dodatnim istraživanjem vezano za sam rad ovog Stručnog tima, pa i samu analizu Odluke, zato i kažem i predlažem da se u budućem periodu ova informacija, uz ovu informaciju dostavlja i sama Odluka.

Obzirom da je bilo određenih pitanja, ja bih evo predložila, ukoliko je neko tu od ovog Stručnog tima da proba i odgovoriti na pitanja, a ja ću samo kratko se i nadovezati na izlaganje kolegice Merime obzirom da sam i pisala ovu inicijativu koja se danas nalazi pod Tekućim pitanjima. Dakle, urgencija je podnijeta 2009. godine, a razmatrana je 2008-me inicijativa, a 2013. godine u konačnici je Klub vijećnika SDP-a predložio inicijativu za imenovanje, za sačinjavanje ove odluke i formiranje stručnog tima, jer je iz tih razloga što nije postojao uopšte stručni tim inivijative za imenovanje bilo kojih ulica nisu uopšte bile razmatrane.

To su one informacije sa kojima ja raspolazem, obzirom da sam se zainteresovala za ovu temu, tako da evo htjela sam i podijeliti sa kolegama vijećnicima. Hvala.

### **ALEKSANDAR VUJADINOVIĆ**

U redu. Hvala lijepo. Zamolit ćemo člana Stručnog tima za određivanje naziva ulica, trgova i mostova u gradu Tuzli gospođu Asju Redžić evo da nam da neka pojašnjenja nakon diskusija koje smo čuli.

### **ASJA REDŽIĆ – član Stručnog tima za dodjelu naziva ulica trgova i mostova u gradu Tuzli**

Poštovani vijećnici i poštovani predsjedavajući, kao član Stručnog tima za dodjelu naziva ulica i trgova u gradu Tuzla, moram prvo odgovoriti vijećniku Nedžadu Malikiću da Stručni tim nije nadležan prema članu 21. ove Odluke, jer Stručni tim nije nadležan za numeraciju i postavljanje tabli, to je nadležna Služba za komunalne poslove, izgradnju i poslove mjesnih zajednica.

Stručni tim takođe nije uzimao u razmatranje prijave koje su pristizale prije rada Stručnog tima. Znači sve one inicijative koje su došle, počev od imenovanja Stručnog tima od februara 2015-te, ja odgovorno tvrdim da smo mi odgovorili na sve inicijative.

S tim da inicijative ne mogu podnijeti neformalne grupe građana. Dakle inicijativu mogu podnijeti vijećnici, Gradsko vijeć, Gradonačelnik, savjeti mjesnih zajednica, ustanove i organizacije civilnog društva.

Što se tiče Srđana Aleksića, mi smo odgovorili Klubu vijećnika SDP-a da podnese novu inicijativu u skladu sa članom 9. Odluke o utvrđivanju naziva ulica i trgova.

Da bi, mislim, ova Odluka se nalazi na web stranici Grada Tuzla, odnosno u Službenom glasniku, tako da je svi mogu pogledati. Mi smo odgovorili dakle ukupno na 19 inicijativa i na svaku, nismo održavali mjesečno sastanke zato što se Stručni tim ne plaća, a morate znati da su ovde samo dva uposlenika Gradske uprave. Dakle, ja radim kao magistar istorijskih nauka u okviru radnog vremena u Stručnom timu, a i moja kolegica koja je sekretar Stručnog tima, ostalo su osobe koje su zaposlene tako da je jako teško uskladiti termine za održavanje. Zato ne održavamo sjednicu svaki mjesec, nego po potrebi.

Eto, ukoliko ima još nekih pitanja ja stojim na raspolaganju.

### **ALEKSANDAR VUJADINOVIĆ**

U redu. Hvala lijepo. Ja ću zamoliti samo da sjednete ovdje ukoliko bude nekih pitanja, obzirom da nismo zatvorili ovu tačku Dnevnog reda.

Dobro. Da li se još neko ispred klubova vijećnika javlja? Mirza Tupajić. SDA. Izvolite.

### **MIRZA TUPAJIĆ - vijećnik Stranke demokratske akcije**

Ja ću vas sve srdačno poselamiti, pozdraviti. Danas se prvi put javljam, malo neobično sa mjesta i slažem se sa kolegom Ajanovićem da u Poslovniku o radu Gradskog vijeća trebalo bi ostati mogućnost da vijećnici izađu za govornicu i da se obraćaju i medijima i svojim kolegama vijećnicima, kao i građanima koji putem ekrana će gledati prenos ove sjednice.

Ja ću pitati. Vidim da ovdje danas imamo nekoga iz Stručnog tima vezano za inicijativu koju sam podnosio 2015-te godine. Ona je prošla Kolegij, nije došla do Vijeća. Poslata je sa Kolegija prema nadležnim službama, a to je inicijativa za 22. maj.

2017. godine sam ponovo postavio tu inicijativu i ona je došla i na sjednicu Gradskog vijeća, jednoglasno usvojena povodom tog pitanja dobio sam nekakav odgovor da nije ispunjen kao nekakav član 16. kad sam malo pročitao malo detaljnije to, mislim da su svi kriteriji ispunjeni.

Znači, u 2015. godini Naučno-nastavničko vijeće Pravnog fakulteta je podnijelo ovu inicijativu i uputilo kako se zove, prema gradskim službama, isto tako Unija studenata Pravnog fakulteta, evo samim tim i ja sam iznio na Vijeću i stvarno ne razumijem zbog čega ne dolazi do realizacije ove prelijepe inicijative.

Ne moram ponavljati, svi znate šta znači 22. maj, koliko je bitan taj datum za samu Bosnu i Hercegovinu. 25. novembar je obnova Državnosti znači a 22. maj Dan kada je Bosna i Hercegovina primljena u UN i pečat državnosti Bosne i Hercegovine.

Dalje, isto tako slušaju predhodne diskusije moram nešto što dugo u sebi insan i trpi i mislim da na neki način se pomalo pravi i nepravda.

Antifašizam i antifašisti su ti, ne možemo pričati o antifašizmu samo u periodu 41. – 45. gdje je fala bogu većina naše populacije sa prostora Bosne i Hercegovine pokazala snagu i antifašističku tendenciju, a tako isto 92. – 95. antifašistička borba, borba znači odbrana od agresije na Republiku Bosnu i Hercegovinu.

E samim tim ja vas sad pitam da li je pravedno da mi, prije dvije tri godine zapravo u prošlom mandatu, tačno se ne mogu sjetiti, ja mislim da je to bilo 2016-te godine mi imamo sjednicu Vijeća 10. 5. zanemarili smo taj datum, a to je datum kad je poginuo jedini Narodni heroj odbrambeno-oslobodilačkog rata 92. – 95. Senad Mehdiin Hodžić Crni labud jedini Narodni heroj kojeg Tuzla ima.

Znači to je jedini, jedan o devet narodnih heroja u Armiji Republike Bosne i Hercegovine u odbrani od agresije od agresora.

Mi taj dan imamo Vijeće, niko niti je spomenuo tog našeg heroja, niti je kakva delegacija obišla njegovu porodicu itd.

Znači ta njegovanje znači antifašizma 92. – 95. svaki dan sve više i više lapi u gradu Tuzla. To odgovorno tvrdim, to me jako vrijeđa.

Sama činjenica da ulica Senad Mehdiin Hodžić se nalazi naravno u njegovom rodnom mjestu u Šićkom Brodu, međutim, kad govorimo o jedinom Narodnom heroju zar nije, zar ne bi bilo bolje da je to na vidljivom mjestu u centru grada gdje i zaslužuje itd.

Evo ja mislim da će mi kolegica iz Stručnog tima odgovoriti vezano za ovu inicijativu 22. maj a i ovo vezano za, da li postoji mogućnost da neko drugo mjesto, na viljivom mjestu, gdje zaslužuje naš jedini Narodni heroj 92. – 95. Senad Mehdiin Hodžić. Hvala.



**ALEKSANDAR VUJADINOVIĆ**

Erna Delić, replika je li tako. A izvinjavam se, odgovor predstavnik Tima.

**ASJA REDŽIĆ**

Prema članu 9. Odluke potrebno je podnijeti kratke biografske podatke, zatim tekstualni opis u podacima, lokaciji, graničnim tačkama i po mogućnosti grafički prikaz, a to vi niste prvobitno gospodine Tupajiću podnijeli.

Kasnije smo vam odgovorili kao Stručni tim. Vi ste upotpunili i tako da vam moram reći da je na zadnjoj sjednici Stručnog tima pokrenuto u zvaničnu proceduru 22. maj kada je Bosna i Hercegovina primljena u UN.

A što se tiče promjene ulica, to je ista takva procedura.

**ALEKSANDAR VUJADINOVIĆ**

Hvala. Mirza Tupajić izvolite.

**MIRZA TUPAJIĆ**

Ja ću se samo zahvaliti na kratkom i jasnom odgovoru.

**ALEKSANDAR VUJADINOVIĆ**

Hvala. Erna Delić, replika. Povlači. U redu. Nedžad Malikić, Tuzlanska alternativa. Izvolite.

**NEDŽAD MALIKIĆ**

Hvala predsjedavajući. Što se tiče numeracije ja mislim da sam naglasio i znam da je Služba za komunalne poslove nadležna, ali to ide jedno uz drugo tako da je jako bitno i zato sam napomenuo.

Ono što mislim da ovu Odluku treba na neki način, evo može to biti i kao zaključak, od februara 2015-te znači ne uzima se u razmatranje ono što je prije pristiglo, što je nama sada prezentovano. Ja mislim da bi to trebalo uzeti u razmatranje, jer to je stiglo bez obzira što tada nije postojao Stručni tim. Ja mislim da je Stručni tim za 2010-tom završio. Tada nije, mislim da bi to trebalo na neki način uzet u razmatranje ii na neki način da se savjeti ponovo da se uputi neka urgencija da oni ponovo zatraže, jer građani su prije deset godina, sedam, osam, nije bitno kad podnijeli zahtjev i oni očekuju to rješavanje ne znajući da to Komisija ne uzima.

A kad je u pitanju Odluka mislim da tu odluku treba dopuniti i mislim da bi to trebao da bude jedan od zaključaka na način da ni jedan zahtjev se ne odbija nego da se na neki način ono što fali po toj odluci, da se ljudima sugeriše, kako i na koji način oni to mogu dopuniti i da se dodijeli naziv ulice onako kako treba.

Jer mnogi građani ne znaju, neki građani će uputiti inicijativu, grupa građana, odnosno preko savjeta mjesne zajednice, ali ne treba to da se odbija, nego da se traži dopuna, na način da se kaže potrebno je to i to i da se tim ljudima pomogne da se riješi njihov problem koji imaju.

## ALEKSANDAR VUJADINOVIĆ

U redu. Hvala lijepo. Asja Redžić. Izvolite.

## ASJA REDŽIĆ

Ja moram reći da mi nismo nikog odbili, nego smo sve inicijative, ljudima smo objasnili na koji način mogu dopuniti inicijative.

Ali, imali smo slučajeve gdje traže da se ulica zove cik cak ulica ili ulica lipa i meda. Tako da morate priznati da neke ulice moramo odbiti. U stvari to je bio jedan slučaj.

Što se tiče numeracije ne podrazumijeva se gospodine Malikiću, ja sam vas saslušala pa vas molim da saslušate odgovor. Što se tiče dakle numeracije ulica jedan od zaključaka Stručnog tima na zadnjoj sjednici je bio da se uputi dopis Službi za komunalne poslove upravo da povedu računa jer se veliki broj građana žali da nemaju, konkretno u ulici gdje ja živim nema ni oznake ni broja. Toliko. Hvala.

## ALEKSANDAR VUJADINOVIĆ

Hvala. Mensur Alić, Tuzlanska alternativa. Izvolite.

## MENSUR ALIĆ

Evo ja ću se uključiti ovde. Mi imamo problem, očiti problem nesaradnje službi sa službama. (ALEKSANDAR VUJADINOVIĆ – To je replika, je li tako?) Replika. Mislilim da tu trebamo posložiti stvari da ne mora građanin znati da li on treba podnositi Komunalnoj službi, Stručnom timu ili ovome. On treba da dobije upute da podnese, da se služba sa službom mora kontaktirati.

To je jedini način, ispravan način rada službi. Ako će jedna služba u Gradskoj upravi koje su jedna na spratu druga na drugom, ne mogu kontaktirati, ne mogu naći zajedničku onda imamo problem. Onda imamo problem.

Mi moramo posložiti stvari da komunikacije moraju postojati između službi i naravno komisija i ja ima neke građani ima gdje podnesu, pa ljudi ne znaju sve, ne znaju zakon, ne znaju propise, ne znaju šta radi koja komisija, šta radi Tim stručni. Problem je naš bio što mi nismo imali par godina nikako tu komisiju i stručni tim. Što nije radio. I to se sada nagomilalo i onda kako početi krenuti rješavati probleme.

I ja razumijem i člana komisije, člana Stručnog tima da ne mogu stići sad da urade zato što se nagomilalo. Ali postoji nešto drugo. Postoji nešto što se može vanredno tom Stručnom timu da ostane i poslije radnog vremena da odradi taj dio posla da se ne bi gomilalo više, da se plati njihov rad i to postoji.

Znači sve se može uraditi jedino ako hoćemo imati samo tu saradnju sa službama. Ne kritikujem nikog, ali govorim da bez sistema ne može se raditi. Sistem mora biti u državi u kantonu u gradskoj upravi i tad imamo posloženo sve isto kao što je to u preduzećima privatnim sistem postoji i nema zastoja i ja ne mogu nikako da shvatim i neću nikada shvatiti da mi neko kaže ili kako se nešto ne može.

Nemoj mi samo reći da ne može, reci na koji način ćemo to riješiti. To nije kritika nego jednostavno moramo, ja ću tražiti jedan sastanak kao evo mi smo u vlasti, kao Tuzlanska alternativa i mi smo odgovorni prema građanima i mi ćemo tražiti sastanak sa svim službama zajedno sa svim predstavnicima, svim pomoćnicima da dogovorimo ove stvari. Ne možemo mi puštati da jedna služba čeka na drugu mjesec dana, ako je gore zavod za urbanizam, dole

Komunalna ova ovde, pa čeka urbanističku neko dva mjeseca, primjera samo navodim. Zbog toga što nije Komunalna služba odradila svoj dio posla. Ili čeka da odredi.

Evo ja ću vam navesti primjer jedan samo, evo odlazim od teme, izvinjavam se. Sad smo u Gornjoj Tuzli uradili asfalt kilometar, a još nismo riješili imovinsko-pravne odnose sa ljudima. I ja kad god nazovem, kaže treba nam još neki podatak.

A ja sam morao građanima platiti zemljište kud je asfalt prošao, kud je ulica prošla, ja lično platio i sad čekam kad će oni naplatiti dio jedan. Za drugi dio kaže sad ćemo blokirati ulicu. To je nesaradnja sa službama.

Službi, između službi i to podvlačim, nije to se radi godinama, nije to u zadnje vrijeme i to moramo tražiti načina, na koji način da se ostvari ta komunikacija i daleko ćemo bolje raditi i daleko će biti manje pitanja na ovom Vijeću i po drugim tačkama i radu Vijeća ukupno biće daleko brži rad. Hvala.

## **ALEKSANDAR VUJADINOVIĆ**

U redu. Hvala lijepo. Da li se još neko ispred klubova vijećnika javlja za riječ? Ako ne, zatvaram raspravu klubova. Otvaram raspravu vijećnika. Da li se neko javlja za riječ. Ne javlja. Zatvaram raspravu vijećnika i konstatujem da je Gradsko vijeće Tuzla primilo k znanju INFORMACIJU O RADU STRUČNOG TIMA ZA ODREĐIVANJE NAZIVA ULICA, TRGOVA I MOSTOVA U GRADU TUZLA.

Pozivam sekretara Gradskog vijeća da pročita zaključke proistekle iz rasprave.

## **SLADANA KRAJINA**

Gradsko vijeće Tuzla traži od Stručnog tima za određivanje naziva ulica, trgova i mostova u gradu Tuzla da se ukoliko ima zaprimljenih prijedloga i inicijativa na koje nije odgovoreno podnosiocima, o istim ovaj Tim što prije očituje, te da svoje očitovanje, odnosno odgovor dostavi podnosiocima, kao i da se, ukoliko je to potrebno, traži od podnosilaca da ponovo dostave svoj prijedlog ili inicijativu, odnosno da ga uredi u skladu s Odlukom o načelima, kriterijima i postupku za određivanje naziva ulica, trgova, mostova i parkova, na području grada Tuzla Službeni glasnik Grada Tuzla broj 2/15.

Međutim, kolegica je pojasnila da je to na drugi način regulisano odlukom, pa pretpostavljam da odustajete od ovog zaključka.

Dobro. Onda je prvi zaključak.

**1.** Gradsko vijeće Tuzla traži od Stručnog tima za određivanje naziva ulica, trgova i mostova u gradu Tuzla da u saradnji sa Stručnom službom za poslove gradonačelnika, na web stranici Grada Tuzla, postavi odgovarajuću aplikaciju sa nazivima i lokacijama ulica, trgova, mostova i parkova na području grada Tuzla, ukoliko za to postoje tehničke mogućnosti.

**2.** Gradsko vijeće Tuzla će u narednom periodu razmotriti postojanje potrebe odgovarajućih izmjena i dopuna Odluke o načelima, kriterijima i postupku za određivanje naziva ulica, trgova, mostova i parkova na području grada Tuzla („Službeni glasnik Grada Tuzla“, broj 2/15.)

**3.** Gradsko vijeće Tuzla traži od Službe za komunalne poslove, izgradnju i poslove mjesnih zajednica da, u skladu sa zahtjevom Stručnog tima i ranijim zaključcima Kolegija Gradskog vijeća Tuzla i Gradskog vijeća Tuzla, ažurira postavljanje tabli sa nazivima ulica kao i numeraciju stambenih objekata te je, u tom cilju, potrebno osvarivati veću saradnju

između gradskih službi, timova i drugih tijela, kako bi se olakšalo građanima ostvarivanje njihovih prava.

### **ALEKSANDAR VUJADINOVIĆ**

U redu. Erna Delić. Izvolite.

### **ERNA DELIĆ**

Zahvaljujem se. Ja nisam čula da se odluka dostavlja uz ovu informaciju, zaključak koji sam predložila. Odluka iz 2015-te da se ubuduće bude sastavni dio ovog materijala, da se dostavlja uz informaciju.

### **SLAĐANA KRAJINA**

Je li se to odnosi inače na materijale kad su u pitanju informacije ili samo u ovom slučaju, moramo definisati, znači ako se traži informacija onda moramo za svaku informaciju odgovarajuću odluku.

### **ERNA DELIĆ**

Ja sam predložila samo za ovu, ali ukoliko, kolege će me ispraviti, ukoliko griješim, kolega Ajanović je u prethodnom periodu već tražio takav zahtjev da ukoliko pristupamo bilo kojim izmjenama dokumenata ili kad razmatramo informaciju da sastavni dio tog materijala budu odluke.

Ja, mislim, ispravite me ako griješim, ali mislim da je to dosadašnja praksa bila.

### **SLAĐANA KRAJINA**

Jeste praksa bila kad je u pitanju izmjena ili dopuna odluke, ovdje se ne mijenja ništa. Ovo je samo informacija je li tako. (ALEKSANDAR VUJADINOVIĆ – Odluka o načinu donošenja je li.)

### **ERNA DELIĆ**

Ja sam tražila zaključak da u okviru ove informacije bude i Odluka o načelima, kriterijima i postupku za određivanje naziva ulica, trgova, mostova i parkova na području grada Tuzla.

Pa vas molim da isti zaključak evidentirate i da pristupimo glasanju. Hvala.

### **ALEKSANDAR VUJADINOVIĆ**

U redu. Hvala što ste nam pojasnili.

## **SLADANA KRAJINA**

4. Gradsko vijeće Tuzla traži da se ubuduće, uz informaciju o radu Stručnog tima za određivanje naziva ulica, trgova i mostova u gradu Tuzla, dostavlja i tekst Odluke o načelima, kriterijima i postupku za određivanje naziva ulica, trgova, mostova i parkova na području grada Tuzla („Službeni glasnik Grada Tuzla“, broj 2/15.).

## **ALEKSANDAR VUJADINOVIĆ**

U redu. Hvala lijepo. Evo čuli smo prijedloge zaključaka pa vas molim da se o njima izjasnite.

Pozivam vijećnike da aktiviraju uređaje za elektronsko glasanje i da se pritiskom na odgovarajući taster izjasne za prijedlog, ili protiv prijedloga, ili kao suzdržani u odnosu na prijedlog.

Konstatujem da su zaključci koje je pročitala sekretar Gradskog vijeća usvojeni jednoglasno s 22 glasa za, bez glasova protiv i bez suzdržanih glasova i to:

1. Gradsko vijeće Tuzla traži od Stručnog tima za određivanje naziva ulica, trgova i mostova u gradu Tuzla da, u saradnji sa Stručnom službom za poslove gradonačelnika, na web stranici Grada Tuzla, postavi odgovarajuću aplikaciju sa nazivima i lokacijama ulica, trgova, mostova i parkova na području grada Tuzla, ukoliko za to postoje tehničke mogućnosti.

2. Gradsko vijeće Tuzla će u narednom periodu razmotriti postojanje potrebe odgovarajućih izmjena i dopuna Odluke o načelima, kriterijima i postupku za određivanje naziva ulica, trgova, mostova i parkova na području grada Tuzla („Službeni glasnik Grada Tuzla“, broj 2/15.)

3. Gradsko vijeće Tuzla traži od Službe za komunalne poslove, izgradnju i poslove mjesnih zajednica da, u skladu sa zahtjevom Stručnog tima i ranijim zaključcima Kolegija Gradskog vijeća Tuzla i Gradskog vijeća Tuzla, ažurira postavljanje tabli sa nazivima ulica kao i numeraciju stambenih objekata te je, u tom cilju, potrebno osvarivati veću saradnju između gradskih službi, timova i drugih tijela, kako bi se olakšalo građanima ostvarivanje prava.

4. Gradsko vijeće Tuzla traži da se ubuduće, uz informaciju o radu Stručnog tima za određivanje naziva ulica, trgova i mostova u gradu Tuzla, dostavlja i Odluka o načelima, kriterijima i postupku za određivanje naziva ulica, trgova, mostova i parkova na području grada Tuzla („Službeni glasnik Grada Tuzla“, broj 2/15.).

Ovim smo završili četvrtu tačku Dnevnog reda. Prelazimo na petu tačku Dnevnog reda:

## **INFORMACIJA O REALIZACIJI PROJEKATA IZ OBLASTI RAZVOJA PODUZETNIŠTVA**

Obavještavam vijećnike da je u vezi ove tačke dnevnog reda.

Predlagач je gradonačelnik Grada Tuzla.

Obrađivač je Služba za ekonomski razvoj i društvene djelatnosti.

Materijal su razmatrali Komisija za ekonomske odnose, Komisija za poduzetništvo i klubovi vijećnika.

Pitam prisutne, da li ima potrebe da, u skladu sa članom 68. Poslovnika Gradskog vijeća Tuzla predlagač ili obrađivači daju uvodno izlaganje? Nema.

Pitam da li ima potrebe da se pročitaju izvještaji komisija? Nema.

Otvaram raspravu klubova vijećnika. Prvi se za riječ javio samostalni vijećnik Edim Kadić. Izvolite.

### **EDIM KADIĆ – nezavisni vijećnik**

Ja ću ukratko reći prvo, da je informacija dobra, da je zaista u protekloj godini što se tiče Grada Tuzla urađeno mnogo toga i ja bi se ovaj put zahvalio i gospodinu Mensuru Aliću koji je zaista u svakoj prilici i gurao projekte iz oblasti zapošljavanja i u protekloj godini smo napokon doživjeli da je počela sa izgradnjom dugo očekivana poslovna zona, pored toga, otvorena je i kancelarija u Gradu Tuzla o kojoj smo pričali, da nam poduzetnici ne hodaju od službe do službe nego da mogu dobiti sve na jednom mjestu.

I mislim da Grad Tuzla zaista je u protekloj godini uradio mnogo barem onih stvari koji su u nadležnosti Grada Tuzla. Međutim, nažalost mnogo toga ne zavisi od Grada Tuzle, evo svjedoci smo prije par dana otvara se sajam u Mostaru gdje bi trebali oni koji nas predstavljaju da zajedno tamo da nastupe, međutim to se pretvorilo u jednu, po meni lakrdiju, ono gdje bi privatni poduzetnici i poduzetnici iz inostranstva trebalo da se na tim sajmovima, sajmovi za to služe da se uspostavlja ekonomske veze, da se uspostavlja saradnja doživi, da bi se to sve ispolitizovalo, ja neću da ulazim u to ko je kriv, zašto je to tako, zašto predsjedavajući Vijeća ministara neće da ide na večeru u neki restoran jer taj tamo vlasnik restorana nije platio poreze državi, itd. to je zaista otužno da se iznosti u javnost i da se na taj način prikazuje država.

Naravno od toga najviše zavisi da li će ljudi doći i ulagati u našu državu jer bez investicija kako domaćih, stranih, nema nema daljeg rasta.

Znači potpuno se slažem sa informacijom, ja bi samo dao par prijedloga, a to su da, pokušamo da smanjimo doprinose, jer koliko mi je poznato da je Bosna i Hercegovina jedna od država koje ima najveće doprinose, što automatski, iz čega proizilazi da veliki broj kako radnika tako i privatnika ne želi da se osigura i radije prima, kako ono kažu, na ruke, nego da bude osiguran, što je naravno po Zakonu kažnjivo i mislim da smanjivanjem tih doprinosa, da bi se povećao, povećala zaposlenost.

Druga stvar ovdje, to je rečeno u ovome informaciji, to je da je, moramo insistirati na usklađivanju obrazovnog sistema sa potrebama radnika. Mislim da mora se izvršiti analiza koja su to zanimanja koja nam neće trebati u narednih 20 godina i da se mora naći načina da se prestanu da školuju ljudi koji će ići na biro ljudi koji će sutra morati ići na prekvalifikaciju, imamo pojavu da dosta naših mladih ljudi završi fakultet, onda ide na prekvalifikaciju, da završi srednju školu medicinsku, da bi mogao da ide u Njemačku.

Slijedeća stvar je da se mora insistirati na povećanju produktivnosti, odnosno povećanju kako najnižih plata, tako i najniže satnice odnosno penzije. Mi smo svjedoci da već u mnogim granama privrede, nemamo dovoljan broj radnih snaga.

Imamo slučajeve u Travniku, u Visokom, da su ljudi, traže radnika ali ne mogu ih naći, traže 200 radnika u tekstilnoj industriji, javi se dva, pet, tako da je to problem koji ukoliko se ozbiljno ne pozabavimo sa tim problemom mi ćemo imati u narednom periodu još mnogo drugih problema.

Na kraju, pošto i mi utičemo na rad i javnih preduzeća i ustanova, ja bi zamolio da jedan od zaključaka bude, da tražimo da se, poveća naknada za usluge izdavanja po jednom

receptu, koja u našem kantonu iznosi 0,83 marke. To je najniža cijena ne u Bosni i Hercegovini, nego u Europi.

Zašto je to tako, ja stvarno ne razumijem, ako, znamo da je to u sarajevskom Kantonu 1,90, u Zeničkom 1,60, zašto je to 0,83 u Tuzlanskom kantonu?

Pored toga dobio sam informaciju, da i ovo je sigurno tačna informacija, sarajevske Gradske apoteke su od Zavoda dobili u prošlom mjesecu 2.000.000 maraka, za pomoć, za rad javnih apoteka, za dežurstvo koje oni obavljaju, kao i za otvaranje novih apoteka.

I u protekloj sedmici je otvorena prva Gradska apoteka koja ima, robote u apoteci, znači počeli su da i roboti, kada dođe pacijent kod magistra, da robot donosi lijekove, to je zaista nešto što je izvanredno i sa druge strane ako pogledamo tuzlanska preduzeća i poredimo sa sarajevskim, a dosta toga znam i imam informacije, tuzlanska preduzeća su zaista dobra i treba tako nastaviti, pomagati, ono što je do Gradskog vijeća, da, naravno gdje nešto nije dobro treba kritikovati, treba tražiti da odgovornost za ono što nije dobro, ali, ne treba nikada odmagati tim javnim ustanovama i javnim preduzećima.

I mislim da pogotovo preduzećima koja su na tržištu koja nemaju nikakve, znači ni monopol nikakve prednosti to što su javna preduzeća. Toliko.

## **ALEKSANDAR VUJADINović**

Uredu, hvala lijepo. Slijedeći se za riječ javio Mensur Alić Tuzlanska alternativa. Izvolite.

## **MENSUR ALIĆ**

Pa evo, ova informacija kao informacija, ona je, ajde mogu je da, da shvatim da je više opisa, nego direktnih šta će se u narednom periodu raditi. To mene zanima uvijek, ja gledam dokument u kojem stoje tačke, pa kaže pod jedan, mi ćemo u 2018. godini uraditi to, 2019. godini to, kada je u pitanju poduzetništvo. Do kraja ovog mandata, naravno ovog Vijeća. To ne stoji jedan projekat koji smo, evo, dugo godina, dugo dugo godina i naravno uz podršku Vijeća kompletnog, nije to moja inicijativa bila, ali naravno, ako imate i podršku Vijeća, onda je to zajednički uspjeh, ja to tako posmatram, tu Poslovnu zonu dole „Sjever Kreka“ gdje sam neki dan sam otišao pogledao da vidim i ono što je važno evo da je prvi objekat počeo sa gradnjom.

Prvi objekat je počeo, znači to je jedan pomak, ali ne mogu biti zadovoljan da, za dvije godine uradimo samo pet parcela, po mojoj procjeni, ja znam da je tu, da ima puno problema oko imovinsko-pravnih odnosa, oko neriješenih tih stvari, ali opet se vraćam na službe.

Opet se vraćam na službe. Zbog čega nije, evo taj put koji je već, prema toj Poslovnoj zoni dole, koji je već nasut, izvaljan, već sredstva uložena, nije asfaltiran?

Ako je već ponuđač na tenderu dobio posao, zašto se onda čeka da se asfaltira taj dio, da bi ljudima dole, da bi im bilo slađe ići na tu parcelu koju je dobio od ovoga Gradskog vijeća da može raditi.

Tamo trebaju još četiri da se počnu raditi, nismo na vrijeme regulisali.

Opet se vraćam na službe, nismo na vrijeme regulisali dovod električne energije dole i trafo stanicu.

U samom početku, kad smo počeli raditi u ovome projektu, ja sam bio u timu tom, Koordinacioni tim za Poslovnu zonu tu, gdje je bilo rečeno da imamo 29 lokacija, koje, ja sam postavio pitanje jel sve riješeno imovinski, sve je riješeno.

Kad smo došli da se počne realizovati, imamo samo pet riješenih, ostali 24, zar nismo mogli u međuvremenu, evo koliko je vremena prošlo od ovih pet kako smo dodjelili, prvo

dvije, pa tri pa ukupno pet, zar nismo do sad mogli uraditi još pet? I ja tražim odgovor ovdje sad da mi se da.

Da li ima mogućnosti još za te ovaj lokacije ili nema, da se konačno da, jel ja moram građanima reći istinu, zato što sam u čitavoj svojoj kampanji govorio samo ekonomija, ekonomija i to mi je, naravno i moja struka, moram odgovoriti građanima jer pitaju stalno, hoće li biti još onih placeva, po onoj, po onakvim ovaj uslovima kojim su dodijeljeni ovih pet.

Imamo zainteresovane kompanije koje žele da grade, koje žele da zapošljavaju, mi nešto čekamo, ne možemo da riješimo.

Neka kažu bit će u narednih tri mjeseca pet, u narednih šest mjeseci bit će još tri. Za narednu godinu bit će još jedna. I tako da znamo, koliko nas, koliko za dvije godine mogu riješiti tih lokacija.

Da ne govorim o drugoj stvari gdje smo planirali, još u dijelu ovaj Bara, gdje ima zemljište, prema Gornjoj Tuzli također gdje ima, da odgovori na pitanje šta je s tim zemljištem.

Ko je kriv? Zbog čega se propustilo, zakonska mogućnost, kad se moglo zemljište prevesti, kad je usvojen Zakon o stvarnim pravima?

Kad je postojala mogućnost da zemljište se moglo uknjižiti sa opštenarodne, opštenarodne odbrane, ne znam kako se zove to, u čemu je i danas dan vlasništvo zemljište, dvije godine je data zakonska mogućnost da se moglo to zemljište prevesti na Gradsku upravu? Ko je krivac zbog toga što to nije urađeno?

I danas kad uzmete kartu, evo neka izađe sad iz ovaj iz ovaj, iz ove službe i neka kaže ili Geodetske, koliko imamo zemljišta za poslovne zone koje su u vlasništvu u gradu Tuzla?

Dobit ćemo odgovor, da nema ni jedne. Znači propusti postoje, ja ponovo, ne kritikujem, ja samo govorim ono što jeste i tražim jednu odgovornost da pređemo na to, stalno se govori zaustavimo mlade da ne idu. Nema od toga priče nikakve.

Zaustavit ćemo odlazak ljudi onog momenta kad stvorimo preduslove za zapošljavanje. Naravno Gradska uprava nije nadležna toliko, nema toliku nadležnost da upošljava, ali ima nadležnost da omogući i olakša investitorima kako mogu graditi objekte.

Meni bi bilo žalosno da mi nemamo ni jednog investitora, da se nije pojavio. Onda bi meni to bilo žalosno. Ali imamo i stalno ljudi traže i mora se, tražim za to odgovore, ne znam da li postoje sad pošto je došlo do, do ovaj promjene u ovoj Službi. Ne znam da li ovaj postojeći, ovaj Pomoćnik načelnika ima te odgovore ili nema, ali ima Komunalna služba također, ima Geodetska služba.

Sve su te službe bile uključene u zajednički taj projekat. I ovdje niko se ne može reći, ja nisam. Svi su bili zajednički. Da li mogu naći rješenje zajedno ili ne mogu, nek i to kažu?

Da li Pravna služba naša, toliko pravnika imamo, ne znam koliko ima zaposlenih pravnika u Gradskoj upravi, da ne mogu naći rješenje. Neka mi odgovore na ovo pitanje, jer ja želim, da završim ove dvije godine, dvije i nešto svog mandata, da završim sa nečim što sam uspio da uradim za ovaj grad kad je u pitanju zapošljavanje.

Naravno ovdje ću samo dodati samo jednu stvar, a to je, vezano je za poduzetništvo naravno. Zašto nama odlaze mladi? Zbog malih plaća u firmama. Zbog Zakona o radu, ovakav kakav je donešen.

Zakon o radu treba pod hitno, to će biti jedna od inicijativa mojih, evo ne inicijativa jedan zaključak, koji će ići prema Vladi Federacije BiH, da se donese zakon novi, dopuna Zakona o radu, gdje će se staviti, tražiti da se stavi, mi smo to ispred poslodavaca tražili također, da ste stavi minimalni lični dohodak 700 KM, za uposlene radnike.

Minimalno sada je 426 na 700, a da u istom danu Parlament i Vlada Federacije donese zakon o smanjenju doprinosa sa 72% na 40%, time dobivaju radnici, dobiva država,



poslodavci će dati malo više novca, ne smeta da daju, ali ćemo zaustaviti odlazak i imat ćemo radnika, jel mi dolazimo u situaciju da nemamo radne snage, vjerujte, kvalitetne radne snage.

Na taj način možemo bar koliko toliko uticati da zaustavimo, ne može se više raditi za 450, 420 maraka, KM-ova, ne može. I naravno da ljudi nam odlaze. Evo toliko hvala.

**ALEKSANDAR VUJADINOVIĆ**

U redu. Hvala lijepo. Replika Mirnes Ajanović Boss, izvolite.

**MIRNES AJANOVIĆ**

Jel gotov red za javljanje ili samo replika može?

**ALEKSANDAR VUJADINOVIĆ**

Ako želite repliku, repliku, a poslije toga možete ispred Kluba vijećnika, imaju još dvoje prije vas, onda pre ovaj prijavljenih.

**MIRNES AJANOVIĆ**

Hajde repliku ću, repliku, da ne čeka se dalje. Puna podrška ovome što je rekao kolega Mensur Alić.

Meni je zadovoljstvo da kao vijećnik evo imamo priliku da na materijalu koji je dobar, nezavisno od njega kakva je prezentacija u materijalu, o tome ne treba ni pričati, razgovaramo o ovome problemu konkretno, direktno, otvoreno i kritički.

I evo ovi prijedlozi koji su izneseni, zaista su dobri i treba ih realizovati. Ja bih samo dopunio ako je moguće kroz repliku da u zaključke koje smo prethodno govorili, kada sam i ja upozoravao na sličnu stvar u vezi svega ovoga što smo radili tada zajedno dok sam bio u, dok je BOSS bio u parlamentarnoj većini u vezi realizacije ovog projekta gdje je nosilac bio Mensur Alić, imaju zaključci Vijeća i od prije vezani za ovo, o obavezi dostavljanju svih podataka Gradskom vijeću u vezi realizacije ovog projekta poslovnih zona.

Mi još uvijek nismo dobili sve te informacije i evo, kao dopuna ovoga svega, što je rekao Mensur Alić, zaista treba organizovati i na Kolegiju, slijedećem, ako već ne stignemo za ovu aprilsku sjednicu, jer će biti ubrzo, za majsku sjednicu, Kolegiju da dobijemo te konkretne informacije, da idemo u realizaciju ovog projekta, na način da zaista od ovih evo preostalih 24 parcele, ili ovih ostalih četiri od ovih pet koje su prošle jer jedna samo nešto kao, postoji mogućnost da bude funkcionalna, idemo u realizaciju toga.

Dakle puna podrška, a onda ću kasnije kratko, samo još detaljno, nekoliko detalja o drugom problemu koji mogu u okviru rasprave kao Klub. Hvala.

**ALEKSANDAR VUJADINOVIĆ**

Uredu, hvala lijepo. Erna Delić replika.

**ERNA DELIĆ**

Zahvaljujem, evo ja bi se zahvalila kolegi Aliću na svim ovim informacijama koju ste iznijeli vezano za poslovnu zonu Kreka Sjever, jer na žalost sve te informacije nisu sadržane u

ovoj informaciji, iako je naslov INFORMACIJA O REALIZACIJI PROJEKATA IZ OBLASTI RAZVOJA PODUZETNIŠTVA ZA 2017 GODINU.

Sve ovo što smo mi odradili u prošloj godini, na žalost ovdje u ovoj informaciji ne stoji, ja ću evo pročitati u jednom dijelu se spominje razvoj poduzetničke infrastrukture i formiranja novih poslovnih zona i u tom procesu nastavak realizacije prve faze izgradnje poslovne zone Kreka Sjever.

To je, mislim, evo moja lična dužnost bila spomenuti, mislim da je kolega Alić u tom kontekstu i govorio, pa evo službama da skrenemo pažnju jer ovo je jako veliki projekat koji je odrađen i u prošlom mandatu i koji je rezultat zajedničkih napora i evo napora i samog kolege Alića i mislim da zaslužuje svoj prostor u samoj ovoj informaciji, Hvala.

### **ALEKSANDAR VUJADINOVIĆ**

Uredu, hvala lijepo. Ja vas molim da ostanete, ako izadete nemamo kvoruma za rad.

Ja predlažem da završimo sa ovom tačkom dnevnog reda, pa da onda napravimo pauzu, eto, mislim da ne prekidamo u pola tačke jel. U redu. Hvala lijepo ovaj gospodinu Kovačeviću. Slijedeća za red, za riječ se javila Rejhana Dervišević SDP. Izvolite.

### **REJHANA DERVIŠEVIĆ**

Hvala predsjedavajući, čitajući ovu informaciju za 2017 godinu, ja bih htjela reći, da treba napomenuti, odnosno istaći značaj i ostalih gradskih službi u realizaciji projekata iz oblasti razvoja poduzetništva u prošloj godini, jer je i njihovo angažovanje pored njihovih redovnih poslova, zaista unaprijedilo poslovni ambijent i ipak možemo reći, doprinijelo poboljšanju uslova u oblasti poduzetništva u našem gradu.

Što se prije svega odnosi na, uzimajući u obzir informacije sadržane u ovoj informaciji, na izradu i donošenje prostorno-planske dokumentacije i regulacionih planova kojima su definirani prostori za izgradnju, rješavanje imovinsko-pravnih pitanja i ovo što maloprije spomenuste, formiranje novih poslovnih zona i u tom procesu nastavak izgradnje i razvoja već uspostavljenih.

Ja također želim podsjetiti da upravo angažovanjem nadležnih službi grada, na rješavanju imovinsko-pravnih pitanja, ako se sjećate, obezbjeđeni su objekti u užoj gradskoj jezgri za četvrtu i petu fazu razvoja BIT centra, što je, povećalo ukupne smještajne kapacitete u BIT centru u gradu.

Također želim istaći njihov značaj i značaj rada ostalih gradskih službi u kontekstu saradnje sa međunarodnim i domaćim organizacijama sa kojima su zajednički realizovali i zajednički realizuju različite projekte u oblastima i ekonomskog i društvenog razvoja.

Posebno bih istakla ono što se može pročitati u informaciji, a to je da je kao dio ukupnog sistema podrške grada, kroz različite programe koji su evo navedeni, čijom je realizacijom prema pokazateljima koji su takođe ovdje navedeni, ipak za oko 470 osoba omogućeno zapošljavanje u privatnom sektoru te ova edukacija za osposobljavanje, za lakše samozapošljavanje itd.

S toga, da može bolje i efikasnije, može i mora. Dakle, mi smo tu da pratimo ove projekte i njihovu realizaciju i da zaista konkretnim prijedlozima i svim onim čime možemo doprinijeti i pomoći, nastavimo sa podrškom u realizaciji ovakvih projekata. Hvala.

### **ALEKSANDAR VUJADINOVIĆ**

Uredu, hvala lijepo, Elvir Kasumović SBB, izvolite

## **ELVIR KASUMOVIĆ – vijećnik Saveza za bolju budućnost**

Zahvaljujem predsjedavajući. Što se tiče informacije o realizaciji projekata iz oblasti razvoja i poduzetništva za 2017 godinu. Moram reći da mi ispred kluba Saveza za bolju budućnost imamo stav da se radi o informaciji koja nije realno predstavljena i koja je tendenciozna i koja je nažalost poražavajuća.

Citirat ću par nekih odlomaka iz informacije, pa kaže ovako, aktivnim odnosom prema svim bitnim segmentima lokalnog razvoja i sinergijom rezultata rada Gradskih službi u realizaciji poslova u funkciji lokalnog razvoja, ostvaren je vidan napredak i značajni rezultati na unaprijeđenju poslovnog ambijenta na promjeni koncepta razvoja, na poboljšanju uslova u oblasti poduzetništva, novog zapošljavanju i očuvanju postojećih radnih mjesta.

Onda to ničim nije obrazloženo. Gdje je jednostavno to poboljšanje zastupljeno? I ono što nam je prezentovano u informaciji, kao da je, da su, pozitivni pomaci, kao što rekoh, radi se o poražavajućim rezultatima.

Dalje se navodi da se za stvaranje povoljnog ambijenta iznose razne tvrdnje koje je ova administracija uradila, a to je, rad na izradi i donošenju prostorno-planske dokumentacije regulacionih planova kojima su definisani prostori za izgradnju poslovno-proizvodnih sadržaja i područja budućih poslovnih zona, a to je maloprije Mensur Alić isto tako demantovao, da su govorili jedno, a da se to toliko radi o malom broju poslovnih zona i svega toga, da je opet kažem stanje poražavajuće.

Što se tiče drugog dijela, kaže da se radi o rješavanju imovinsko-pravnih pitanja u procesu obezbjeđenja lokacija za gradnju na području grada, a i one poslovne zone koje smo, koje su nama predstavljene da su riješene po pitanju imovinsko-pravnih odnosa, nisu bile riješene.

Pa se tako poslovna zona Kreka Sjever koja je već trebala da otvori nekoliko hiljada, odnosno stotina radnih mjesta pardon, mi nemamo tamo na žalost ni jednog otvoreno radno mjesto.

Nešto se tamo mrda, pomjera se, ali to toliko ide traljavo i aljkavo, ako se nastavi ovom tendencijom to se neće za sto godina završiti.

Još se ovdje navodi kao da je rezultat stvaranja poduzetničke poslovne zone Kreka Sjever, umjesto da su prešutili tu informaciju, ne informaciju nego sramotu.

Ovdje se ljudi diče time u informaciji. I kažu kako Grad Tuzla ima, stvara, odnosno ima podršku ranije pokrenutih zona Inkubatora u Lipnici.

Inkubator u Lipnici je davno pokrenut i stvoren je kao inkubator, da se tu proizvedu u početku, da kažem firme u razvoju, pvoju i one su već trebale izaći iz tog inkubatora.

Međutim to su već kokoši koje su se nanijele jaja tu u tom inkubatoru, kako su, kako je ko ušao u taj inkubator više nije ni izlazio.

Poslovna zona Inkubator Lipnica je shvaćena samo kao start paket, a čim bi neko stao na noge, trebao je da izađe iz te poslovne zone i ustupi možda nekome drugome to mjesto, međutim to je shvaćeno kao, kao, kao ne znam, kao stalno, stalno, stalni radni status po pitanju opstojnosti te, te, te firme, da kažem, u pvoju.

Oni su i dan danas tamo. Kako se krenulo tu se i stalo. Ja ne znam, da li, evo neka me demantuje neko, da li postoji i jedna firma, koja je počela sa radom u inkubatoru a da je izašla iz inkubatora, razvila se i počela raditi djelatnost na nekoj drugoj lokaciji.

Ja ne znam za to, možda postoji ali evo. I kaže se da je i poslovna zona BIT centar, Poslovna zona BIT centar.

Ja bih prvi volio da je sve ovo ovako kako je navedeno u informaciji, međutim mi moramo ovdje biti realni i prema sebi i prema građanima, građani vide isto kao i mi i ne možemo vjerovati informacijama više nego svojim očima.

Mi smo u svakodnevnicu, hodamo ovim gradom, gledamo da je sve više zatvorenih u odnosu na otvorene prostore. Kažem, žalosti me umjesto da me raduje informacija ova koja kaže da je Tuzla jel, jedan primjer najuspješnijeg grada, odnosno aktivnosti poslovnih zona.

Vjerovatno nikad ovaj onaj ko je sastavljao informaciju nije čuo da u Bosni i Hercegovini postoji grad Goražde, da postoji grad Tešanj, ili tako dalje, da ne nabrajam.

Jednostavno ovom informacijom se nešto drugo želi predstaviti, a ja pitam, da li je mjerilo rezultata ono što smo mislili uraditi ili ono što smo uradili?

Imamo ovdje podatak da je u periodu od 2015. do 2017. godine, programom upošljavanja, u jel, direktno podržano upošljavanje preko 280 osoba.

Na jednoj od sjednica Gradskog vijeća, Gradonačelnik je za govornicom rekao, da će u narednom periodu od četiri godine otvoriti četiri hiljade novih radnih mjesta.

Ispod toga imamo da se kroz projekat zapošljavanja i novih radnih mjesta da je omogućeno zapošljavanje 123 osobe, međutim, ovdje se vjerovatno i čistom matematičkom radnjom ne može doći do podatka da se 4000 mjesta može ostvariti u roku od četiri godine, nego u roku od 30 godina po ovom statističkom izvještaju koji smo mi dobili.

Još ću reći da nemamo veliku zainteresovanost ulaganja. Investitori traže da im se predoče planovi poslovnih zona kako bi investirali jel svoj kapital na području Grada Tuzla, a kada im se iznese ono sve što im nudimo, onda jednostavno odlaze iz ovog grada.

Takav isti, takav primjer je, ne mogu tačno da kažem kako se zove firma i neću da je imenujem ali znam da rade nešto vezano za namotaje, odnosno za namotavanje i viklovanje motora koji jel se izvoze u Austriju, takav pogon jedan već postoji na području nekadašnje Dite i kada se tražilo otvaranje još novih 50 do 100 radnih mjesta, evo u prošlom sazivu Vijeća smo bili svjedoci toga. Ono što im mi nismo ponudili, ponudila im je općina Živinice i sada ta, taj pogon zapošljava radnike na području općine Živinice.

U prilog ovoj mojoj tvrdnji da investitori i građani nemaju povjerenja u ovu administraciju ide i informacija, odnosno dio informacije koji je predočen ovdje pred svima nama, gdje se kaže da sredstva za aktivnu politiku u zapošljavanju na području Grada Tuzla u prvobitnom iznosu od

300.000 KM, realizovani su znači u skladu tam i tom i realizovani su u ukupnom iznosu od 259.000 KM, znači nisu realizovana u 100% procentu.

Sredstva za podršku privatnim poduzećima i poduzetnicima koja su namjenjena 150.000 KM, realizovana su u iznosu 147.000 KM i sredstva za finansiranje projekata gdje je predviđeno 50.000 KM, realizovana su u iznosu od 39.000 KM.

To je opšta činjenica da investitori i građani nemaju povjerenja u ovu administraciju i ulaganju na području Grada Tuzla.

Još ako napomenem da se ovdje većinom radi o domaćim investitorima onda je to još, još još više zabrinjavajuće. Imamo porazne rezultate. (ALEKSANDAR VUJADINOVIĆ - Zamolit ću vas samo da privodite diskusiju kraju.)

Evo još rečenicu ako dopuštate. Imamo porazne rezultate odlaska mladih kako na čit, na prostoru čitave Bosne i Hercegovine tako i Grada Tuzle. Na svu sreću to je za sada samo par branši gdje su jednostavno te branše trenutno tražena radna snaga.

Kada se taj proces usloži, odnosno kada se poveća broj branši onda će tek biti zabrinjavajuće stanje.

Projekat, Siguran start, kao novi oblik podrške u 2017. godini isto nije realizovan u onom obliku jel vidimo da se na području užeg gradskog jezgra, kao što rekoh, više ima zatvorenih nego otvorenih prostora.

Nije uspjeh ako danas imamo jedan zatvoren prostor, a u tom zatvorenom prostoru sutra se otvori novi prostor. To nije uspjeh. Uspjeh je kada otvaramo nove prostore i zadržavamo postojeće prostore.

Obzirom da sam iscrpio jel vrijeme, ne bi dalje da izlažem, ja vam se zahvaljujem.

## **ALEKSANDAR VUJADINOVIĆ**

Uredu, hvala lijepo, Mirnes Ajanović BOSS, izvolite.

## **MIRNES AJANOVIĆ**

Hvala, samo prijedlog jednog zaključka, već sam rekao, izjasnio se u okviru replike o stavu BOSS-a u odnosu na evo ovaj problem koji je prezentiran.

A ovo je zaključak u vezi Zakona o posredovanju u zapošljavanju i socijalnoj sigurnosti. Kolega Mensur Alić je govorio je kroz ovu informaciju se vidi da se raspravlja o problemu zapošljavanja lica.

Suština svih poslovnih zona i svega što radimo i mi i raspravljamo i kritikujemo i informaciju i hvalimo, sasvim nebitno il tražimo bolje ili realizaciju projekta poslovne zone, jeste da se zaposle ljudi.

A tek onda kroz to da ti koji zapošljavaju ostvare profit. Jedno uz drugo je vezano. Međutim sada u postupku je prijedlog Vlade Federacije BiH i nadležnog ministarstva, rade socijalne politike Federalnog, da u ovom zakonu stave obavezu licima koja su na birou, koja traže posao i za koja lica koja primaju platu na birou trebaju da obezbjede uslove zapošljavanja.

Da ta lica koja traže posao morat će mjesečno dokazati ili donijeti potvrdu da su tražila posao, u suprotnom gube prava evidencije na Birou za zapošljavanje, odnosno zdravstvenu zaštitu.

Ovo će sigurno donijeti velikom haosu, posebno kod poslodavaca. Desit će se situacija da će oni biti opsjedani bukvalno licima koja će tražiti tu vrstu potvrde. Ne dakle posao, jer ti poslodavci im neće moći dati posao, nego će morati oformiti poseban odjel u okviru svake firme, koji će primati po stotinu ljudi dnevno da bi im izdavao potvrde.

To je potpuno apsurdno, neshvatljivo i nerazumno od strane Vlade Federacije da predlaže ovakav prijedlog zakona, da osobe koje se nalaze na ivici egzistencije, koje traže posao, faktički ostanu bez mogućnosti te minimalne socijalne, odnosno zdravstvene zaštite.

Smatramo da mi da kao Grad Tuzla trebamo, evo ako se vi slažete ostali koleginice i kolege, ovo je moje mišljenje, da tražimo, uputimo dopis vladi, ministarstvu, parlamentarcima, da bi ovakav zakon izazvao kaos kod poslodavaca.

Dakle, prvo sa ove strane nepotrebne troškove, nepotrebno onemogućavanje rada, odnosno smanjena efikasnost rada kada vi imate danas deset ljudi ili sto ljudi koji će dolaziti i tražiti potvrdu da bi mogli dobiti status, produžiti status o svojoj u na birou. A sa druge strane dovest ćemo ljude u vrlo nezgodnu situaciju ako ne mogu dobiti tu potvrdu.

Neko kao priča, to je kao dizanje njih da idu tražiti posao. Oni svakako su u efektivnom traženju posla shodno obavezi gdje se moraju javljati redovno na biro, a na birou, zavisno od ponude radne snage, uposlenici raspoređuju ta radna mjesta.

Dakle ne mogu biti krivi ni ti ljudi koji rade na birou, niti građani koji su evidentirani na birou koji traže radna mjesta. To zavisi od uslova koje i mi kao Grad treba da stvorimo, ili Federacija ili država, odnosno kantoni, sasvim nebitno, ali ne možemo teret prebacivati na njih i smanjivati im prava koja sada imaju u smislu ukidanja zdravstvenog osiguranja.

Svakome se mora omogućiti uslov dakle za obezbjeđenje radnog mjesta, a ukoliko ga nema, ne možemo taj uslov definisati na način da izgube i pravo na zdravstveno osiguranje. To je jedan, dakle ovakav zaključak, da mi kao Grad Tuzla smatramo da bi to bilo neprimjereno aktuelnom stanju, da bi to još više pogoršalo egzistenciju ljudi koji su nezaposleni, odnosno građana koji su na birou, a sa druge strane bi potpuno nepotrebno opteretilo poslodavce dodatnim aktivnostima obezbjeđenja tih potvrda.

Dakle u suštini, faktički se neće ništa napraviti. Ljudi će morati, pa neki čak i po 60 i nešto godina koji imaju, morat će obijati pragove raznih firmi da bi dobili tu potvrdu, dakle, dakle, ugrožavat ćemo i njihovo zdravlje nepotrebno dodatno koje je već svakako narušeno, jer nemaju novac, nemaju platu, nemaju penziju, nemaju ništa. Imaju samo to minimalno zdravstveno osiguranje, da se mogu, ukoliko im je nešto neophodno, obratiti ljekaru, a nemaju čak novac ni za lijekove koje trebaju nabaviti.

Dakle nalaze se u potpuno bezizlaznoj situaciji na ivici egzistencije i onda najavljuje se ovakva izmjena Zakona i uvođenje te obaveze obezbjeđenja potvrde o aktivnom traženju posla, kako oni to traže.

Eto ova molba da se to definiše i obrazloži na ovakav način uz potporu ovome što je rekao Mensur Alić u dosadašnjem izlaganju. Hvala.

## **ALEKSANDAR VUJADINOVIĆ**

U redu. Dobro, hvala, ovim smo iscrpili raspravu kluba vijećnika. Pa zatvaram raspravu klubova vijećnika.

Otvaram raspravu vijećnika. Mensur Alić, Tuzlanska alternativa. Izvolite.

## **MENSUR ALIĆ**

Evo ja ću iskoristiti kao i vijećnik, nije, zašto je ovakvo stanje u, u Gradskoj upravi i ovoj informaciji. Pa stanje je to zato što se ono prenosi od federacije, kantona pa na opštine.

Imamo pogrešno postavljen sistem u ovoj državi. I zato nam je i ovakvo poduzetništvo kakvo jeste, koje ima posljedice od mnogih zakona sa federalnog i kantonalnog nivoa.

Evo navest ću vam primjer. Da je zakon prije par dana stupio na snagu, niko nije za njega ni čuo ni znao, da li je to zakon ili Uredba Vlade Federacije, koja je najlošija definitivno, kada je u pitanju privreda ova vlada Federacije, najlošija do sad, koja od ovih zadnjih 20 godina.

Ja to mogu reći kao poslodavac, jel ni jednu stavku, namet nisu skinuli samo su dodali nove namete. Nove namete su dodali.

Zakon koji su donijeli, gdje će nam ostati sad na hiljade ljudi bez posla. Ako imate obrt registrovan a imate penziju, dobili ste prije tri dana rješenje da vam se penzija ukida ili morate ugasiti obrt.

A svako je u penziji registrovao obrt, zaposlio jednog ili dva radnika. Ti radnici ostaju bez posla. Ako si direktor u privatnom preduzeću, morao si po starom zakonu biti prijavljen na jedan određeni lični dohodak, po zakonu i da plaćaš na njegov doprinose i da dobijaš penziju svoju koju si stekao pravo, nakon svog 40 i nešto godina rada ili 65 godina starosti.

Također vam se ukida penzija ili ne možete biti direktor. To u svijetu nigdje nema, taj zakon je bio donesen u Srbiji pao, u Republici Srpskoj pao, u Hrvatskoj pao i nisu naučili naši poslanici ni vlada, da nešto što je palo u susjednoj državi će pasti i ovdje kod nas.

Ali dok on padne, taj Zakon, na hiljade ljudi će ostati bez posla. To su posljedice o kojima ne pričaju nikako, ne govore, ne spominju. A informaciju imam da je preko dvije hiljade već obrtnika dobilo to i direktora privatnih preduzeća.

Umjesto da ima one doprinose na plaću, na plaću da ima od direktora, da ima te doprinose države, oni se sad odriču toga. A navodno su povećali penzije.

Sad će doći do smanjenja penzija, jel će PIO fond biti oštećen na hiljade ljudi koji će izaći iz prava, oni mogu mjesec dana iskoristiti to dok, obustavili su 3-eg su trebali penzije biti isplaćene, taj dan su, možete misliti, poslali rješenje da vam se ukida penzija, taj dan baš.

Kad treba penzija da legne, oni su poslali to ljudima. To je nevjerovatno. I to se prenosi upravo, taj, takvi, takvi zakoni se prenose i na gradove i opštine gdje dolazi do ovakvih zastoja.

I moj zaključak bi bio, da ne znam kako se zove taj zakon, ali evo sekretar da malo se ovaj, ili preko službe, Služba za poduzetništvo vjerovatno, Služba za ekonomske odnose vjerovatno ima taj zakon, da se traži ukidanje tog zakona pod hitno, jel će ostati na hiljade ljudi bez posla.

I onda tek dolazi opet ponovo odlazak. Da ne pričamo o taksama, nametima, to je nešto što moglo bi se pričati satima ovdje, ali da ne bi oduzimao vrijeme, završit ću sa ovim hvala.

### **ALEKSANDAR VUJADINOVIĆ**

Hvala lijevo, lijepo, poslovnička Mirnes Ajanović BOSS, izvolite. Izvinjavam se Mensure samo da isključite mikrofon.

### **MIRNES AJANOVIĆ**

Poslovnička o povredi Poslovnika od strane predsjedavajućeg. Vjerovatno nenamjerno. (ALEKSANDAR VUJADINOVIĆ – Dobro.) I siguran sam nenamjerno.

Mi kao vijećnici trebamo da znamo naša prava i dužni smo ih znati, a predsjedavajući nekad može i u toku rasprave prateći nas kako radimo napraviti i pogrešku. Ja sam siguran da se ovdje radi o nenamjernoj pogrešci u okviru početka ove tačke, evo kako je korektno Mensur Alić rekao da dođe status i pravo na raspravu i vijećnika i javio se kao vijećnik.

Mi smo imali situaciju da jedan vijećnik iz statusa vijećnika, dakle ne Kluba vijećnika, raspravljao na početku ove tačke dnevnog reda. Edim Kadić je javio se za raspravu u okviru prava za raspravu klubova vijećnika u ovom Vijeću.

I vjerujem da predsjedavajući nije to namjerno, previdio je sigurno takvu okolnost, ali vijećnik je bio dužan da to zna. Dakle zloupotreba vijećničkog prava. Evo vidi se i po spisku dakle koji stoji iza vas, gdje su klubovi vijećnika i vi ste sami najavili zatvara se rasprava klubova vijećnika a u raspravi klubova vijećnika je raspravljao samostalni vijećnik koji nema pravo na tu raspravu.

Tako da nije vam kritika predsjedavajući u smislu da ste vi nešto pogrešno uradili, jeste povreda Poslovnika, da malo vodimo računa ubuduće, dakle mi ne vi, jer ne možete vi o svemu voditi računa kao (ALEKSANDAR VUJADINOVIĆ – Uredu.) predsjedavajući vi koji vodite sjednicu, gledate kako se mi javljamo ili slično, ali mi ipak trebamo imati dovoljno digniteta da ne zloupotrebjavamo prava koja imamo. Hvala.

### **ALEKSANDAR VUJADINOVIĆ**

Uredu. Hvala na sugestiji. U pravu ste. Eto pokušat ćemo da ne vršimo povredu Poslovnika po bilo kojem osnovu.

Dobro. Nakon zahvale za ovu sugestiju, da li se još neko javlja? Elvir Kasumović, SBB. Izvolite.

## **ELVIR KASUMOVIĆ**

Ja bih iskoristio repliku. Naravno da je u svom izlaganju gospodin Mensur Alić bio u prvu po pitanju svega ovog što je iznio, ali isto tako nam niko nije mogao osporiti nijedan federalni, ni kantonalni zakon po pitanju rješavanja poslovnih zona u gradu Tuzla.

Znači ovdje se radi konkretno o aljkavosti gradske administracije. Nije postojala jednostavno želja da se to rješava. Jel da je postojala želja u nekoliko zadnjih primjera smo se uvjerali isto kada je rečeno da se neće moći riješiti grijanje za građane Bukinja i Šićkog Broda pa se opet naknadno riješilo i tako dalje. Znači da je se htjelo nešto riješiti sve bi se moglo riješiti, uzimajući, uvažavajući ove primjere koje sam već naveo.

Ne možemo i ne smijemo, naravno viši nivoi vlasti imaju svoju odgovornost za određene dijelove da kažem odlaska mladih, ne upošljavanje i tako dalje. Ali ovdje mi da moramo jasno reći šta smo mi krivi i čime smo doprinijeli svemu tome. I to je i bila jednostavno i, i, i tačka dnevnog reda da raspravljamo o poduzetništvu na području grada.

## **ALEKSANDAR VUJADINOVIĆ**

Uredu. Hvala. Alen Kapidžić, SDP. Izvolite.

## **ALEN KAPIDŽIĆ – vijećnik Socijaldemokratske partije**

Hvala predsjedavajući. Pa s obzirom da se prvi puta danas javljam ja vas sve pozdravljam.

Evo uvijek mi kada pričamo o nekim lošim stvarima kažemo naša administracija, naša vlast nevalja je li i kad govorimo o određenim problemima onda kažemo znate mi smo gradski vijećnici, hoćemo o tome da raspravljamo. A činjenica da mi uveliko zavisimo od većih nivoa vlasti. To su činjenice.

Znači ne možemo reći u nekim segmentima nisu uradili nešto po pitanju odlaska mladih. Ma nisu uradili ništa.

I ovo što kolega Mensur govori, što nam ljudi odlaze. Ne odlaze nama samo par obrazovnih profila. Znate nama odlaze ljudi koji imaju poslove. Iz jedne porodice doktor, ili dva doktora odu. Odlaze profesori na Univerzitetu. To treba da bude svima nama znak za alarmantnu situaciju.

Druga stvar. Imali smo prošle godine priliku da gledamo Izvještaj o stanju zaposlenosti. Pa smo. Na čitavom kantonu ako se sjećate. Imat ćemo prilike ako bog da i ove godine da ga dobijemo. Vjerovatno.

Pa samo, pa je tamo rečeno, tamo je rečeno, da je najveći procenat zaposlenosti u odnosu na nezaposlene upravo u Tuzli. Znači to je rezultat. Kako ćete ga vi nazvat? Je li to dugogodišnji kvalitetan rad ove administracije? Činjenica da jeste. Da može bolje, može. Ali hajmo uzeti ostale. Ostale opštine i gradove. I mi pričamo kako mi to.

Pričamo o usklađivanju obrazovne politike sa potrebama tržišta rada. Sklažem se ja s tim. Znate. Ali džaba mi usklađujemo obrazovnu politiku a ne poštujemo krucijalne zakone za određene segmente. Džaba mi tu uspostavljamo. Džaba mi. Možemo usklađivati koliko god hoćete.

I onaj, neka osoba koja se školuje za određeni poso, dobije diplomu školovana za to, a taj isti poso dobije neko drugi ko nije školovan za to. Šta će on?

Možemo mi pričati. To je priča za malu djecu. Usklađivanje obrazovne politike. Znate. Jest uz striktno poštovanje zakona.



Ali nemojte da pričamo. Znači kad je treba da kažem da nevaljaju viši nivoi vlasti, kažem u nekim segmentima ne u svim naravno, ali otišlo nam je u zadnjem periodu otkako je ova vlast, to su činjenice, najveći broj ljudi je otišlo u inostranstvo iz Bosne, iz Bosne i Hercegovine. To je činjenica. Onda kaže nemojte niste vi gore vi ste, vi ste izabrani na lokalnom nivou. Pa je li ovisimo mi od tog, do tog većeg nivoa vlasti? Naravno da ovisimo. Hvala vam.

## **ALEKSANDAR VUJADINOVIĆ**

Uredu. Hvala lijepo. (MENSUR ALIĆ – Replika.) Replika Mensur Alić, Tuzlanska alternativa. Izvolte. Samo mikrofon.

## **MENSUR ALIĆ**

Ma nije ovdje samo u pitanju odlazak mladih zbog nezaposlenih. Pa imamo, mi imamo katastrofalnu političku situaciju u Bosni i Hercegovini. Pa naši građani su isprepadani. Naši građani ne znaju kuda više. Pa pitajte, gleda li ankete šta kažu građani kakva je politička situacija.

Pa najveći odlazak mladih je zbog političke situacije u Bosni i Hercegovini koja nije ni blizu stabilnosti u jednoj državi. Jer nam se prijeti raznim odcjepljenjima, ratovima, ovim, onim. Pa mi smo. I to je ono što najviše, jednim dijelom dolazi odlaskom mladih iz ove države.

Ako dvoje radi, iz porodice radi dvoje na, u UKC-u Gradina, sa dobrim plaćama, odlaze vani, porodica kompletna, šta je tu u pitanju? Nije u pitanju novac. U pitanju je politička situacija nesigurnost življenja u ovoj državi u budućnosti.

I na nama je dužnost i obaveza, na svim građanima, da pokažemo kako može ova država Bosna i Hercegovina drugačije izgledat nego što izgleda danas.

I zato sam govorio da ima odgovornosti i stalno ću to govoriti, da ima odgovornosti i od vrha države, Federacije, Kantona, pa tek onda na gradsku upravu. Ne želim nikog da aloboriram ovdje. Svi imaju svoje krivice. Neko više, neko manje.

Ali ja sam ukazo kad je u pitanju gradska uprava i ne želim da se to koristi u negativnom, ja sam svoje mišljenje dao i kritikovao ono što nije dobro i tražim da se to poboljša. Hvala.

## **ALEKSANDAR VUJADINOVIĆ**

Hvala lijepo. Elvir Kasumović. Ispravka krivog navoda je li? Izvolte.

## **ELVIR KASUMOVIĆ**

Kolega Alen Kapidžić je naveo podatak koji smo mi dobili u ovom izvještaju da u Gradu Tuzla sada imamo 64% zaposlenog stanovništva. Onda, ne znam, rekao je u tom smislu nešto da je Tuzla je li grad koji, koji ima najmanju stopu nezaposlenosti. Tako nešto u tom smislu.

Neko je jednom rekao da je statistika zbir netačnih podataka. Vjerovatno i to doprinosi svemu ovome što mi dobivamo u ovim izvještajima, ali znam zvanično da su načelnici opština Goražda i Tešnja izašli i rekli da nemaju nezaposlenog stanovništva.

Da li se to radi o nekoj stopi od 90, 80 i tako dalje, u svakom slučaju veće je od ovih 64%. O tome sam ja samo želio da skrenem pažnju.

Naravno Tuzla je velik grad. Mnoge aktivnosti su se dešavale na području grada i države i tako dalje. Kompletna hemijska industrija na području grada Tuzle je ugašena. Ona više ne postoji. A zapošljavala je najveću, najveći procentni, procentualno najveći broj stanovnika Grada Tuzle.

Svemu tome je kriva privatizacija koja je provedena. Onda. (ALEN KAPIDŽIĆ – Čije je bilo? Čija je vlast to bila?) Nismo mi bili tu kad je privatizacija provedena. Moram vas napomenuti da Savez za bolju budućnost je nastao 2009. i 10-te. godine. I nismo, nismo bili tu, nit smo bili u vlasti gospodine Kapidžiću po tom pitanju. Prema tome nemamo i mi to glasno i jasno kritikujemo i mi nemamo nikakve odgovornosti po tom pitanju. To vi svi znate.

Ali me boli kao građanina grada Tuzle zbog čega se bar jednostavno nijednom nije podigao glas, glas, prije svega Gradonačelnika i ostalih da kažu stanite to su naši građani. (ALEKSANDAR VUJADINOVIĆ – Ja vas molim samo da.) Da vidimo radi čega ti ljudi ostaju bez posla i tako dalje.

### **ALEKSANDAR VUJADINOVIĆ**

Izvinjavam se. Ja vas molim samo da se ograničite na onaj dio znači ispravka krivog navoda (ELVIR KASUMOVIĆ - Završio sam. Hvala.) u čemu korigujete znači, odnosno iznosite krivi navod prethodnog govornika.

Uredu. Hvala. Je li se neko javio za repliku? (ALEN KAPIDŽIĆ – Jesam ja.) Je li? Uredu. Alen Kapidžić, SDP.

### **ALEN KAPIDŽIĆ**

Prvo. Ja nisam spomenuo nikakve postotke. Znači kad sam govorio. Ja sam samo spomenuo Izvještaj da smo ga nekad dobili. To što stoji u tom sad tamo taj statistički podatak, to nisam na to mislio, samo sam. Znam da sam prošlo neko od Vijeća u prošloj godini znači imao priliku da čitam taj izvještaj.

Ne možemo mi porediti neke opštine koje ni veličinom nisu približne Tuzli. I mi poredimo to s Tuzlom. Na kraju krajeva kakve gradska administracija ima li kakve veze sa, sa gašenjem hemijske industrije.

To što neko nije bio u vlasti i kaže nemam odgovornosti. Tako i ja isto mogu reći nemam odgovornosti. Ljudi nemojte to tako shvatiti.

Znači mi smo danas tu i htjeli ili ne prihvatamo sve one probleme koji su trenutno tu i treba da ih rješavamo. Tako treba svi da razmišljamo. Hvala.

### **ALEKSANDAR VUJADINOVIĆ**

Hvala. Erna Delić. Izvolte.

### **ERNA DELIĆ**

Zahvaljujem predsjedavajući. Evo kolega je rekao sljedeće. Statistika je skup lažnih podataka.

Ja ću napomenuti ovdje brojke koje su sadržane u ovoj informaciji vezano za zapošljavanje, odnosno odnos nezaposlenih ili zaposlenih, zaduženo je da vodi Biro za zapošljavanje, koji svi znamo jeste na kantonalnom nivou i evo kolega mislim ne znam da li

je bio lapsus ili ne, samo da napomenem da Grad Tuzla i niti jedna služba ne mogu izvući ove podatke, odnosno iste izmisliti bez da statistiku uporede sa Biroom za zapošljavanje Tuzla. Vjerujem da vi to znate, možda ste u tom trenutku to i zaboravili.

Kolega Alen je napomenuo da ne možemo porediti određene opštine, odnosno broj stanovnika opština koje ste spominjali vi kolega Kasumoviću i teritorijalno kada govorimo o metrima kvadratnim, znači o veličini i govorimo o broju stanovnika.

Ali ja ću napomenuti da kada govorimo o Gradu Tuzla, Grad Tuzla je i univezitetski i klinički centar ovog Kantona. Ja ne znam da je to Tešanj, da su to Goražde. Ja ne znam da ovoliki broj ljudi, odnosno stanovnika prolazi kroz te gradove ko što prolazi i boravi u našem gradu.

Ja imam još par dijelova na koje bi replicirala obzirom da poznajemo jako dobro mog kolegu Kasumovića mislim da ću se javiti ponovo.

### **ALEKSANDAR VUJADINOVIĆ**

Uredu. Hvala lijepo. Elvir Kasumović. Pretpostavljam ispravka krivog navoda ili. (ELVIR KASUMOVIĆ – Da.) Je li tako? SBB. Izvolte.

### **ELVIR KASUMOVIĆ**

Rečeno je da sam ja rekao da je to zbir lažnih. Ja to nisam rekao. Ja sam parafrazirao da se radi o zbiru netačnih podataka. Za lažne nisam rekao.

### **ALEKSANDAR VUJADINOVIĆ**

Uredu. Hvala. Elvir Bijedić, SDP. Replika. Izvolte.

### **ELVIR BIJEDIĆ – vijećnik Socijaldemokratske partije**

Zahvaljujem predsjedavajući. Pozdravljam sve obzirom da se prvi put javljam. Pa dobro, mislim ako je već o statistici samo ću se kratko osvrnuti, onda vjerovatno i statistike Goražda i Tešnja bi mogli o njima bi mogli isto da pričamo. Dobro da ne ulazimo previše u raspravu.

Dakle kad je u pitanju politika zapošljavanja, dakle kolega Alić je to već i prethodno rekao da je to dakle politika viših nivoa vlasti. Tuzla kao grad dakle sigurno da čini napore. Pa zamislite vi i sami ste rekli, gašenje svih tih giganata prijeratnih u procesu privatizacije, opet neću ulaziti kako i zbog čega, a opet imamo stopu zaposlenosti koja je iznad prosijeka. Dakle to govori o naporima ako već pričamo o naporima Grada.

Dalje. Kad su u pitanju potencijalni investitori mišljenja smo dakle da, konkretno i u Klubu vijećnika SDP-a, ja govorim u svoje ime, dakle da viši nivoi vlasti bi morali upravo ovo o čemu govori gospodin Alić i čija inicijativa ide u prilog ovome, smanjenju procenta izdvajanja doprinosa. Dakle pa ćemo onda bi tek vidjeli koliko onda postoji eventualnih potencijalnih investitora kad je grad, kad je Grad Tuzla u pitanju.

Što se tiče upisne politike ona je takva kakva je, a mislim kad je u pitanju odlazak mladih iz ovog grada, mislim ja zaista je nonsens uopšte o tome pričati. Ja mislim da su globalna kretanja takva i da upravo jeste i prijetnja ratom i zveckanje oružjem i sve to je ono što doprinosi ja mislim u najvećoj mjeri strahu potencijalnih investitora, upravo dakle ta nesigurnost u čitavoj Bosni i Hercegovini. Zahvaljujem.

## **ALEKSANDAR VUJADINOVIĆ**

Uredu. Hvala lijepo. Emir Hodžić, SDP. Izvolte.

### **EMIR HODŽIĆ – vijećnik Socijaldemokratske partije**

Hvala. I takođe pozdravljam sve prisutne. Trudit ću se da budem vrlo kratak. Prvo kao i vijećnik i građanin Tuzle moram reći da podržavam sve ovo što je kolaga Alić rekao. Mislim da je ekonomski aspekt svih nas ovdje bi trebao biti prioritet našeg djelovanja, odnosno broj jedan, a sve ostalo je vjerovatno ipak manje važno.

Drugo što sam htio reći, je da postoji još jedna stvar koja po meni doprinosi napuštanju ove zemlje, a to je politička diskriminacija prilikom zapošljavanja. Mi smo svjedoci da u mnogim firmama na desetine, stotine ljudi bilo je primljene u radni odnos a potrebno je da ispune samo jedan uslov a to je da su pripadnici određenih stranaka.

Znači neko ko to nije nema šta tražiti u ovoj zemlji i ti ljudi i napuštaju, između ostalog, a ovdje isti ljudi koji pripadaju tim strankama koji podržavaju tu politiku, bi da kritikuju gradsku vlast.

Ja ne kažem da je ona savršena. Vjerovatno će uz našu pomoć ona raditi sve bolje i bolje, ali da se zna da bi i ovo mogao biti problem i još jedan od razloga napuštanja ove zemlje. Hvala.

## **ALEKSANDAR VUJADINOVIĆ**

Uredu. Hvala lijepo. Sabahudin Imamović, SDA. Izvolite.

### **SABAHUDIN IMAMOVIĆ**

Ovo moje obraćanje je i neka vrsta replike prethodnom mom kolegi vijećniku a i mojim prethodnicima. Dakle nisam imao namjeru da se uključujem u ovu diskusiju, mada je vrlo važna.

Svi znamo da Grad Tuzla nije izvorno nadležan za politiku zapošljavanja i da viši nivoi vlasti prije svega kroz zakone i stvaranje ambijenta treba da daju svoj doprinos privrednom razvoju ove zemlje.

Međutim i Grad Tuzla kao lokalna zajednica ima svoje obaveze i prije svega može stvarati kroz izgradnju objekata iz oblasti komunalne infrastrukture, otvaranje poslovnih zona i stvaranje jednog ambijenta može stvoriti ambijent za privlačenje investitora i dakle i otvaranje novih radnih mjesta.

Mi u Tuzli smo decenijama ovdje je njegovan mentalitet budžetskog korisnika, mi nismo znali i ne znam da li danas znamo zaraditi novac kao što to znaju zaraditi u Tešnju, u Gradačcu, u Gračanici i tako dalje, Goraždu.

Hendikep Grada Tuzla je nedovoljno prostora. Dakle mi nemamo doline rijeka da gradimo poslovne zone. Ja sam predlagao da se napokon utvrdi šta je sa šljačistima. Dakle radi se o desetinama hektara iskoristivog zemljišta, da se jednom napokon utvrdi da li je to zemljište se može koristiti za otvaranje poslovnih zona i za druge namjene jer Tuzla zaista nema dovoljno prostora. A i tamo gdje imamo vidimo da to ide dosta traljavo, uz puno barijera administrativnih i tako dalje.

Što se tiče političkog zapošljavanja ja ovdje deset godina kao vijećnik tvrdim da bezlična na zakonu zasnovana procedura je civilizacijska tekovina i kroz koju treba da svaki čovjek bez obzira na naciju, boju kože i ostalo bude izjednačen i da prije svega njegovi

kvaliteti dođu do izražaja i da posao i svaki drugi angažman dobije najkvalitetniji čovjek. Vjerovali mi ili nevjerovali to je moj ideal.

Međutim, stepen naše političke kulture i maniri koji postoje u ovoj zemlji prisutni su u svakoj stranci, dakle i u Stranci demokratske akcije, i u SDP-u, tako da zaista ovdje niko nikome ne može dijeliti lekcije o stranačkom zapošljavanju.

Dakle mi imamo, mi smo društvo u tranziciji, imali smo jedan sistem gdje je vladala jedna Stranka koja je imala, nastojala da ovlada svim sverama društva. Dakle moralo se znati šta misli kafe kuharica, ložać u školi, do univerzitetskog profesora.

Institut moralno političke podobnosti je bio na prvom mjestu. Nažalost on je i danas oživljen. Umjesto jednog Saveza komunista mi imamo desetak Saveza komunista, gdje imamo institut moralno političke podobnosti, gdje se primjenjuje dakle prije svega stranački kriterij je na prvom mjestu nažalost a ne stručnost.

To ljude obeshrabruje jer svaki čovjek se ne mora baviti politikom, ne mora biti član Političke stranke, može se uzdati u svoje kvalitete, u svoje obrazovanje, u svoj odgoj, međutim mi smo kroz političke stranke stvorili takav jedan užasan ambijent da ako nisi član Stranke nemaš perspektive u ovoj zemlji.

To su stvari protiv kojih se moramo svi zajedno boriti. Možemo mi prebacivati ovdje do jacije ko je kriv, je li Federacija ili Kanton ili Grad. Mislim da mi kako gradski vijećnici moramo raditi uvažavajući sve ove objektivne okolnosti i odgovornosti viših nivoa moramo raditi ono što je do nas.

Dakle stvaranje ambijenta da Tuzla bude jedan otvoren grad, da bude čist grad, da izgrađujemo međusobne odnose poštovanja, vladavine zakona, procedura i tako dalje i da budemo mi uzor drugima.

Kada bismo mi izanalizirali zapošljavanje u javnim preduzećima i u javnim ustanovama kojima upravlja ovaj Grad došli bi do podataka isto tako kao, kao što bismo došli i do podataka vezano za zapošljavanje od strane Stranke demokratske akcije u javnim preduzećima i ustanovama na kantonalnom nivou.

Dakle sve je to ista matrica, isti nivo političke kulture. Hajde da se borimo protiv te takve političke kulture da mi budemo uzor i primjer kako ne treba tako.

Mislim nisam, nisam imao namjeru da se obraćam, ali ponavljam ovaj Grad treba da privlači a ne rastjeruje investitore, treba da zaista bude onakav grad kakvim se želi da predstavi a ne da ponekad zapadamo u nekakve takođe i predrasude i isključivosti. Toliko. Hvala.

## **ALEKSANDAR VUJADINOVIĆ**

Uredu. Hvala. Da li se još neko javlja za riječ? Ukoliko ne, zaključujemo raspravu vijećnika. Pa ću zamolit sekretara da pročita predloge zaključaka. (SLAĐANA KRAJINA – Konstatujte. Konstatujte da je primljena informacija k znanju.) Dobro. Hvala. Sugestija od strane sekretara.

Znači konstatujem, prethodno prije zaključaka, konstatujem da je Gradsko vijeće Tuzla primilo k znanju Informaciju o realizaciji projekata iz oblasti razvoja poduzetništva.

Sada ćemo čuti predloge zaključaka.

## **SLAĐANA KRAJINA**

- Gradsko vijeće Tuzla smatra neophodnim usklađivanje obrazovnog sistema sa potrebama tržišta rada.

- Gradsko vijeće Tuzla traži od nadležnih organa da se razmotri mogućnost povećanja naknade za izdavanje lijeka po receptu, imajući u vidu da je naknada po receptu 0,83 konvertibilne marke u Tuzlanskom kantonu dok u Sarajevskom kantonu ova naknada iznosi 1,93 konvertibilne marke po receptu.

- Gradsko vijeće Tuzla pokreće Inicijativu za izmjenu Zakona o radu, na način da se propiše da minimalna plata zaposlenika iznosi 700 konvertibilnih maraka, kao i Inicijativu za izmjenu zakonskih propisa u cilju smanjenja doprinosa sa 72% na 40%, a sve u cilju povećanja zaposlenosti, kao i eventualnu izmjenu zakonskih propisa koji se odnose na ostvarivanje prava na penziju lica koja obavljaju obrt, te se u tom smislu traži od resornih službi da pripreme tekst navedenih inicijativa.

- Kolegij Gradskog vijeća Tuzla, traži od Službe za ekonomski razvoj i društvene djelatnosti da, u saradnji sa drugim gradskim službama, najkasnije do majske sjednice Kolegija Gradskog vijeća, dostavi informaciju o realizaciji ranijih zaključaka Gradskog vijeća Tuzla koji su se odnosili na poslovnu zonu Kreka Sjever.

- Gradsko vijeće Tuzla upozorava Vladu Federacije Bosne i Hercegovine, Parlament Federacije Bosne i Hercegovine, kao i Ministarstvo za rad i socijalnu politiku, kao resorno ministarstvo, da bi predložena odredba Zakona o posredovanju u zapošljavanju i socijalnoj sigurnosti, prema kojoj bi bilo, prema kojoj bi lica koja se nalaze na evidenciji nezaposlenih lica, morala pribavljati potvrde izdate od strane poslodavaca da su tražili posao, u protivnom bi bila brisana iz evidencije nezaposlenih lica, bila neprimjerena aktuelnom stanju u zemlji, te da bi dodatno opteretila, ne samo nezaposlena lica koja traže posao, nego bi dodatno to opteretilo i poslodavce koji bi bili primorani svakodnevno izdavati ovakve potvrde.

## **ALEKSANDAR VUJADINOVIĆ**

Dobro. (MIRNES AJANOVIĆ – Imam primjedbu.) Pardon. Primjedba je li. Mensur Ajanović, BOSS. Izvolte. Šta sam rekao? O pardon. Mirnes Ajanović. O pardon. Sory. Sory. Izvinjavam se.

## **MIRNES AJANOVIĆ**

Kako god dobio sam priliku. Da. Imamo ovdje jednu rečenicu koja može biti vrlo opasna za poslodavce. I za same radnike.

Populistički je uvijek bilo, dajte vi minimalnu platu 10.000 maraka, 1.000 maraka, nema veze koliko god, i uvijek je populistički onima koji traže i rade ta minimalna plata kada im se kaže dajte nam toliko. Lijepo da čuju da hoće neko da im da ogromnu platu.

Međutim, u brojnim privrednim subjektima, evo to Mensur Alić vrlo dobro zna od kolega koje, sa kojima saraduje, povećanje te minimalne plate može dovesti do toga da će poslodavci raditi u sivom dijelu ekonomije. Neće više prijavljivati ljude. To je vrlo opasno.

To svaki političar koji je imalo obrazovan u smislu stanja u državi kada iznosi mora znati.

Lijepo je, opet kažem, populistički savršeno reći, hajmo mi svima plate dijeliti 10.000 maraka, hiljadu maraka. Nema veze šta je realno nešto. Ali za poslodavce kojima automatski povećavaju se i doprinosi i sve nešto slično, bez obzira kad bi mi rekli hajmo mi veliku pa smanjiti doprinose. Prije će oni dati tu okolnost nego da smanje doprinose. Država se nikada neće odreći poreza.

Vrlo je opasno da mi kao Vijeće izlazimo s tim. Mi trebamo da kažemo da se stvore uslovi za, adekvatni uslovi za povećanje minimalne plate. Dakle da poslodavac ima

mogućnost da može egzistirati sa plaćanjem obaveza na tu visoku uslovno rečeno ili nisku minimalnu platu. To je rasprava koja se treba voziti vrlo, voditi vrlo oprezno.

Ja predlažem. Ako ide ovakav zaključak ili da ga se izdvojimo, glasamo posebno, ili da stavimo da se stvore adekvatni uslovi za povećanje minimalne plate. Pa da onda još ispalimo iznos. Vrlo opasna okolnost za Gradsko vijeće da se upliće u to.

To su rasprave koje su na višim nivoima, evo i na nižem, raspravlja na ovaj način u odnosu na poslodavce koji su sami isticali vrlo veliku opasnost kada vi nekog obavežete da mora dati toliko ili ne.

Automatski tada poslodavac daje otkaze radnicima i ljudi rade na crno. Ne više i u okviru sive ekonomije, crne ekonomije.

I da se ne bi desilo da sutra mi budemo optuženi da kao Vijeće ulazimo u ovakvu situaciju moramo dakle reći kakvi su to uslovi. Znači stvaranje uslova za to. A što onda podrazumijeva sve ostalo. Izmjenu propisa, davanje, omogućavanje poslodavcima da mogu imati adekvatne zarade da bi mogli platiti ljudima doprinose i tu veću platu. A ne samo ispućati, evo Vijeće traži to. (ALEKSANDAR VUJADINOVIĆ – Uredu.)

Te ja vas kolege, kolegice i kolege evo pozivam da se izjasnimo o ovome. Ako je zaključak ovakav ostaje bez ove dopune, ja vas molim onda da idemo na izdvajanje zaključka i pojedinačno izjašnjavanje po ovom zaključku, odnosno kako već hoćemo, kako ne bi došli u poziciju sutra revolta poslodavaca prema Gradskom vijeću zbog nametanja obaveza i dovođenja zaposlenih kod tih poslodavaca u poziciju da ostanu bez radnih mjesta.

Dakle nemoguće je to uraditi bez tog nekakvog bar uslovno rečeno minimalnog obrazloženja da se moraju stvoriti uslovi i poslodavcima da mogu egzistirati i pozitivno poslovati uz povećanje minimalne plate.

A ne samo reći eh mi to hoćemo tako pa nek firma bude zatvorena a nas ne interesuje što neće moći da plaćaju.

## **ALEKSANDAR VUJADINOVIĆ**

Dobro. Hvala. Mensur Alić. Izvolte.

## **MENSUR ALIĆ**

Pa evo ja sam. Ja sam mislio se da bar probudimo te poslodavce, te poslanike u Federalnom parlamentu i da probudimo Vladu na ovaj način. Da počne razmišljati o ovome. Oni ovo neće donijeti svakako. Ovo je izborna godina. Ali da damo da je jednostavno do znanja.

Ali evo ja se mogu složiti jer ovdje sam ja predložio što naravno ide u paketu. Ne donosi se Zakon o radu prvo povećanje startne osnove, minimalnog ličnog dohotka pa onda doprinosi. Nego kontra. Doprinosi smanjenje, pa onda plate. Jer to je uslov onda poslodavcima da sasvim normalno mogu. Ništa poslodavci tu ne gubi, ne gube, dobivaju samo radnici, dobiva država.

Ali ako Vijeće ne prihvata ovako nešto, ja sam spreman da odustanem od ovog zaključka i na sledeće Vijeće mi ćemo kao Tuzlanska alternativa ići sa inicijativom svojom i preuzet ćemo odgovornost na sebe za ovakav prijedlog izmjena zakona ako ovo Vijeće neće da ovo usvoji. Sasvim jasno. Ja sam uvijek tolerantan. Kod mene može sve.

Mi ćemo ići na idućoj sjednici sa našom inicijativom kao Tuzlanska alternativa. Hoće li ona dobiti podršku ovog Vijeća, neće, o tom potom vidit ćemo. Naravno ruke su tu pa bože moj. Eto toliko. Hvala lijepo. Evo ja mogu odustati od toga.

### **ALEKSANDAR VUJADINOVIĆ**

Uredu. Hvala lijepo. Uredu. Hvala lijepo. (MIRNES AJANOVIĆ – Ispravka krivog navoda samo.) Ispravka krivog navoda Mirnes Ajanović.

### **MIRNES AJANOVIĆ**

Ja sam. Nisam rekao da se odustane od ovoga, nego da se adekvatno samo obrazloži u ovom dijelu, obezbjeđenje uslova za povećanje plate. Dakle samo da to stavimo. Nit sam znao, nit je bitno ko je uopšte raspravljao o tome. Nego je samo da ne budemo u situaciji da nas sutra optuže da mi nešto populistički radimo. (ALEKSANDAR VUJADINOVIĆ – Ja. Dobro. Evo.)

Znači obezbjeđenje uslova za povećanje minimalne plate. Samo da dodamo taj dio u okviru ovoga. (ALEKSANDAR VUJADINOVIĆ – Dobro. Uredu. Hvala. Evo onda ćemo.) Inicijativa je dobra ali uslovi podrazumijevaju i naš rad Gradskog vijeća da obezbijedimo im poslovne zone, a onda kažemo i federalni i državni organi (ALEKSANDAR VUJADINOVIĆ – Dobro. Zamolit ćemo onda.) da obezbijede dobre uslove privrednicima da imaju mogućnost da plate to. (ALEKSANDAR VUJADINOVIĆ – Sigurno.)

Niko neće bježati od plate da da radniku i hiljadu i 2.000 maraka ako njemu ostane dobra dobit i ako uspije zaraditi to. Samo o tome govorim.

### **ALEKSANDAR VUJADINOVIĆ**

Uredu. Uredu. Slađana molim vas, još jednom ako vam nije teško da nam pročitate ovaj zaključak, (SLAĐANA KRAJINA – Je li ostajete. Evo amo nek Mensur definiše.) koji je samo dopunjen sa ovom sugestijom znači kolege vijećnika Ajanovića. (MIRNES AJANOVIĆ – Je li se slaže kolega?)

### **MENSUR ALIĆ**

Pa evo ja se slažem sa Mirnesovom dopunom zaključka. Sasvim normalno. To je za mene. Nije uopšte bitno čiji je to zaključak, čija je to inicijativa, važno je da to pokrenemo da to ide prema Parlamentu. Ništa drugo. I prema Vladi naravno.

### **ALEKSANDAR VUJADINOVIĆ - OK.**

### **SLAĐANA KRAJINA**

Evo možda ovako. Gradsko vijeće Tuzla smatra neophodnim obezbjeđenje svih potrebnih uslova za povećanje minimalne plate, nakon čega bi se pokrenula inicijativa za izmjenu.

Je li može tako ili potpuno odustajete od ovog drugog dijela gdje se navodi?



**ALEKSANDAR VUJADINOVIĆ**

Ne. Ne. Ne. Izvinjavam se. (MIRNES AJANOVIĆ – Mogu li ja?) Evo Mirnes Ajanović. Izvolte.

**MIRNES AJANOVIĆ**

Ništa odustajanje. Samo za adekvatno obezbjeđenje uslova poslodavcima za povećanje minimalne plate. Dakle da poslodavac može zaraditi i da je može platiti. A sve ostaje isto. Ništa se ne mijenja. Tekst. (MENSUR ALIĆ – Smanjenje samo doprinosa. Je li tako?) A posebno smanjenje doprinosa. (MENSUR ALIĆ – E to.)

Jer ovo je Mensur dobro locirao problem gdje se nalaze poslodavci i zašto rade u zoni ekonomskog sivila ili crne zone.

Dakle samo ovaj dio. Obezbjediti poslodavcima uslove. Dakle imamo. Koliko mi imamo parafiskalnih nameta? Stotine i svih raznoraznih poreza i svega i svačega što opterećuje poslodavca, gdje nije u mogućnosti zaposliti radnika da mu plaća doprinose, nego jednostavno ili ga neće zaposliti, ili će ga zaposliti da radi na crno.

Samo u tom dijelu dakle.

**ALEKSANDAR VUJADINOVIĆ**

Dobro. Hajdemo još jednom da pročitamo i da vidimo.

**SLAĐANA KRAJINA**

Gradsko vijeće Tuzla smatra neophodnim obezbjediti sve potrebne uslove poslodavcima za povećanje minimalne plate. (ELVIR BIJEDIĆ – I doprinosa.) (ALEKSANDAR VUJADINOVIĆ – Smanjenjem doprinosa.) (MENSUR ALIĆ – Smanjenjem doprinosa stvorit će se preduslovi za povećanje minimalnog ličnog dohotka.)

**ALEKSANDAR VUJADINOVIĆ**

Samo znači, smanjenjem doprinosa na kraju.

**SLAĐANA KRAJINA**

Dobro. Prvenstveno smanjenjem doprinosa. Može li tako? (MENSUR ALIĆ – Može.)

**ALEKSANDAR VUJADINOVIĆ**

Može. Dobro. Uredu. Ne morate sve zaključke. Samo ovaj zaključak još jednom da ga pročitate. Eto sa ovom korekcijom. (MENSUR ALIĆ – Dobro nećemo čitati. Znamo šta je. Idemo na glasanje. Može.) Dobro. Čuli ste ovaj je li sugestije koje su znači uslijedile.

Sada stavljam na izjašnjavanje zaključke koje je pročitala sekretar Gradskog vijeća i pozivam vijećnike da aktiviraju uređaje za elektronsko glasanje i da se pritiskom na odgovarajući taster izjasne za prijedlog, ili protiv prijedloga, ili kao suzdržani u odnosu na prijedlog. Glasanje je okončano.

28 vijećnika je glasalo za, niko nije bio protiv ni suzdržan, te konstatujem da su jednoglasno usvojeni sljedeći zaključci:

1. Gradsko vijeće Tuzla smatra neophodnim usklađivanje obrazovnog sistema sa potrebama tržišta rada.

2. Gradsko vijeće Tuzla traži od nadležnih organa da se razmotri mogućnost povećanja naknade za izdavanje lijeka po receptu, imajući u vidu da je naknada po receptu 0,83 KM u Tuzlanskom kantonu dok u Sarajevskom kantonu ova naknada iznosi 1,93 KM po receptu.

3. Gradsko vijeće Tuzla smatra neophodnim obezbjeđenje svih potrebnih uslova poslodavcima za povećanje minimalne plate, prvenstveno smanjenjem doprinosa.

4. Gradsko vijeće Tuzla traži od Službe za ekonomski razvoj i društvene djelatnosti da, u saradnji sa drugim gradskim službama, najkasnije do majske sjednice Kolegija Gradskog vijeća, dostavi informaciju o realizaciji ranijih zaključaka Gradskog vijeća Tuzla koji su se odnosili na poslovnu zonu Kreka Sjever.

5. Gradsko vijeće Tuzla upozorava Vladu FBiH, Parlament Federacije BiH kao i Federalno ministarstvo rada i socijalne politike, kao resorno ministarstvo, da bi predložena odredba Zakona o posredovanju u zapošljavanju i socijalnoj sigurnosti nezaposlenih osoba, prema kojoj bi lica koja se nalaze na evidenciji nezaposlenih lica, morala pribavljati potvrde izdate od strane poslodavaca da su tražili posao, u protivnom bi bila brisana iz evidencije nezaposlenih lica, bila neprimjerena aktuelnom stanju u zemlji, te da bi dodatno opteretila, ne samo nezaposlena lica koja traže posao, nego bi dodatno opteretila i poslodavce koji bi bilo primorani svakodnevno izdavati ovakve potvrde.

Trideset minuta pauze. (MENSUR ALIĆ – Biće puno trideset.) U pola tri, u pola tri smo tu. (ALEN KAPIDŽIĆ – Što trideset?) (MENSUR ALIĆ – Puno je trideset. Petnaest minuta je dovoljno, da završimo prije Vijeće. Petnaest minuta je dovoljno.) Petnaest minuta. Ali to znači u dva i petnaest ovdje. Dobro. (Pauza.)

Nastavljamo sa sjednicom.

Prelazimo na šestu tačku dnevnog reda:

## **INFORMACIJA O ORGANIZOVANOSTI I OPREMANJU SLUŽBI ZAŠTITE I SPAŠAVANJA NA PODRUČJU GRADA TUZLA**

Predlagač je Gradonačelnik Grada Tuzla. Obrađivač je Služba civilne zaštite.

Materijal su razmatrali: Komisija za ekonomske odnose, Komisija za prostorno uređenje i zaštitu okoline i klubovi vijećnika.

Ima li potrebe da predlagač ili obrađivač materijala daju uvodno izlaganje? Ukoliko nema. Da li ima potrebe da se pročitaju izvještaji komisija? Nema.

Otvaram raspravu klubova vijećnika. Da li se neko javlja ispred klubova vijećnika? Nedžad Malikić, Tuzlanska alternativa. Izvolite.

### **NEDŽAD MALIKIĆ**

Hvala predsjedavajući. Evo imamo znači informacije i to kada je u pitanju organizovanost i opremanje Službe zaštite za spašavanje. Jako bitna informacija.

Naravno kad je napolju lijepo vrijeme i kad nema problema naravno tad se o njoj i ne razmišlja i ne misli, međutim moramo se prisjetiti maja iz 2014. kad su bile poplave i sve ono i kada smo uspjeli na neki način kolko toliko odgovoriti zadatku.

Ono na čemu treba najviše raditi a to je na našim javnim preduzećima, javnim ustanovama da hin maksimalno podržimo, da kao Gradsko vijeće damo punu podršku, više materijalno-tehničkih sredstava, kako bi bile opremljenje u svakom momentu da mogu odgovoriti zadatku.

Ono što bi ja želio samo evo jednu sugestiju ili jedan zaključak, a to je da tražimo od Gradonačelnika i Službe civilne zaštite, da sagledaju mogućnost proširenja na još neka javna preduzeća i javne ustanove, ono kad se desi ne daj bože nesreća i kad se dešavaju tad je svaka ruka a kamoli mašina bitna i mislim da se sagleda mogućnost da se iz znači Službe medicinske pomoći Doma zdravlja, Komunalca, Veterinarske stanice, Vodovoda, da se sagleda mogućnost proširenja kako bi i ta preduzeća i te javne ustanove mogle adekvatno da pruže pomoć našim građanima. Toliko i hvala.

## **ALEKSANDAR VUJADINOVIĆ**

Uredu. Hvala lijepo. Sabahudin Imamović, SDA. Izvolite.

## **SABAHUDIN IMAMOVIĆ**

Što se tiče ove informacije o organizovanosti i opremanju Službi zaštite i spašavanja, ja bih krenuo od zaključaka. Smatram da oni u potpunosti sadržavaju potrebe u ovoj oblasti i da imamo jedan zaokružen sistem zaštite i spašavanja ali još nedovršen.

Dakle potrebno je nastaviti u organizacionom smislu usavršavati ovaj sistem u ovoj oblasti, prethodnik u tome naravno treba da bude Služba civilne zaštite i naravno treba insistirati na materijalno-tehničkom obezbjeđenju adekvatnih materijalno-tehničkih sredstava.

Kada kažemo civilna zaštita odmah pomislimo na događaje iz 2014. godine kada je ovaj grada kao i ostali dijelovi Bosne i Hercegovine zahvatila katastrofa u vidu klizišta i poplava. Mnogi smo se osjećali bespomoćnim što u tom momentu nismo imali ni obična sredstva da se odupremo i pomognemo našim komšijama da spase svoj imetak.

Kada govorimo o civilnoj zaštiti onda mislim na jedinice civilne zaštite. Postavljam sebi pitanje koliko novca, koliko lopata raspoložemo, sa koliko kabanica raspoložemo, gumenih čizama, vreća za pijesak, gumenih čamaca i tako dalje.

Dakle za mene je to civilna zaštita. Dakle jedinice koje su osposobljene, jedinice koje imamo u svakoj mjesnoj zajednici i koje mogu reagovati u svakom momentu. Dakle i uraditi ono što je u njihovoj moći.

Postoje katastrofe gdje i najbolje organizovane zajednice ne mogu da reaguju adekvatno kao što su veliki zemljotresi i tako dalje.

Međutim, mi kao lokalna zajednica moramo učiniti maksimum ono što je do nas. Ponavljam. Služba civilne zaštite koja se mora u narednom periodu adekvatno kadrovski ojačati jer prema navodima iz ove druge informacije o klizištima vidimo da je, da im fali stručno osposobljenih lica jer su neki otišli u penziju.

Očekujem da Služba bude i predlodnik i da predlaže ovom Vijeću šta je to potrebno da bi ovaj sistem odgovarao potrebama Grada Tuzle. Grad Tuzla je jedno ugroženo područje i mi moramo učiniti ono što je do nas.

Dakle moramo. Mislim da nam i Zakon o spašavanju, Zakon o zaštiti i spašavanju da je, da nam daje mogućnost da mi na lokalnom nivou ovaj sistem zaokružimo. Kolko znam po tom Zakonu su predviđeni povjerenici u mjesnim zajednicama koji nikada nisu imenovani.

Ali zato imamo savjete mjesnih zajednica koji evo recimo mogu imati ulogu štabova civilne zaštite.

Veoma je važna i ta mreža volontera. Mi nemamo nažalost te svijesti. U ovoj zemlji niko ništa više džaba neće da radi. Svi žele paušale. Moramo kroz obrazovanje, kroz, putem medija i na druge načine osposobljavati svakog pojedinca. Evo smo vozači, ja ne znam koliko je nas ovdje u stanju da pruži prvu pomoć a da ne padne u nesvjest kad vidi krv ili da zna te osnovne vještine.

Zaista smo. To je valjda naš mentalitet da uvijek nadamo se da će neko nešto drugi učiniti, da će nas dobre vile spasiti i tako dalje. Mislim da je to jedan neodgovoran i neozbiljan pristup, moramo izgraditi dobar sistem zaštite i spašavanja.

Ponavljam. Imamo Službu, kadrovski je ojačati a njeno je da predlaže ovom Vijeću šta je potrebno u narednom periodu da zaista imamo jednu, dobro opremljene ove službe i da možemo adekvatno djelovati, reagovati na sve ove katastrofe.

Što se tiče Službe za spašavanje iz ruševina, pročitao sam saopštenje Kantonalne uprave civilne zaštite koja je firmi Cestotehnik dodijelila ulogu Službe za spašavanje iz ruševina, a na kraju saopštenja kažu da će tu Službu tek materijalno-tehnički opremiti i da će ih educirati.

Što znači da je samo zadovoljena forma, da mi u stvari nemamo na kantonu takve Službe i da vidjeli smo kada se desi veliki potres iz drugih zemalja dolaze te službe jer to je zasita potrebno posebno znanje i posebna sredstva.

Dakle tražim od Službe inicijativu, prijedloge a mi vijećnici ćemo to sigurno podržati jer smo svi zainteresovani, radi se o životnim stvarima, dakle o stvarima zaštite imovine i ljudskih života. Hvala.

### **ALEKSANDAR VUJADINOVIĆ**

Uredu. Hvala. Da li se neko javlja? Elvir Kasumović, SBB BiH. Izvolte.

### **ELVIR KASUMOVIĆ**

Zahvaljujem se predsjedavajući. Pa Klub vijećnika Saveza za bolju budućnost će prihvatiti ovu informaciju, ona je onako sažeta i mislim da je u njoj tačno precizirano koje su to službe koje su, koje je evo Gradonačelnik formirao kao šest gradskih službi zaštite. Mislim da je to baš dobar potez po ovom pitanju, da su baš precizirane kategorije kako stanovništva, odnosno građana, tako je li i životinja i tako dalje. Da je u ovim obuhvaćeno sve ono što bi trebalo da bude.

Međutim, jedino ja bi u formi zaključka, ili ne znam kao pitanje nadležnoj Službi želio da postavim, da li zaista Grad Tuzla ima potreba za formiranje jedne Gorske službe spašavanja? Jedne jedinice koju evo vidimo da svi gradovi, odnosno veće općine da, da, da imaju.

Mislim da je u tim najhitnijim vremenski periodima kad je najbitnije ljudima pružiti pomoć od izrazitog značaja postojanja jedne ovakve službe, pogotovo ako se radi o osobama koje su recimo nastradale u minskim poljima, ne znam zalutale u šumama i tako dalje.

Znači evo ja ne znam da li ali, ne znam da li ima potrebe ali volio bi Služba da analizira i da, da, da utvrdi da li Grad Tuzla ima potrebu za formiranje jedne da kažem Gorske službe spašavanja.

### **ALEKSANDAR VUJADINOVIĆ**

Uredu. Hvala. Da li se još neko javlja za riječ? Ukoliko ne, zatvaramo raspravu klubova vijećnika. Otvaramo raspravu vijećnika. S obzirom da nema prijavljenih za diskusiju, onda zatvaramo raspravu vijećnika.

I konstatujem da je Gradsko vijeće Tuzla primilo k znanju Informaciju o organizovanosti i opremanju Službi zaštite i spašavanja na području grada Tuzla.

Pozivam sekretara Gradskog vijeća da pročita zaključke proistekle iz rasprave.

## **SLADANA KRAJINA**

- Gradsko vijeće Tuzla traži od Gradonačelnika i Službe civilne zaštite da sagledaju mogućnost proširenja zaštite i spašavanja na još neka javna preduzeća, u cilju poboljšanja sigurnosti građana od djelovanja prirodnih i drugih opasnosti na području grada Tuzla.

- Gradsko vijeće Tuzla podržava zaključke date u Informaciji Službe civilne zaštite te posebno insistira na obezbjeđenju svih potrebnih materijalno-tehničkih sredstava kao i na kadrovskom ojačanju Službe civilne zaštite, kako bi bila osposobljena adekvatno djelovati u slučaju opasnosti.

- Traži se od Službe civilne zaštite da pokrene odgovarajuću inicijativu i dostavi odgovarajuće prijedloge, u skladu sa raspravom u vezi sa ovom tačkom dnevnog reda.

- Gradsko vijeće Tuzla traži od Službe civilne zaštite da razmotri potrebu formiranja Gorske službe spašavanja.

(NEDŽAD MALIKIĆ - Nisam čuo proširenje.) To je proširenje. Gradsko vijeće Tuzla traži od Gradonačelnika i Službe civilne zaštite da sagledaju mogućnost proširenja zaštite i spašavanja na još neka javna preduzeća, u cilju poboljšanja sigurnosti građana od djelovanja prirodnih i drugih opasnosti. To je to.

## **ALEKSANDAR VUJADINOVIĆ**

U redu. Sada stavljam na izjašnjavanje zaključke koje je pročitala sekretar Gradskog vijeća i

pozivam vijećnike da aktiviraju uređaje za elektronsko glasanje i da se pritiskom na odgovarajući taster izjasne za prijedlog, ili protiv prijedloga, ili kao suzdržani u odnosu na prijedlog. Glasanje je okončano.

29 vijećnika je glasalo za, niko nije bio protiv ni suzdržan, te konstatujem da su jednoglasno usvojeni sljedeći zaključci:

1. Gradsko vijeće Tuzla traži od Gradonačelnika i Službe civilne zaštite da sagledaju mogućnost proširenja struktura zaštite i spašavanja na još neka javna preduzeća, u cilju poboljšanja sigurnosti građana od djelovanja prirodnih i drugih opasnosti na području grada Tuzla.

2. Gradsko vijeće Tuzla podržava zaključke date u Informaciji Službe civilne zaštite te insistira na obezbjeđenju potrebnih materijalno-tehničkih sredstava kao i na kadrovskom ojačanju Službe civilne zaštite, kako bi bila osposobljena adekvatno djelovati u slučaju opasnosti.

3. Gradsko vijeće Tuzla traži od Službe civilne zaštite da dostavi inicijativu i prijedloge, u skladu sa raspravom u vezi sa ovom tačkom dnevnog reda.

4. Gradsko vijeće Tuzla traži od Službe civilne zaštite da razmotri da li postoji potreba formiranja Gorske službe spašavanja.

Prelazimo na sedmu tačku dnevnog reda:

## **INFORMACIJA O STANJU KLIZIŠTA NA PODRUČJU GRADA TUZLA**

Predlagač je Gradonačelnik Grada Tuzla. Obrađivač Služba civilne zaštite.

Materijal su razmatrali: Komisija za ekonomske odnose, Komisija za prostorno uređenje i zaštitu okoline, Komisija za komunalne poslove i pitanja mjesnih zajednica i klubovi vijećnika.

Pitam prisutne, ima li potrebe da predlagač ili obrađivač materijala daju uvodno izlaganje? Nema. Ima li potrebe da čitamo izvještaje komisija? Ne.

Otvaram raspravu klubova vijećnika. Elvir Bijedić, SDP. Izvolite.

## **ELVIR BIJEDIĆ**

Zahvaljujem predsjedavajući. Pa evo Klub vijećnika SDP-a je vrlo temeljito razmatrao ovu informaciju s obzirom da smo svjedoci, još uvijek su svježja paničenja na ovu 2014. kao što malo prije reče kolega Malikić.

Dakle obzirom da je i teritorija Grada Tuzle vrlo specifična i podložna da tako kažem klizanju terena i da je praktički skoro četvrtina grada pokrivena ili klizištima ili potencijalnim klizištima.

Dakle smatramo da je ovo jedan vrlo bitan, jedna vrlo bitna informacija i mislim vrlo sažeta. Sve što treba da se kaže stoji tu.

Dakle kratko ćemo. Samo bi se kratko osvrnuo na par stvari i da predložimo par zaključaka.

Dakle ovaj već sam rekao da je, znači potencijal kaže za razvoj kliznog procesa iznosi 35,5%, što je veoma zabrinjavajući podatak, uz napomenu da se intenzivnija aktiviranja klizišta dešavaju u periodu 24 sata kada padne oko 50 litara kiše.

Imali smo i neki dan situaciju gore na Husinu, gdje su službe ekspresno odradile svoj dio posla. O štetama dakle najbitnije je dakle da, apsolutno najbitnije je da nemamo gubitaka života i šteta je procjenjuje se na više stotina miliona.

Ono što bih htio da naglasim posebno dakle da vidimo šta je to što Služba civilne zaštite može da uradi kao predvodnik u čitavoj ovoj priči. Smatramo da su dosad jako puno toga uradili.

I neki dan sam gledao ovaj naš servis RTV7. Vidio sam njihovu jednu jako dobru podršku u smislu dakle restrikcija vode u smislu dakle zaštite vode kao nepotrebno korištenje tog resursa.

Palo mi je napamet ideja dakle da se, može to otići kao zaključak, da se maksimalno iskoristi Radio-televizija 7 kao medijski resurs da tako kažem, da upozorimo građanstvo koje vjerujem da je svjesno i savjesno poslije svih ovih dešavanja, ali nikad nije na odmet dakle da se stalno ponavlja i da se apeluje na, da se spriječe dakle bespravna gradnja, nepotrebna sječa stabala, preusmjeravanje nekih vodotoka, potocića i tako dalje, kao i odlaganje smeća, zapušavanje šahtova, drenaža.

Mislim da bi jako trebalo povesti računa i o odlaganju smeća, otpada, kabastih ovih da tako kažem stvari. Sve su to stvari koje nepogodno i nepovoljno utiču na okolinu i izazivaju dakle neka pomjeranja.

Ono što je posebno imamo informaciju dakle i odlaganje nekih, neke kubika i kubika zemlje sa raznoraznih iskopa. Ja kolko znam mi imamo jednu jako dobru lokaciju, to je Drežnik. I potrebno je tamo itekako navući zemlji i tako da potencijalna opasnost na potencijalnim klizištima odlaganjem iskopa ovaj zemlje predstavlja stvarno veliki rizik.

Pa evo možda da ode još jedan zaključak. Dakle da se nadležne inspeksijske službe maksimalno, ne sumnjam da su uključene, ali evo dodatni napor nikad ne škodi, da se sva ta potencijalna klizišta drže pod nadzorom i da se svi eventualni počinioci ovakvih nepravilnosti da tako kažem sankcionišu.

Dakle ovaj u prvom redu apelovati na svijest i svi smo mi praktički civilna zaštita. Naravno da službe su ti predvodnici i maksimalno ali maksimalno se moramo svi uključiti.

I evo ovaj dakle stojim na raspolaganju za bilo šta. Što kaže još i da vidimo i ostale ili možda nekih ideje, ali evo za početak, za početak ovoliko. Hvala.

## ALEKSANDAR VUJADINOVIĆ

Uredu. Hvala. Mirnes Ajanović, BOSS. Izvolte.

## MIRNES AJANOVIĆ

Hvala predsjedavajući. Prvi put dobijamo informaciju na Vijeće sa evo tim statističkim podacima od 96. u vezi klizišta. Ja dosad nisam imao priliku da vidim na ovaj način prezentaciju. Dakle u nekih desetak redova mi dobijemo stanje kada je sve to krenulo, odnosno od kada se to prati.

I evo govori se ta 97. godina, pojava klizišta zbog naglog topljenja snijega, zbog intenzivnih padavina i 99. naglo topljenje snijega.

BOSS je 99. godine, otprilike oko 2000., tražio registraciju katastra klizišta. Tad je bilo tek nekoliko desetina klizišta u gradu Tuzla. I tražili smo tada poduzimanje svih potrebnih mjera kako bi se zbog stanja grada koji se nalazi, hajde da je ne pogriješim nisam geolog, glinama i tim takvim vrstama tla koje je podložno klizištu, tad je to bilo pezentirano stručno, bavili smo se tom temom, potkrepili smo svim tim potrebnim argumentima, sve što je trebalo da se kaže u vezi te teme, pokušali ukazati kao opozicija na problem koji nas može očekivati.

I nismo shvaćeni ozbiljno. To nije prihvaćeno, nije išlo u realizaciju. Nisu se odvojila tada minimalna sredstva koja su zaista bila gotovo beznačajna u Budžetu kako bi spriječili razvoj evo ove katastrofe koja je sada, slobodno se može tako nazvati jer imamo sad evo 2014. aktivirano 2174 klizišta.

Dakle vlast Grada Tuzla, tada Opština Tuzla, Načelnik, nisu shvatili ozbiljno upozorenja koja smo istakli i sada se bavimo posljedicama koje evo na kraju piše mogu se sanirati uz 300.000.000 maraka.

Ljudima je ugrožena imovina, ugroženi su životi, stalno gledamo reklamu na RTV 7 Civilne zaštite Grada Tuzla nemojte bespravno graditi i kako se one kuće pomijeraju. Ljudi to ne rade iz razloga što hoće, nego što eto ne mogu obezbijediti uslove za krov nad glavom na drugi način. Ali hajde bar imamo sada ovu situaciju kakva jeste.

Ono što možemo promijeniti u odnosu na stanje kakvo je navedeno u informaciji, jest da jednu realizaciju Vijeća koju smo svakako usvojili kao zaključak ponovo reaktueliziramo.

A to je privatna sanacija određenih područja. A naravno sve to može ići i u svrhu legalizacije objekata. Ima dosta građana koji bi uložili određena sredstva da im se od strane Grada Tuzla, dakle ne nekako privatno ili slično, od stručnih lica Grada Tuzla naloži šta trebaju da urade u smislu privatne sanacije svog tog objekta ili, ili zemljišta na kojem se nalazi objekat, kako bi se utvrdio taj dio zemljišta u smislu onemogućavanja klizanja ili klizišta.

Mi bi na takav način obezbijedili uslovno rečeno određene takozvane klinove na kriznim područjima gdje su klizišta, gdje bi se bar neko nečekajući da mi uložimo 10.000.000 maraka, odlučio da uloži određena sredstva kako bi svoju imovinu mogao sutra legalizovati i imati nekakvu određenu vrijednost za nju. Za sada upitno je koliko ko može imati vrijednost za imovinu koja nije legalna. Nije legalizovana. I pitanje je da li će se ikada legalizovati.

Dakle da pokušamo i sada zaključkom ići ka tome, da službe nadležne pokušaju naći rješenja tamo gdje je moguće izvršiti individualnu sanaciju klizišta na način da se uz nalog od Grada Tuzla kako i šta, uz stručni nadzor Grada Tuzla, pa ako je potrebno odredi i firma koja će raditi, dakle da ne bude privatno neko angažovao pa da se desi dunderski nekakav posao ili slično, da se naloži i firma koja će to izvoditi te radove, ide na tu sanaciju pojedinih dijelova

eto zemljišta koji su u privatnom vlasništvu, gdje sam tada istakao, postoje građani koje žele da ulože sredstva i sebi zaštite objekat od klizanja time što će na stručan način koliko god to potrebno i kaže se čime i kako, obezbijediti saniranje i sprečavanje klizišta.

Time ćemo omogućiti da onaj ko želi da zaštiti svoju imovinu a ne da gledamo sutra kada se desi klizište da ide i njegova imovina i imovina drugih zato što smo zanemarili mogućnost rješenja klizišta i na ovaj način. Možda je negdje potrebno je vrlo malo sredstava, sasvim je nebitno koliko, bitno je da se kaže šta je potrebno uraditi ali moguće je da su mala sredstva potrebna, kako bi građani se odlučili na saniranje klizišta na svoj račun.

Recimo takvih ima lokacija u Kuli ili bilo gdje da pogledamo gdje je moguće to napraviti, uz stručni nadzor, stručno izvođenje, ali bitno da postoji mogućnost odobrenja da ljudima i građanima Tuzle omogućimo i ovaj način saniranja klizišta i da se zaključkom definitivno povećaju sredstva za saniranje klizišta, da nas se obavještava šta se namjerava uraditi i na koji način ove mikrolokacije saniranja klizišta.

Dakle ne možemo to gledati samo na način mi imao informaciju, nama treba 300.000.000. Čekajući 300.000.000 klizišta će biti 5.000. Imat ćemo onu kartu sa crvenim bojama potpuno crvenu.

Hajde nećemo sad govoriti o političkom smislu, ali svakako je ružno već sada gledati onoliko crvenilo na području grada Tuzle. Jeste. Onih kriznih zona klizišta. Jeste. Tako da treba razrijediti malo, pozeleniti ih i svašta nekako, ofarbati ih i drugim bojama da građani budu sigurniji u perspektivi i imat bolju budućnost. Ja, hajde svakakvih parola ćemo sad reći. Jeste. Jest. Jest.

Dakla da pokušamo i na ovaj način biti korisni. Mikrolokacijama na račun Grada mikrosanacijama zaklinjavanjem određenih sanacija gdje god je to moguće recimo izbjeci mogućnost kretanja cijelih padina ili većih površina koja će ugroziti sigurno egzistenciju građana, moguće i živote kao što znamo da se desilo u Crvenim njivama ili slično.

A bili su na vrijeme upozoravani za posljedice i nije se ništa poduzelo. Da se ne desi i sada da čekajući tih 300.000.000 ništa ne uradimo. Eto hvala.

## **ALEKSANDAR VUJADINOVIĆ**

Uredu. Hvala. Sljedeća se za riječ javila Jasminka Mijatović, HDZ BiH. Izvolte.

## **JASMINKA MIJATOVIĆ**

Hvala predsjedavajući. Pa evo neću ponavljat izloženo od strane kolega, ali zaista informacija u biti na ovako malom broju oslikava bar statistički i pokazateljima koji su brojčani situaciju koja nije baš na zavidnoj razini u gradu Tuzla kada je u pitanju klizište.

Ja se nisam javljala za prethodnu točku dnevnog reda jer su vezane, ali ću poslije osvrnuti na ova neka obrazloženja.

Prema ovim podacima koje imamo dostavljenim je registrirano 16,5% ukupne površine grada Tuzle pod klizištem, potencijalna pojava je nekih 6,57 i pomenute su 37, 37 mjesnih zajednica od kojih su naznačeni neki projekti koji su označeni kao 13 koje je neophodno riješiti u narednom periodu, a planirani su za realiziranje u dvije i sedamnaestoj godini.

Ovo je izuzetno važan problem Grada Tuzle i mislim da Služba opremljena na način kako je dostavljeno u informaciji bez obzira ne evo i stručnost pojedinih zaposlenika koji tamo rade ne može odgovoriti zadatku.

Ako imamo od 96. do danas analizu da je osnovni razlog pojave klizišta intenzivirane padavine ili naglo topljenje snijega, to su znači dva razloga, to su prirodne nepogode, odnosno



prirodna stanja na koja ne možemo utjecati. Ali postoji mnogo parametara na koja možemo kako bi te nepogode koje se eventualno mogu desiti u narednom periodu mogli izbjeći.

Naime ja sam isčitala Studiju upravljanja rizikom od klizišta u Bosni i Hercegovini koji je finansiran od strane Vlade Japana i UNDP-a i u toj Studiji je Tuzla na, ocijenjena kao rizik na osnovu popisa stanovništva i gustine naseljenosti na prvom mjestu. Visok stupanj rizika je ocijenjen 7,18% kilometara kvadratnih, srednji rizik 7,64, 8,79 nizak stupanj. Sve su ostale općine u Federaciji Bosne i Hercegovine ispod.

Ono što sam takođe isčitala je da je ono po čemu je Tuzla kao grad pohvaljeno je stručnost kadra. Međutim, kad sam isčitala tko je učestvovalo i sa kim su razgovarali, ja, ne, često ne pominjem imena ali danas moram reći da je to gospodin Mulać i znači jedina osoba koja trenutno može odgovoriti ovom problemu sa stručnog aspekta je jedna osoba gospodin Mulać i mislim da se u narednom periodu glede ove kadrovske problematike i sučeljavanja sa problema, sa, sa problemom pardon, nedostatka stručnog kadra ova Služba zaista mora opremiti na način da može kvalitetno odgovoriti zadaći koju, koja je pred njima.

Znači ne može se desiti da svi mi u ovoj situaciji koju imamo zovemo samo jednu osobu i da teret odgovornosti nosi Služba koja nema novca i koja evo kadrovski nije dovoljno opremljena da bi odgovorila zadatku ovom izuzetno važnom za Grad Tuzla.

Ono što sam takođe htjela kazati za glede informacije a očekujem u narednom periodu i obzirom na izmjene koje su bile, je da u većini informacija koje su radili drugi gradovi i općine u Federaciji Bosne i Hercegovine, nekako sam gledala Federaciju, imaju svi tabelarni prikaz stanja klizišta koja su postojeća, stanja koja su saniranja i eventualno stanje klizišta onih koja će se rješavati u budućnosti i u tom tabelarnom prikazu su naznačeni mjesna zajednica, investitor koji će rješavati taj problem, znači izvor finansiranja, izvođač radova, rokovi, tehnička, tehničke karakteristike projekta i sve ono što je osnovni parametar kako bi predstavničko tijelo ili izvršna vlast pratilo i rad nedležnih službi ali i izvršenje na terenu.

Evo mi imamo ovdje 13 projekata koji su planirani za rješavanje i za sve projekte kako sam ja isčitala svi su projekti aplicirani kod nekih međunarodnih organizacija i očekuje se odobranje sredstava.

Mislim da je krajnje neprimjereno da u situaciji kada je Proračun Grada Tuzle skoro cirka 60.000.000 maraka se ne može izdvojiti nekih pola miliona maraka kako bi imali dovoljno sredstava za interventno makar djelovanje.

Gospodin Ajanović je govorio o katastru klizišta. Ja sam pročitala pojam koji govori o formiranju baze podataka o klizištima i drugim pojavama nestabilnosti kada je riječ o Studiju upravljanja o kojoj sam govorila. Takođe i karta klizišta ili bilo koja ako je riječ o identičnom dokumentu jer je gospodin Mulać kazao da mi neke od tih dokumenata imamo, bi bila osnova da imamo i kvalitetniju informaciju, ali ne samo kvalitetniju informaciju nego rezultat djelovanja Službe civilne zaštite zajedno sa sinergijom svim drugih službi koja je neophodna u ovom procesu, a gdje bi građani u budućnosti bili zaštićeni na način da mogu mirno spavati u svojim domovima gdje je opasnost od potencijalnog klizišta, ali da se i saniraju ona klizišta kako ne bi došli u nešto veće probleme u kojima smo zaista bili.

Ja u tom pravcu imam par zaključaka, pa ću otprilike pokušati da ih kažem. Jedan od mojih zaključaka je da se planiraju i osiguravaju sredstva kroz rebalans Proračuna za projekte izvođenje sanacionih radova za evidentirana klizišta jer su ona na terenu u stvari najveći problem i zastoj u cjelokupnom procesu sanacije klizišta.

Drugi zaključak je da se planira, razvija izgradnja infrastrukture a posebno izgradnja odvodnje voda, fekalnih, podzemnih i površinskih u cilju smanjenja rizika potencijalnih klizišta.

Već je kolega govorio o aktivnom prisustvu nadležnih inspeksijskih službi, tako da bi to bio identičan zaključak pa ga neću ponavljati.

Sledeći zaključak glede a povezan je i sa Informacijom koju imamo od prethodne tačke i opremiti Službu civilne zaštite osiguranjem neophodnog stručnog kadra kroz sistematizaciju ili popunjavanje postojećih radnih mjesta. Nisam shvatila da li je nedostatak kroz sistematizaciju ili je nedostatak u popunjavanju kadra.

I mislim da je jedan od preduvjeta kako bi se potencijalno smanjio rizik od budućih klizišta, redovno održavanje saniranih klizišta. Znači mi u ovoj informaciji nekako imamo uzrok pojave klizišta u prethodnom periodu ali nemamo tabelarni prikaz saniranih da bi mogli konkretno reći, pa i to redovno održavanje pod stručnim nadzorom saniranih klizišta je jedan od preduvjeta za izbjegavanje situacije nepotrebnog ili ne daj bože neke nove katastrofe i pojavu novih klizišta. Hvala.

## **ALEKSANDAR VUJADINOVIĆ**

Uredu. Hvala. Sledeći se za riječ javio gospodin Nedžad Jusić, ispred nacionalnih manjina. Izvolite.

### **NEDŽAD JUSIĆ – nezavisni vijećnik iz reda nacionalnih manjina**

Hvala. Pozdrav svima. Evo imamo informaciju o stanju klizišta na području grada Tuzle u

2017. godini. Ja bi možda dodao samo pored ovog stanja klizišta imamo u ovoj informaciji i neke analizu aktivnost šta je u stvari činjeno, šta je rađeno u 2017. godini da se saniraju određena klizišta.

Evo kolege su dosta toga rekli kada je u pitanju, kad je u pitanju ova informacija, ova informacija jer ona govori na kraju krajeva od 1996. godine pa do 2014., ustvari taj period, ta određene elementarne nepogode koje su nas zadesile. Ja bi se bazirao na ovu zadnju koja je bila 2014. godine znači kad su u pitanju poplave.

I ovdje je navedeno u ovoj informaciji da je aktivirano 2.174 klizišta, koja su registrovana u 37 mjesnih zajednica i one hadje nabrojane su mjesne zajednice gdje je najveći broj klizišta. Između ostalog to je Mjesna zajednica Centar, Simin Han, Lipnica, Slavinovići, Slavinovići, Tušanj, Mosnik i druge ove mjesne zajednice.

A ja bi se malo dotakao kada je u pitanju Mosnik. Jer zbog toga sam rekao u ovoj informaciji stoji takođe i dio šta je u stvari rađeno na sanaciji pomenutih klizišta i ne vidim ovdje barem u ovoj informaciji i ako sam razgovarao da je bilo određene aktivnosti u Mjesnoj zajednici Mosnik na sanaciji pomenutih klizišta, djelimično je nešto išlo i preko Službe za komunalne poslove i mislim da je urađen jedan potporni zid što je bilo neophodno da se uradi, ali na sanaciji nekih drugih klizišta ne vidim baš neku aktivnost da je urađeno.

Normalno ovdje i stoji da se rađeni, da su bili određeni kriteriji za uvrštavanje klizišta koji su od prioriteta, ali zbog toga bi smatrao možda u nekom narednoj fazi, drugoj fazi za sanaciju ovih klizišta, da se vodi računa kada je u pitanju i Mjesna zajednica Mosnik jer sam siguran u tome jel i dolazim iz te mjesne zajednica, da su klizišta koja su bila aktivirana 2014. godine da mogu uzrokovati druge posljedice i po živote ljudi, kao i po objekte.

Takođe bi možda predložio jedan zaključak što je vrlo važan, a to je da je neophodno da Služba civilne zaštite u narednom periodu odradi niz edukativnih radionica ili bilo nešto drugo sa stanovništvom Grada Tuzle u stvari kako, šta him je činiti ukoliko dođe do elementarnih nepogoda, jer moramo biti svjesni da u evo te 2014. godine pa i nismo baš bili spremni na takvo stanje i možda se nismo znali ponijeti sa tim elementarnim nepogodama i mislim da bi se trebalo u nekom narednom periodu takođe stanovništvo edukovati o tome

kako se u stvari ponašati prilikom elementarnih nepogoda, ne samo poplava, ne samo klizišta, nego i bilo kojih drugih elementarnih nepogoda. Hvala.

### **ALEKSANDAR VUJADINOVIĆ**

Uredu. Hvala. Sabahudin Imamović, SDA. Izvolite.

### **SABAHUDIN IMAMOVIĆ**

Pa uglavnom moji prethodnici su rekli većinu onoga što sam mislio iznijeti. Dakle samo bih podcrtao, svjesni smo da je Grad Tuzla izuzetno ugroženo područje, da nam treba ogroman novac da to saniramo, da se Služba civilne zaštite ona se obično bavi posljedicama, ali potrebno je koordinacija kao što su već kolege rekle i drugih, i Službe za inspeksijske poslove. Moramo obustaviti ilegalnu gradnju, moramo nastaviti sa širenjem mreže, kanalizacione mreže, sa širenjem mreže odvođenja površinskih voda, pročišćavanju kanala, pošumljavanju i tako dalje. To su već kolege.

Dakle podcrtavam, preventivno djelovanje. Svjesni smo problema, moramo više ulagati i preventivno djelovati ono što je do nas. Dakle na jednoj strani je geološki sastav tla i sve to što ti nedostaci, ali s druge strane i naša organizovana akcija. Zato moramo preventivno djelovati.

Slažem se sa svim prijedlozima mojih kolega. Vidim da su se jako dobro spremili i da nas sve skupa ovaj problem brine jer je sastavni dio naših života. Od četrdeset u trideset i sedam mjesnih zajednica su klizišta. Dakle skoro niko nije pošteđen, možda osim onih na Slatini i na skveru. Toliko od mene.

### **ALEKSANDAR VUJADINOVIĆ**

Hvala. Mensur Alić, Tuzlanska alternativa sljedeći.

### **MENSUR ALIĆ**

Evo ja bih samo da ovdje ima trinaest ovih prioriteta. Neće Sabahudin neće da isključi namjerno. Sad je isključio.

Trinaest prioriteta ima. Čudi me da ovdje nema a bio je u ranijim prijedlozima Dragčin naselje u Gornjoj Tuzli, gdje je ugroženo deset kuća. Imamo ovdje jedna, dvije kuće gdje je primjera radi, a imamo deset kuća gdje je ugroženo ali nema ih uopšte u prioritetima ovdje. A dosad je došlo najmanje deset dopisa u gradsku upravu da se pokuša zaustaviti ova. Ako dođe do katastrofe onda ode nam deset kuća.

Pa bi molio da se stavi ovdje kao četrnaesti dio naselja Drakčin, Gornja Tuzla. Zahvaljujem.

### **ALEKSANDAR VUJADINOVIĆ**

Uredu. Hvala. Elvir Kasumović, SBB BiH.

### **ELVIR KASUMOVIĆ**

Zahvaljujem se predsjedavajući. Pa vrlo, vrlo malo imamo još prostora da bilo šta kažemo o ovom, o ovoj informaciji. Ona sama po sebi je dobra, jasno precizirana prije svega

po pitanju mjesnih zajednica što imamo decidno navedene podatke o kojem broju klizišta se radi, jel ovo i jest tačka dnevnog reda. Mada možemo pričati recimo i o, isto tako o elementarnim nepogodama, vjerovatno bi trebali i u narednom periodu imati zaštitu od poplava i tako dalje.

Kao što reče Sabahudin, ja sam mislio isto tako da se nadovežem na po pitanju prevencije u svemu ovome.

Mislím da nadležna Služba mora dijagnosticirati lokacije koje su potencijalne kao nova klizišta i uraditi prevenciju po tom pitanju iz Budžeta, iz tih sredstava je li koje su namijenjene za tu svrhu. Mislím da bi mi trebali povećati ta sredstva jer bolje je da uložimo u prevenciju nego da liječimo nastale probleme.

Daleko manje sredstava treba ako, ako kažem plasiramo preventivno, nego da bi liječili posljedice elementarnih nepogoda.

S tim u vezi kažem da Klub vijećnika Saveza za bolju budućnost će prihvatiti ovu informaciju. I opet kažem dobro je, dobro je ona sastavljena. Isto tako kao što gospodin Mensur reče ova 14. tačka trebalo bi možda i pričati kao što reče moj komšija Nedžad Jusić i o Mjesnoj zajednici Mosnik. Isto jedna od najugroženijih mjesnih zajednica. Imamo isto gore nekoliko objekata koje je ugroženo, mislim pet, šest objekata koji, koji graniči između Mjesne zajednice Mosnik, odnosno naselja Mosnik i Crvene Njive.

Nisu samo ugrežene te kuće koje bi eventualno povuklo klizište, nego su, nego je ugroženo ispod najmanje pedesetak objekata koji bi isto tako bili porušeni ukoliko bi to klizište krenulo. Ne znam kako, kako nadležna Služba nije po tomo pitanju djelovala.

I imam jedan pod, jednu informaciju, ne mogu da shvatim da li je to ona tačna, da su građanima kojima smo mi dodijelili placeve nakon ovih elementarnih nepogoda 2014. godine i koji su izgradili kuće na, na, na tim lokacijama, da je ponovo došlo do klizišta i da su i te lokacije bile ugrožene.

Ne mogu da shvatim da kažem da nadležna Služba i stručna lica nisu mogli dati prognoze da će se tu ponovo pojaviti, pojaviti klizište. Kako, kako tu struka nije mogla doći do izražaja. Naravno ne možemo predvidjeti sve, u božije se nije miješati, prema tome ali opet mislim da je struka morala predvidjeti, morala uraditi određene geološke analize po pitanju tih novih lokacija gdje smo dodijelili građanima.

Zamislite građani koji su izašli iz svojih domova koji su bili srušeni, napravili su nove domove i ponovo su im klizišta u tim novim domovima uništena. Ne tvrdim da je to istina, ali evo vjerovatno u nadležnim službama imaju te podatke da li je ova informacija tačna. Ako bude trebalo evo ja ću se raspitati i donijeti podatke o kojim tačno imenom i prezimenom vlasnika se radi i tako dalje.

Ali moramo malo više ozbiljnije se baviti ovim problemom a ne samo adhoc raditi i trenutno rješavati probleme. Ako već želimo da rješavamo problem tih ljudi, da li je dobro što smo problem ove porodice riješili samo dvije godine. To trebaju oni da se upitaju, odnosno nadležne službe. Hvala.

**ALEKSANDAR VUJADINOVIĆ**

Uredu. Hvala. Elvir Bijedić, SDP. Izvolite.

**ELVIR BIJEDIĆ**

Zahvaljujem predsjedavajući. Pa evo uz ovu informaciju, odnosno dio ove informacije čini i ovaj jedan dopis od Federalnog fonda za pomoć nastradalih od prirodnih nesreća. Dakle da je Grad Tuzla dobio dopis u kojem nas obavještavaju da je država Kuvajt odobrila sredstva

u iznosu od 200.000 dolara za podršku Projektu sanacije klizišta na širem području naselja Badre, Soline i Grabovice u Gradu Tuzla.

Dakle volio bi da odavde ode još jedan zaključka. Dakle da pošaljemo upit Vladi Federacije dokle se došlo u toj aktivnosti u smislu dakle pregovora, kako bi se, kad bi se moglo ovaj implementirati i šta je još možda potrebno da Grad Tuzla dostavi od dokumentacije da bi taj Projekat u konačnici.

Radi se dakle o sredstvima od 200.000 dolara. Svaki fening bukvalno je bitan. Zahvaljujem.

### **ALEKSANDAR VUJADINOVIĆ**

Uredu. Hvala. Imamo ovdje i predstavnika Službe gospodina Miralema Mulaća, pa evo neka ako je kroz ove je li diskusije ako može dati neko objašnjenje. Nema potrebe je li tako. Dobro. Uredu. Jer je bilo neko pitanje. Dobro.

Ovim zatvaramo raspravu klubova vijećnika. Slavko Stjepić. Izvolte. Bilo je nekih upita u diskusijama. Ne mogu tačno da se sjetim tačno ko je postavio. (JASMINKA MIJATOVIĆ – A mogu li pitanje prije nego što gospodin?) Evo može Jasminka Mijatović. Izvolte.

### **JASMINKA MIJATOVIĆ**

Hvala. Pa evo nadovezat ću se na izlaganje gospodin Alića. Pomenio je klizište čini mi se u Gornjoj Tuzli neke lokacije, a ja sam već postavila pitanje ali sam zaboravila u izlaganju u Gornjoj Tuzli u naseljenom mjestu Tetima je takođe klizište, ne možda ogromnih razmjera, gdje je putna infrastruktura oštećena, nije obilježeno i stanovnici tog naseljenog mjesta su zabrinuti ukoliko dođe do prekida putne komunikacije zbog nesanimiranja klizišta i tu sam i pomenula onu sinergiju potrebnog djelovanja više službi.

I zaboravila sam pitati za Mjesnu zajednicu Par Selo, prije svih naseljeno mjesto Orašje. Znamo što je bilo u 2014. U kojoj fazi i kad se planira? Ako je već odgovor na pitanja. Pa hvala lijepo.

### **ALEKSANDAR VUJADINOVIĆ**

Hvala. Uredu. Slavko Stjepić. Izvolte.

### **SLAVKO STJEPIĆ – pomoćnik Gradonačelnika za Službu za civilnu zaštitu**

Sve vas želim pozdraviti. Neću se upuštati u odgovor na pitanja koja su apsolutno stručnog karaktera obzirom da je kolega Miralem tu prisutan, tako da može dati sve te odgovore. Ali daću samo par odgovora koje mislim da obavezno trebamo kazati.

Ovo posljednje pitanje gospodina vijećnika Elvira Kasumović zaslužuje odgovor. Znači nije tačna informacija da je Grad Tuzla dodijelio zemljište na kojem postoji klizište, nego je nažalost tačno ono što se dešava kroz decenije, da ljudi svojim djelovanjem stvaraju nove, nove probleme i sebi i nama.

Znači o konkretnoj lokaciji znamo o kojoj se radi, napisali smo pismeni odgovor. Vlasnik jednog od objekata koji je izgrađen sredstvima UNDP-a, Grad Tuzla je dodijelio zemljište, izdao besplatnu dozvolu za, kako za taj tako i druge objekte, je pokušavajući da

nešto napravi što je po njemu bilo korisno i pametno je deponovao na svoj plac ogromnu količinu zemlje, koja je izazvala probleme o kojima ste evo i vi dobili određenu informaciju. Znači to je vrlo bitan odgovor.

A ovo, zaokružen odgovor. Ovo je informacija o stanju klizišta u prošloj godini. Ovih trinaest lokaliteta koje smo nabrojali kao prvu fazu prioriteta mi smo trenutno već neke, neke od tih lokacija apsolvirali u smislu da smo završili preventivne mjere sanacije, za sve ostale lokalitete će biti one izvršene i mi ne možemo danas kroz ovu informaciju licitirati koja bi to još klizišta trebalo staviti u prioritet.

Kad uporedimo jednu cifru od preko 2.000 aktiviranih klizišta koja se nalaze na prvim stranicama i ovo što su sredstva koja bi bila neophodna za saniranje svih tih klizišta vidimo o čemu se radi.

Znači mi imamo određena sredstva, spram sredstava Štab civilne zaštite odobrava prioritete za sanaciju i reagujemo i najprontnije kad se odjednom pojavi i aktivira novo klizište kao evo što se ovo pojavilo pored na raskrsnici između dva puta gore na Husinu. Znači ali i za to klizište smo morali organizirati Štab da bi ga uvrstili u prontosni prioritet jer prošle godine nije bilo prioritet zato što u tom momentu nije bilo aktiviranja tog klizišta.

Sve ostalo zbilja mislim da je ukoliko vijećnicima trebaju određeni odgovori na određena pitanja to bi prepustio gospodinu Miralemu. Hvala lijepo.

## **ALEKSANDAR VUJADINOVIĆ**

Uredu. Hvala. Ima li potrebe još za nekim dodatnim objašnjenjima? Nema. Dobro. Onda konstatujem da je Gradsko vijeće Tuzla primilo k znanju Informaciju o stanju klizišta na području grada Tuzla.

A sad da čujemo prijedloge zaključaka, pa da se o njima izjasnimo.

## **SLAĐANA KRAJINA**

- Gradsko vijeće sugeriše Službi civilne zaštite da maksimalno iskoristi resurse RTV7 u cilju podizanja svijesti građana o negativnom uticaju na okolinu i opasnostima koje nose bespravna gradnja, preusmjeravanje potoka, neadekvatno odlaganje zemlje sa iskopa, neadekvatno odlaganje smeća i slično.

- Gradsko vijeće Tuzla apeluje na Službu za inspeksijske poslove da uloži dodatni napor, kako bi se držala pod kontrolom sva potencijalna klizišta na području grada Tuzla i kako bi se sankcionisali svi počinioci.

- Gradsko vijeće Tuzla urgira na realizaciji ranijeg zaključka Gradskog vijeća Tuzla koji se odnosi na razmatranje mogućnosti privatne sanacije klizišta, zaklinjavanja sanacija, uz potrebni angažman i stručni nadzor resornih gradskih službi i uz eventualno angažovanje pojedinih firmi.

- Traži se od resorne službe da informiše Gradsko vijeće Tuzla o sanaciji mikrokližišta na području grada Tuzla.

- Gradsko vijeće Tuzla traži od Gradonačelnika i resornih službi da se povećaju sredstva za saniranje klizišta na području grada Tuzla, naročito kada je u pitanja obezbjeđenje sredstava za interventno djelovanje, te da se planiraju i osiguraju sredstva za projekte sanacionih radova na evidentiranim klizištima.

- Gradsko vijeće Tuzla sugeriše Službi civilne zaštite da sačini kartu klizišta.

- Gradsko vijeće Tuzla traži da se planira razvoj i izgradnja infrastrukture odvodnje, posebno odvodnje fekalnih voda.

- Gradsko vijeće Tuzla traži da se ojača Služba civilne zaštite i kada je u pitanju nabavka materijalno-tehničkih sredstava i kada je u pitanju kadrovsko ojačanje.

- Gradsko vijeće Tuzla insistira na redovnom održavanju saniranih klizišta pod stručnim nadzorom, što će spriječiti njihovo ponovno aktiviranje kao i pojavu novih klizišta.

- Gradsko vijeće Tuzla traži od Službe civilne zaštite da u narednom, da Službe civilne zaštite u narednom periodu odradi niz edukativnih radionica sa stanovništvom grada Tuzla, kako bi se građani edukovali, kako se ponašati u slučaju elementarnih nepogoda.

- Gradsko vijeće Tuzla ukazuje na neophodnost preventivnog djelovanja i organizovane akcije, kada su u pitanju klizišta.

- Gradsko vijeće Tuzla traži od resornih službi da se u prioritetne lokacije klizišta za provođenje interventnih sanacionih mjera, kao 14. tačka, uvrsti dio naselja Dragčin, Gornja Tuzla, te eventualno Mjesna zajednica Mosnik.

- Gradsko vijeće Tuzla traži od Službe civilne zaštite da uputi upit Vladi Federacije Bosne i Hercegovine u vezi sa dinamikom realizacije projekta sanacije klizišta na širem području naselja Badre, Solina i Grabovica u gradu Tuzla, za koji je država Kuvajt odobrila sredstva u iznosu od 200.000,00 konvertibilnih maraka.

### **ALEKSANDAR VUJADINOVIĆ**

Uredu. Molim vas pristupite. Rejhana Dervišević. SDP. Izvolte.

### **REJHANA DERVIŠEVIĆ**

Zahvaljujem predsjedavajući. Ja bi samo intervenisala u kontekstu ovoga što je rekao ovaj gospodin Stjepić, al ako treba pozvala bih i gospodina Mulaća, u vezi ovog zaključka da se kao 14. izdvoji.

Ovo ipak morate prihvatiti činjenicu da je ovo radila jedna stručna Služba koja se bavi ovim poslovima.

Naime, interventne mjere mogu biti hitne i korektivne. I vrlo često se vodi računa i o mogućnosti zaštite različitim interventnim sanacionim mjerama. S toga je vrlo rekla bih nije do nas da tek tako stavljamo na listu nešto što ne znamo ni koliki prostor zahvata ni u kakvom je stanju. Pa evo ja bih ipak volje da to potvrdi kolega Mulać. Hvala.

### **ALEKSANDAR VUJADINOVIĆ**

Uredu. Replika Mensur Alić, Tuzlanska alternativa.

### **MENSUR ALIĆ**

Ja ne govorim ništa napamet. Ja sam u Gornjoj Tuzli i znam tačno šta se dešava i dio porodica radi kod mene tih upravo koji su ugroženi.

Evo ne mora se to usvojiti, neka bude poseban zaključak, ne mora se usvojiti, ali odgovornost će neko morati preuzeti ako dođe do ovoga o čemu sam govorio prije.

Prema tome ovo je bila samo dopuna, a postoji određena dokumentacija u Civilnoj zaštiti kad je u pitanju ovo naselje. I sada ako otvorimo ovu priču zbog čega se to nije htjelo raditi evo dvije godine e boga mi biće svega i svašta. Jer ja nikad ništa napamet ne govorim.

I ovo o čemu je kolegica iz HDZ-a govorila, HDZ-a BiH-a, tačno je. Ja sam na tom putu zajedno učestvovao na spašavanju jedinog prolaza iz, 2014. godine, da bi moglo

stanovništvo doći do Tuzle, četiri dana sam bio na tom lokalitetu. I tačno je da tu postoji velika opasnost da se ponovo zatvori taj put da nema prilaza Tetimi.

Mislim ja podržavam i njen, naravno i njen, njen zahtjev o čemu je ona govorila. Hvala.

## **ALEKSANDAR VUJADINOVIĆ**

Uredu. Hvala. Izvinjavam se. Replika je li? (REJHANA DERVIŠEVIĆ – Dozvolite. Jeste replika.) Izvolte. Replika.

## **REJHANA DERVIŠEVIĆ**

Samo da kažem. Ne bih htjela ni u jednom momentu da neko pomisli da sam uopće protiv saniranja ovog dijela klizišta koji se nalazi u Gornjoj Tuzli. Naprotiv. Da bogdom možemo sve.

Moj prijedlog je bio samo da se gradska, odnosno nadležna Služba izjasni da li je to moguće da to bude ovaj tačka 14. jer je možda nešto drugo tačka 14. Opet kažem da bogdom možemo sve istovremeno da saniramo.

Znači bez ikakve primisli da neko treba prije ili kasnije, nego da ne uzimamo nešto što nismo u mogućnosti da uradimo. Eto toliko. Hvala. (MENSUR ALIĆ – Replika ponovo.)

## **ALEKSANDAR VUJADINOVIĆ**

Ja se izvinjavam. (MENSUR ALIĆ - Nemam pravo.) Prema Poslovniku replika po istom pitanju jednom. (JASMINAK MIJATOVIĆ – Evo ja imam repliku.) Eto. Evo Jasminka Mijatović, HDZ BiH. Izvolte.

## **JASMINKA MIJATOVIĆ**

U potpunosti podržavam ovu inicijativu gospodina Alića jer mi kao Gradsko vijeće bez obzira na našu stručnost imamo pravo predlagat. Nije ovo ni prvi, ni posljednji zaključak koji je usvojio Gradsko vijeće a nakon toga smo imali obrazloženje ili možda ne izvršavanje zaključaka.

Znači nije nikakav pritisak i ja smatram da mi imamo pravo uvrstit i zaključak donijeti u formi kako je predloženo, a stručne službe će naravno svoj dio posla odraditi.

Ovdje problem može biti, a već sam kazala da sam isčitavala strategiju, samo nedostatak sredstava. Međutim, problem u Gornjoj Tuzli o kome je govorio gospodin Alić i o kome sam govorila ja u naseljenom mjestu Tetima je takav da taj iznos novca koji se tamo uloži sada, ukoliko se ne uloži može izazvat katastrofalne posljedice.

Prema tome, predlažem dopunu u dijelu Mjesne zajednice Gornja Tuzla za naseljeno mjesto Tetima, ali ne daj bože da se desi. Imali smo situaciju 2010. godine kada je iznos za sanaciju većine klizišta koštao pola miliona maraka. A onda smo sad u situaciji da tražimo, odnosno da je neophodan iznos 300.000.000 samo što pravovremeno nisu poduzete mjere, što i dalje u Proračunu nedostaju sredstva za sanaciju klizišta i što u Informaciji nemamo planirano nijedan, nijedan novčani iznos za sanaciju klizišta iz Proračuna.



To se u budućnosti ne smije dešavati i mislim da eto i taj iznos ja nisam uopće stručnjak o kome sam ja govorila cirka pola miliona, naravno da je to možda kap u moru, ali je neophodno planirati sredstva kako bi stručnjaci koje evo imamo mogli raditi svoj posao.

Sve drugo je izbjegavanje, stvaranje normalnih preduvjeta za rješavanje problema.

### **ALEKSANDAR VUJADINOVIĆ**

Uredu. Hvala. Replika Elvir Kasumović, SBB BiH. Izvolite.

### **ELVIR KASUMOVIĆ**

I Klub vijećnika Saveza za bolju budućnost daje podršku inicijativi gospodina Mensura Alića. Mi ćemo podržati ovu inicijativu i sve inicijative koje rade u interesu zaštite građana.

Isto tako obzirom da je u ovoj tački kao što je moj kažem komšija Nedžad Jusić i ja što smo delegirali i problem Mosnika, prema tome mi ćemo podržati ovaj.

### **ALEKSANDAR VUJADINOVIĆ**

Uredu. Samo malo. Evo. Izvinjavam se. Evo. OK. Alena ćemo zamoliti, SDP znači, pa onda Miralem Mulać da da komentar neki. Evo vidim da se javlja već nekoliko puta. Može da da neko pojašnjenje da bi mogli doći do nekog konstruktivnog zaključka.

### **ALEN KAPIDŽIĆ**

Pa da ne bude ovdje zabune. Znači Klub SDP-a će podržati ovu inicijativu. Znači takođe ja, evo smatramo, ako je to stvarno prioritet da se ti prioriteti mogu onda poredati i nekim drugim redoslijedom.

Što ne bi Štab civilne zaštite održao sjednicu ako treba da održi da to uvrsti ako je to. (SLAĐANA KRAJINA – Evo mogu ja jedan zaključak da pročitam, pa možda onda rasprava.) Misure je li se slažeš? Mi ćemo podržati u svakom slučaju.

### **ALEKSANDAR VUJADINOVIĆ**

Dobro. Uredu. Ja se izvinjavam Slađana. Samo evo Miralem Mulać. Izvolte. Dajte neko kratko obrazloženje svega ovoga. Čuli ste.

Onda možemo čuti i prijedlog znači sekretara Gradskog vijeća kako bi taj zaključak trebao da izgleda. Pa eto.

### **MIRALEM MULAĆ – šef Odjeljenja za zaštitu i spašavanje Civilne zaštite Grada Tuzla**

Evo ovako. Ja vas sve pozdravljam i htio bih par objašnjenja da bi što kaže baš što pravilnije zaključke donijeli i da ne bi bili hajde da kažemo neinformisani, neinformisani po ovom pitanju.

U samoj Informaciji kad se malo detaljnije u nekom segmentu pročita, znači radi se o Informaciji o provođenju interventnih sanacionih mjera i to one mjere koje mi možemo na terenu provesti.

Mi za lokalitet Dragčina znamo. Znači mi i ovo sve što ste vi kazali i dopisi koji dolaze u Civilnu zaštitu i vidili ste da smo odradili prvu, stavili spisak, znači nismo džaba nazvali prva faza realizacije interventnih sanacionih mjera.

Svako klizište je posebno. Znači svako klizište ne možemo sanirati interventnim sanacionim mjerama. To podrazumijeva bez izrade projektne dokumentacije, na stručnost, na terenu izradom određenih raskopa, utvrđivanje veličine klizišta, razmjere klizišta, odrađuje se te interventne sanacione mjere koje imaju ograničavajući vijek trajanja u cilju sprečavanja većih materijalnih šteta i odnosno ne daj bože ljudskih života.

Mi smo lokaciju Dragčin nekoliko puta obišli, mi znamo tačno o čemu se radi i mi smo tu lokaciju predložili znači za izradu detaljne, detaljnih istraživanja, izradu projektne dokumentacije.

To je poseban znači jedna vrsta, jedna vrsta postupka gdje moramo, urađen je i projektni zadatak, gdje moramo ići na raspisivanje tendera, izbora izvođača i drugih mjera. Mi ćemo svakako na lokalitetu Dragčin pokušati determinisati bar određeni broj objekata gdje možemo interventno spriječiti neželjene posljedice.

Mi znamo i taj put i da su pobijani oni željezni šipovi, šine hajde da kažemo, sve, međutim to ne možemo uraditi bez kvalitetne potporne konstrukcije a svaka potporna konstrukcija traži izradu projektne dokumentacije.

Takođe želim reći za Mjesnu zajednicu Par Selo, lokalitet Orašje. Mi smo uradili projekat, glavni projekat sanacije. Tu je vrijednost preko milion maraka vrijednost sanacionih radova.

U toku 2014., evo ne znam precizni podatak ali ćemo vam vrlo rado dati informaciju, da je na tom lokalitetu sigurno na dvije lokacije, kompletno na naselje Orašje, preko 300.000 maraka uloženo na interventnim sanacijama koje su dale dobre rezultate, koje su obezbijedile putnu komunikaciju, koje su obezbijedili funkcionisanje magistralnog vodovoda koji je veoma značajan za vodosnabdijevanje grada Tuzle, tako da smo sa tog aspekta uradili maksimalno i to je ono što možemo uraditi od interventnih sanacionih mjera.

Vidili ste u samoj Informaciji da smo naveli znači te segmente, segmente djelovanja i mi to konstantno radimo. Znači provođenje interventnih sanacionih mjera, provođenje aktivnosti na izradi detaljnije projektne dokumentacije i sanacije prema projektnoj dokumentaciji, zatim podizanje svijesti građana.

Ne može nijedna lokalna zajednica sve sanirati šta građani svojim nesavjesnim ponašanjem mogu uraditi, a evo jedan je primjer i ovog lokaliteta na Kozlovcu što je već rečeno, rečeno i za ovom govornicom i u postavljenom pitanju.

Tako da. I još jedna značajna stvar. Znači mi pokušajemo znači sve nije u nadležnosti Civilne zaštite. Civilna zaštita će u, zajedno sa ostalim gradskim službama, pogotovo kad su u pitanju putne komunikacije, raditi na njihovoj sanaciji.

Mi smo na lokalitetu Gornja Tuzla evo gdje je postavljeno pitanje ovog puta, to je bila, bila, aplicirano je prema Svjetskoj banci. Služba za komunalne djelatnosti je vodila glavne aktivnosti oko, oko tih lokacija. Mi smo kao stručna pomoć i kao Služba bili na raspolaganju i bili smo na terenu. Dogovorili mjere.

Tu imamo morate shvatiti i drugih problema. Građani ne daju da ulaze se u svoje, zatrpavaju kanale. Mi vrlo često možemo reći mašina može ući na lokaciju ne može izaći. To su toliki zahtjevi, zahtjevi građana koji, koji očekuju da Civilna zaštita sve to rješava.

Mi ćemo morati, evo jedan od zaključaka da bude i drago mi je što je ovo postavljeno oko stalnog podizanja svijesti građana vezano za klizišta i druge evo opasnosti koje prete gradu Tuzla.

**ALEKSANDAR VUJADINOVIĆ**

Dobro. Hvala. Uredu. Evo čuli ste neka objašnjenja. Sabahudin Imamović, SDA. Izvolte. Davno se javio za riječ, ali evo bile su i replike i sve ostalo eto. Izvolite. Samo isključite. Janjo isključite.

**SABAHUDIN IMAMOVIĆ**

Mogu li samo čuti još jednom poslednji zaključak sekretaru? Ono vezano za Arape. (SLAĐANA KRAJINA – Za?) Arape.

**SLAĐANA KRAJINA**

Gradsko vijeće Tuzla traži od Službe civilne zaštite da uputi upit Vladi Federacije Bosne i Hercegovine u vezi sa dinamikom realizacije projekta sanacije klizišta na širem području naselja Badre, Solina i Grabovica u gradu Tuzla, za koji je država Kuvajt odobrila sredstva u iznosu od 200.000,00 konvertibilnih maraka. (ELVIR BIJEDIĆ – Dolara.) Dolara. Pardon. (SABAHUDIN IMAMOVIĆ – Mogu li nešto reći?)

**ALEKSANDAR VUJADINOVIĆ**

Dobro. Izvolte. E samo Slađo. Pardon.

**SABAHUDIN IMAMOVIĆ**

Je li to Gradonačelnik promijenio politiku prema Arapima? (ALEKSANDAR VUJADINOVIĆ – Dobro. Molim vas ostanite fokusirani znači na.) Možda im počeo prodavati klizišta.

Ne. Znam za njegove stavove u predizbornoj kampanji. (ALEKSANDAR VUJADINOVIĆ – Dobro. Uredu.) Da nije takav nastup imao možda bismo milion dobili od Katara a ne bi 200.000. Ali dobro.

**ALEKSANDAR VUJADINOVIĆ**

Dobro. Dobro. Molim vas da ostanemo znači vezani za tačku dnevnog reda. Uredu. Ima li još potrebe za neka objašnjenja? Evo Slavko Stjepić se ponovo javlja.

Ništa. Onda uredu. Gospon Slavko ništa onda. Hvala. (ELVIR BIJEDIĆ – Mogu li kratko još samo?) Hajde. Elvir Bijedić, SDP. Da čujemo.

**ELVIR BIJEDIĆ**

Samo kratko. Prvi zaključak. Dakle osim RTV 7, dakle i svi mediji po mogućnosti. Dakle raspoloživi koji djeluju na području grada Tuzla. Portali. (JASMINKA MIJATOVIĆ – Pa ja ono što pušta.) Dobro u skladu sa mogućnostima nadležnih službi. Hvala.

**ALEKSANDAR VUJADINOVIĆ**

Dobro. Uredu. Čuli smo ova pojašnjenja. Čuli ste prijedloge zaključaka. Ima li potrebe da ponovo čitamo zaključke? Nema. Onda se možemo o njima izjasniti.

Sada stavljam na izjašnjavanje zaključke koje je pročitala sekretar Gradskog vijeća i pozivam vijećnike da aktiviraju uređaje za elektronsko glasanje i da se pritiskom na odgovarajući taster izjasne za prijedlog, ili protiv prijedloga, ili kao suzdržani u odnosu na prijedlog. Glasanje je okončano.

27 vijećnika je glasalo za, niko nije bio protiv ni suzdržan, te konstatujem da su jednoglasno usvojeni sljedeći zaključci:

1. Gradsko vijeće sugeriše Službi civilne zaštite da maksimalno iskoristi resurse RTV7 i sve druge medije i portale koji djeluju na području grada Tuzla, u skladu sa njihovim mogućnostima, u cilju podizanja svijesti građana o negativnom uticaju na okolinu i opasnostima koje nose bespravna gradnja, preusmjeravanje potoka, neadekvatno odlaganje zemlje sa iskopa, neadekvatno odlaganje smeća i slično.

2. Gradsko vijeće Tuzla apeluje na Službu za inspeksijske poslove da uloži dodatni napor, kako bi se držala pod nadzorom sva potencijalna klizišta na području grada Tuzla i sankcionisali svi počiniooci.

3. Gradsko vijeće Tuzla urgira na realizaciji ranijeg zaključka Gradskog vijeća Tuzla koji se odnosi na razmatranje mogućnosti privatne sanacije klizišta, zaklinjavanja klizišta, uz potrebni angažman i stručni nadzor resornih gradskih službi i uz eventualno angažovanje pojedinih firmi.

4. Traži se od resorne službe da informiše Gradsko vijeće o sanaciji mikroklyžišta na području grada Tuzla.

5. Gradsko vijeće Tuzla traži od gradonačelnika i resornih službi da se povećaju sredstva za saniranje klizišta na području grada Tuzla, naročito kada je u pitanja obezbjeđenje sredstava za interventno djelovanje te da se planiraju i osiguraju sredstva za projekte sanacionih radova za evidentirana klizišta.

6. Gradsko vijeće Tuzla sugeriše Službi civilne zaštite da sačini kartu klizišta.

7. Gradsko vijeće Tuzla traži da se planira razvoj i izgradnja infrastrukture odvodnje, posebno odvodnje fekalnih voda.

8. Gradsko vijeće Tuzla traži da se ojača Služba civilne zaštite i kada je u pitanju nabavka materijalno-tehničkih sredstava i kada je u pitanju kadrovsko ojačanje.

9. Gradsko vijeće Tuzla inisitira na redovnom održavanju saniranih klizišta pod stručnim nadzorom, što će spriječiti njihovo ponovno aktiviranje kao i pojavu novih klizišta.

10. Gradsko vijeće Tuzla traži od Službe civilne zaštite da u narednom periodu odradi niz edukativnih radionica sa stanovništvom grada Tuzla, kako bi se građani edukovali, kako se ponašati u slučaju elementarnih nepogoda.

11. Gradsko vijeće Tuzla ukazuje na neophodnost preventivnog djelovanja i organizovane akcije, kada su u pitanju klizišta.

12. Gradsko vijeće Tuzla traži od resorne službe da se u prioritetne lokacije klizišta za provođenje interventnih sanacionih mjera, kao 14. prioritetna lokacija, uvrsti dio naselja Dragčin, Gornja Tuzla, te eventualno MZ Mosnik.

13. Gradsko vijeće Tuzla traži od Službe civilne zaštite da uputi upit Vladi FBiH u vezi sa dinamikom realizacije projekta sanacije klizišta na širem području naselja Badre, Solina i Grabovica u gradu Tuzla, za koji je država Kuvajt odobrila sredstva u iznosu od 200.000,00 USD.

(SLAĐANA KRAJINA – Je li osto ovaj zaključak za Dragčin? Jeste. Ostao je ovaj zaključak za Gornju Tuzlu? Je li ostao zaključak za Gornju Tuzlu?)

Mi smo se izjasnili o zaključcima. Ja sam pitao nekoliko puta ima li potrebe da korigujemo zaključke ili nešto? Niko se nije javio za riječ. Ostaje onako kako ste pročitali.

Prelazimo na osmu tačku dnevnog reda:

## IZVJEŠTAJ KOMISIJE ZA IZBOR I IMENOVANJE

Pa molim sekretara Gradskog vijeća da pročita Izvještaj Komisije za izbor i imenovanja sa sjednica koje su održane 20. 02. 2018. godine i izvještaj Komisije za izbor i imenovanja sa sjednice održane 27. 03. 2018. godine.

### SLAĐANA KRAJINA

Na osnovu člana 30. a u vezi sa članom 35. Poslovnika Gradskog vijeća Tuzla (Prečišćeni tekst.) ("Službeni glasnik Grada Tuzla" broj 9/17.), Komisija za izbor i imenovanja sa sjednice održane dana 20. 02. 2018. godine podnosi Gradskom vijeću Tuzla Izvještaj.

Pa kad je u pitanju tačka 2. Komisija za izbor i imenovanja je razmatrala Prijedlog Kluba vijećnika Demokratske fronte za izmjenu člana Savjeta Mjesne zajednice Dragunja, člana Savjeta Mjesne zajednice Ši Selo, člana Savjeta Mjesne zajednice Mejdan i člana Savjeta Mjesne zajednice Kiseljak, te je jednoglasno usvojila slijedeći zaključak:

- Komisija za izbor i imenovanja je razmatrala i prihvata Prijedlog Kluba vijećnika Demokratske fronte za izmjenu člana Savjeta Mjesne zajednice Dragunja, člana Savjeta Mjesne zajednice Ši Selo, člana Savjeta Mjesne zajednice Mejdan i člana Savjeta Mjesne zajednice Kiseljak, te predlaže Gradskom vijeću Tuzla da se Armin Muminović razriješi dužnosti člana Savjeta Mjesne zajednice Dragunja a da se na dužnost člana Savjeta Mjesne zajednice Dragunja izabere Elin Hrustić, da se Mujo Muratović razriješi dužnosti člana Savjeta Mjesne zajednice Ši Selo a da se na dužnost člana Savjeta Mjesne zajednice Ši Selo izabere Mirsad Jaranović, da se Nihad Dizdarević razriješi dužnosti člana Savjeta Mjesne zajednice Mejdan a da se na dužnost člana Savjeta Mjesne zajednice Mejdan izabere Sulejman Damadžić, te da se Nevzet Hasanbašić razriješi dužnosti člana Savjeta Mjesne zajednice Kiseljak a da se na dužnost člana Savjeta Mjesne zajednice Kiseljak izabere Nedim Šabić.

3. Komisija za izbor i imenovanja je razmatrala Prijedlog Kluba vijećnika Saveza za bolju budućnost BiH – SBB BiH za izmjenu člana Savjeta Mjesne zajednice Novi Grad I te je jednoglasno usvojila slijedeći zaključak:

- Komisija za izbor i imenovanja je razmatrala i prihvata Prijedlog Kluba vijećnika Saveza za bolju budućnost Bosne i Hercegovine – SBB BiH za izmjenu člana Savjeta Mjesne zajednice Novi Grad I, te predlaže Gradskom vijeću Tuzla da se Damir Alibegović razriješi dužnosti člana Savjeta Mjesne zajednice Novi Grad I a da se na dužnost člana Savjeta Mjesne zajednice Novi Grad I izabere Fatima Nišić.

Na osnovu člana 30. a u vezi sa članom 35. Poslovnika Gradskog vijeća Tuzla ("Službeni glasnik Grada Tuzla" broj 9/17. i 2/18.), Komisija za izbor i imenovanja sa sjednice održane dana 27. mart 2018. godine podnosi Gradskom vijeću Tuzla Izvještaj:

- Komisija za izbor i imenovanja je razmatrala Prijedlog Kluba vijećnika Demokratske fronte za izmjenu člana Savjeta Mjesne zajednice Solina, te je jednoglasno usvojila slijedeći zaključak:

Komisija za izbor i imenovanja je razmatrala i prihvata Prijedlog Kluba vijećnika Demokratske fronte za izmjenu člana. (ALEKSANDAR VUJADINOVIĆ – Solana. Solana.) Solana, pardon. Savjeta Solana te predlaže Gradskom vijeću Tuzla da se Adelheid Suljetović razriješi dužnosti člana Savjeta Mjesne zajednice Solana a da se na dužnost člana Savjeta Mjesne zajednice Solana izabere Husnija Žilić.

- Komisija za izbor i imenovanja je razmatrala Prijedlog Kluba vijećnika Saveza za bolju budućnost Bosne i Hercegovine - SBB BiH za izmjenu člana Savjeta Mjesne zajednice Slatina i člana Savjeta Mjesne zajednice Gornja Tuzla te je jednoglasno usvojila slijedeći zaključak:

Komisija za izbor i imenovanja je razmatrala i prihvata Prijedlog Kluba vijećnika Saveza za bolju budućnost BiH – SBB BiH za izmjenu člana Savjeta Mjesne zajednice Slatina i člana Savjeta MZ Gornja Tuzla, te predlaže Gradskom vijeću Tuzla da se Asmir Šestan razriješi dužnosti člana Savjeta Mjesne zajednice Slatina a da se na dužnost člana Savjeta Mjesne zajednice Slatina izabere Senahid Hodžić, te da se Haris Alajbegović razriješi dužnosti člana Savjeta Mjesne zajednice Gornja Tuzla a da se na dužnost člana Savjeta Mjesne zajednice Gornja Tuzla izabere Sabahudin Mušanović.

- Komisija za izbor i imenovanja je razmatrala Prijedlog Kluba vijećnika Tuzlanske alternative za izmjenu članova radnih tijela Gradskog vijeća, te je jednoglasno usvojila slijedeći zaključak:

Komisija za izbor i imenovanja je razmatrala i prihvata Prijedloge Kluba vijećnika Tuzlanske alternative za izmjenu članova radnih tijela Gradskog vijeća Tuzla, te predlaže Gradskom vijeću Tuzla da se Admir Hasanbašić razriješi dužnosti predsjednika Komisije za poduzetništvo, da se Hazim Hadžiabdić razriješi dužnosti člana Komisije za poduzetništvo, da se Hazim Hadžiabdić izabere na dužnost predsjednika Komisije za poduzetništvo te da se Muhidin Mehanović izabere na dužnost člana Komisije za poduzetništvo, da se Amira Malkočević razriješi dužnosti člana Komisije za ekonomske odnose, da se Sibila Osmanović izabere na dužnost člana Komisije za ekonomske odnose, da se Zlata Smajić razriješi dužnosti člana Koordinacijske radna grupa za izradu Programa kapitalnih investicija Grada Tuzla, te da se Miralem Jahić izabere na dužnost člana Koordinacijske radna grupa za izradu Programa kapitalnih investicija Grada Tuzla.

## ALEKSANDAR VUJADINOVIĆ

Uredu. Čuli ste pročitane prijedloge. Možemo pristupiti glasanju. Je li se slažete da glasamo o svima u paketu kao što smo i do sada? Uredu.

Sada stavljam na izjašnjavanje prijedloge koje je pročitala sekretar Gradskog vijeća i pozivam vijećnike da aktiviraju uređaje za elektronsko glasanje i da se pritiskom na odgovarajući taster izjasne za prijedlog, ili protiv prijedloga, ili kao suzdržani u odnosu na prijedlog. Glasanje je okončano.

28 vijećnika je glasalo za, niko nije bio protiv ni suzdržan, te konstatujem da su jednoglasno usvojeni prijedlozi izvještaja Komisije za izbor i imenovanja održane u. (SLAĐANA KRAJINA – Prijedlozi. Svi prijedlozi.) Svi sljedeći prijedlozi znači koje ste čuli:

Gradsko vijeće Tuzla prihvata prijedlog Komisije za izbor i imenovanja, na inicijativu Kluba vijećnika Demokratske fronte, te se:

- Armin Muminović razrješava dužnosti člana Savjeta Mjesne zajednice Dragunja,
- Elin Hrustić bira na dužnost člana Savjeta Mjesne zajednice Dragunja,
- Mujo Muratović razrješava dužnosti člana Savjeta Mjesne zajednice Ši Selo,
- Mirsad Jaranović bira na dužnost člana Savjeta Mjesne zajednice Ši Selo,
- Nihad Dizdarević razrješava dužnosti člana Savjeta Mjesne zajednice Mejdan,
- Sulejman Damadžić bira na dužnost člana Savjeta Mjesne zajednice Mejdan,
- Nevzet Hasanbašić razrješava dužnosti člana Savjeta Mjesne zajednice Kiseljak,
- Nedim Šabić bira na dužnost člana Savjeta Mjesne zajednice Kiseljak.

Gradsko vijeće Tuzla prihvata prijedlog Komisije za izbor i imenovanja, na inicijativu Kluba vijećnika Saveza za bolju budućnost BiH - SBB BiH, te se:

- Damir Alibegović razrješava dužnosti člana Savjeta Mjesne zajednice Novi Grad I,
- Fatima Nišić bira na dužnost člana Savjeta Mjesne zajednice Novi Grad I.

Gradsko vijeće Tuzla prihvata prijedlog Komisije za izbor i imenovanja, na inicijativu Kluba vijećnika Demokratske fronte, te se:

- Adelhaid Suljetović razrješava dužnosti člana Savjeta Mjesne zajednice Solana,
- Husnija Žilić bira na dužnost člana Savjeta Mjesne zajednice Solana.

Gradsko vijeće Tuzla prihvata prijedlog Komisije za izbor i imenovanja, na inicijativu Kluba vijećnika Saveza za bolju budućnost BiH - SBB BiH, te se:

- Asmir Šestan razrješava dužnosti člana Savjeta Mjesne zajednice Slatina,
- Senahid Hodžić bira na dužnost člana Savjeta Mjesne zajednice Slatina.
- Haris Alajbegović razrješava dužnosti člana Savjeta Mjesne zajednice Gornja Tuzla,
- Sabahudin Mušanović bira na dužnost člana Savjeta Mjesne zajednice Gornja Tuzla.

Gradsko vijeće Tuzla prihvata prijedlog Komisije za izbor i imenovanja, na inicijativu Kluba vijećnika Tuzlanske alternative, te se:

- Admir Hasanbašić razrješava dužnosti predsjednika Komisije za poduzetništvo,
- Hazim Hadžiabdić bira na dužnost člana Komisije za poduzetništvo,
- Hazim Hadžiabdić bira na dužnost predsjednika Komisije za poduzetništvo,
- Muhidin Mehanović bira na dužnost člana Komisije za poduzetništvo,
- Amira Malkočević razrješava dužnosti člana Komisije za ekonomske odnose,
- Sibila Osmanović bira na dužnost člana Komisije za ekonomske odnose.

Gradsko vijeće Tuzla prihvata prijedlog Komisije za izbor i imenovanja, na inicijativu Kluba vijećnika Tuzlanske alternative, te se:

- Zlata Smajić razrješava dužnosti člana Koordinacijske radna grupa za izradu Programa kapitalnih investicija Grada Tuzla,
- Miralem Jahić bira na dužnost člana Koordinacijske radna grupa za izradu Programa kapitalnih investicija Grada Tuzla.

Prelazimo na devetu tačku dnevnog reda:

### **INICIJATIVA „ZA ŽIVOT SA MANJE BOLI“ U CILJU NABAVKE SENZORA ZA BEZBOLNO I KONTINUIRANO MJERENJE NIVOVA ŠEĆERA U KRVI ZA DJECU I ODRASLE OBOLJELE OD DIJABETESA**

Predlagač je Kolegij Gradskog vijeća Tuzla, na inicijativu Mirnesa Ajanovića, vijećnika BOSS, Bosanske stranke. Materijal su razmatrali znači klubovi vijećnika.

Pitam prisutne, ima li potrebe znači da predlagač ili obrađivač daju uvodno izlaganje? (MIRNES AJANOVIĆ – Ima predlagač.) Uredu.

Evo zamolit ćemo predlagača Mirnesa Ajanovića da pročita. (SLAĐANA KRAJINA – U ime predlagača.) U ime predlagača znači materijal vezan za ovu tačku dnevnog reda.

#### **MIRNES AJANOVIĆ**

Hvala predsjedavajući. Vjerujem da svi mi kada smo pružali ruku ili prst da nam izmjere šećer u krvi ono ako ništa osjećali smo nelagodu. Pa kad nas bocne boli ali mi kao hrabri, izdržali taj ubod. I svi smo to prošli.

I svi smo znali da većina relativno starijih ljudi mogu imati problem sa dijabetesom. I onda smo zamišljali ili pomagali na način da smo pridruživali se da kupujemo te trakice da im kao olakšamo. Mada Federalni zavod u određenim segmentima sufinansira i to ali ne svima.

Ali niko nije razmišljao koliko je to potrebnih uboda dnevno. Mjesečno. A onda recimo kada se upustite u to i saznate da je za normalno stanje bez bilo kakve krize potrebno izvršiti deset do petnaest uboda dnevno.

Pa preračunate koliko je to godišnje, to je negdje preko pet i po hiljada. Ako imate još intenzivnu inzulinsku terapiju te ubode ne računamo. Ako imate krizno stanje, to može biti dvadeset i pet uboda dnevno. Dakle to je skoro sedam, osam hiljada uboda godišnje.

I vjerujem da je malo ko od nas, siguran sam da je tako, razmišljao o djeci, o bebama, koje imaju isti problem. I zamislite te male dječije rukice koje trebate ubosti danas deset, petnaest, dvadeset puta dnevno. Ili dok spavaju.

Imao sam priliku da čujem u razgovorima roditelje gdje ta djeca kada ih probude u pola noći ili rano jutro da im izmjere šećer u krvi, zatraže da bar sami sebe ubodu. Kako je roditeljima koji prate tu djecu kad idu recimo u školu ili iz minute u minutu se stanje može pogoršati. Može doći do šoka. Do smrti djeteta. Koliko je ljudi moralo odvaljivati vrata i zvati vatrogasce kada dijete eventualno ostane samo u kući i dođe do šoka.

Nismo razmišljali o tome. Vjerujem većina nas koji nismo bili direktno uključeni osim eto recimo liječnika koji žive sa tim problemom, nije to pratio na takav način kao što recimo to žive ljudi i roditelji te djece i ta djeca.

Iz ovog razloga simbolično na Dan zdravstva evo prošle sedmice pokrenuta je ta inicijativa da idemo ka rješavanju tog problema. A on je vrlo jednostavan. Dvije decenije na Zapadu, ako kažemo tako na Zapadu, postoji rješenje koje je apsurdno jednostavno.

Postoji senzor i odašiljač koji faktički bude zakačen na djetetu na ramenu, pod odjećom i u toku dana iz minute u minutu prati stanje šećera u krvi. Bez dodatnih uboda. Bez bilo čega što bi traumatiziralo dijete. Dok dijete spava. Evo imate taj iza poster, plakata "Za život djece sa manje boli". Ovdje se radi uopšte o kampanji za "Za život sa manje boli". Dakle i djece i odraslih.

Dok dijete spava može se izvršiti mjerenje. Bez uznemiravanje djeteta ili uboda tokom noći. Olakšava roditeljima praćenje, na kompijuteru imaju krivulju dakle stanja. Nekada se djeca ubodu bespotrebno zato što roditelji iz straha da se neće desiti hipoglikemijski šok ili bilo kakva vrsta problema ubodu dijete da provjere a nije niti potrebno.

Ovim senzorima u potpunosti se bar minimalno a možda i u većoj mjeri olakšava život i roditeljima i toj djeci.

Kod nas je problem to što taj senzor nije uopšte niti registrovan. Cijena senzora je 120 maraka za četrnaest dana. Za mjesec dana za dakle tu, taj nadzor mjesečni je 240 maraka. Relativno nije niti skupo.

Ali u današnjem stanju krize u kojem se nalaze roditelji obezbijediti 240 maraka uz sve ono što znači dijabetes, poseban režim života, ishrane i svega ostalog, to je vrlo skupo. Neki to nisu ni razumjeli pa čak i kod nas u gradskoj upravi smatraju to gospodskom bolesti. Ali eto hajde. Bar imamo priliku da pokažemo, ukažemo na ovu vrstu problema.

Ovaj senzor, ja nisam stavljao u predlog naziv senzora, on se zove FreeStyle Libre. Neki su bili prije takođe u optičaju, ali oni koštaju mnogo više. Skuplji su i. Ovo je faktički na svjetskom tržištu najjeftiniji senzor.

I zato bi zamolio da evo mi smo i uradio sam i zahvaljujem se Slađi sekretaru Gradskog vijeća, prije, u toku ove sjednice i prije smo već sastavili prijedlog zaključaka, pa ja neću ovo isticati ona će pročitati u ovom dijelu, da se samo stavi naziv dakle FreeStyle Libre ili neki adekvatan drugi, kako se ne bi desilo bilo šta da nam neko imputira.

Još ću malo recimo o svemu ovome. Vi ste dobili u pisanoj formi. Ne bih vas opterećavao o svim podacima koje sam napisao i u saradnji sa Indrom Bektić sam ovo napravio koja je dala puni angažman u inicijativi, u realizaciji ove inicijative. Opisali smo i



šta znači hipoglikemija, kakva inzulinska terapija, sa čime se sve roditelji susreću, sa svim problemima drugim koji imaju pa recimo i kod nas.

Djeca sa petnaest godina se skidaju sa liste invaliditeta u smislu smanjenja naknade za njegu tuđeg lica i svega ostalog. Potrebno je injekciju glukagona vratiti na esencijalnu listu. Obezbijediti sve vrste inzulina bez naknade na esencijalnoj listi. Dovoljan broj obučanih ljekara na Klinici za pedijatriju i Klinici interzivne bolesti, pardon interne bolesti UKC-a Tuzla. Obezbijediti djeci podjednako pravo na inzulinska pumpe. Vratiti ovo pravo djeci sa navršanih petnaest godina na tuđu njegu i pomoć.

Ima dosta tih prijedloga, inicijativa o tome šta znači prednost recimo tih senzora, gdje sam već rekao da se iz minute u minutu prate aktuelni rezultati pravca, dakle glukoznog pravca i krivulja se prati. Skener mjeri glukozne profila i kod djece ispod odjeće. Moguće je dakle i zimi to očitavati ispod jakne. Stalno su dostupni ti podaci. Pa očitavanje se brojčano prikazuje i trenutna vrijednost glukoze. Grafički se prikazuje i njeno kretanje tokom poslednjih osam sati. Brzinu rasta i trend rasta ili pada glukoze. Kompatibilno lagan za ponijeti u školu. Svakodnevnu upotrebu. Dijete na biciklu ga može koristiti, na izletima. Rekao sam već i kada spava. Potpuna kontrola bolesti je bolja, dakle uz stalnu informaciju o razini i visini glukoze i svega onoga što je bitno da roditelj zna ili bilo ko ko prati stanje djeteta. Smanjen naravno svakako značajan broj uboda. Omogućuje na poseban način mjerenja i glukoze, pa i same terapije.

Ali ono što evo već, ne bih dugo, ostale kolegice i kolege su se već takođe izjasnile da žele da kažu nešto o tome.

Ono što je, ja bi samo sekretara zamolio da u ovim prijedlozima koje sam stavio, dopunimo ih na način, da se dostavi izvještaj, informacija od svih kojima se upućuje, upućuju ovi zaključci, o realizaciji ili kad će biti realizovani ovi zaključci, gdje će. Mi njih dakle upućujemo na razne institucije ali da odmah po dobijanju nam se obrate i dostave Vijeću informaciju šta mogu da realizuju odmah, pogotovo registracija lijeka, odnosno u ovom slučaju kod Agencije za lijekove i medicinska sredstva, senzora i odašiljača.

Dakle šta mogu uraditi, u kojem periodu ili kada će moći uraditi. To je još jedan zaključak.

I obzirom da se ovdje obraćamo Ministarstvu zdravstva TK-a u brojnim situacijama, takođe još jedan zaključak, evo zamolit ću sekretara da evidentira, svi prijedlozi zaključaka koji se odnose na Tuzlanski kanton, da se takođe realizuju i primjenjuju u svim ostalim dijelovima, u svim ostalim kantonima, odnosno Federaciji i cijeloj državi.

Da iniciramo to na svim nivoima. Da ne bude samo u okviru Tuzlanskog kantona briga ovog Gradskog vijeća za ovakvu vrstu problema sa kojima se susreću roditelji, nego da evo iniciramo to i kroz ovaj način.

I evo na kraju nešto što je mene impresioniralo u vezi početka ove inicijative. Na samoj press konferenciji BOSS-a, gdje smo dan prije javno objavili da će biti press konferencija, eto faktički pred početak press konferencije obraća mi se kolega i kaže u hodniku je načelnik Opštine Živinice i želio bi doći da da podršku. Samir Kamenjaković.

Vjerujte da sam ostao trenutno pozitivno politički šokiran. Ja nisam do sada primjetio jednu takvu vrstu djelovanja jednog izabranog zvaničnika da je nenajavljen, bez ikakvog razgovora, pa čak i u situaciji da sam ja mogao reći šta to meni ima dolaziti na press konferenciju predstavnik druge Političke stranke, došao u prostorije BOSS-a.

Samir Kamenjaković je načelnik ispred SDP-a. Moje poimanje same politike, evo dugo sam u politici, dvije i po decenije, pa i više, tri decenije gotovo, nakon dolaska tog čovjeka na tu press konferenciju da da podršku, da svojim prisustvom da podršku ovoj inicijativi, je sigurno drugačije.

I posmatranje tih ljudi političara i svih nas, a svi smo razočarani svim ovim što se dešava od raznoraznih manipulatora koji gledaju lični interes kad glasaju ili slično, narod ih zove papci ili slično, nije ni važno, kada dobijete čovjeka koji vam dođe na press konferenciju pa rizikuje recimo da se možda i njegova Stranka možda naljuti na njega, da ga odbijem da ne uđe, daje nadu da će ova inicijativa zaista biti realizovana.

Ja odajem zaista puno, puno priznanje Samiru Kamenjakoviću načelniku Opštine Živinice, članu eto SDP-a, na punoj podršci ovoj inicijativi i njegov primjer razumijevanja potrebe angažovanja svih nas u realizaciju ove inicijative treba da bude podstrek svima na svim nivoima vlasti da na sličan način djelujemo, ne samo u ovoj situaciji nego u svim ostalim situacijama kada se trebamo boriti za zaštitu interesa građana.

Dakle hvala Samiru, evo hvala i nama vijećnicima, vama vijećnicima koji ste evo i ovu inicijativu prihvatili iako smo danas bili dogovorili da neće ići druge tačke u okviru ove sjednice Gradskog vijeća Tuzla, Slađi na evo takođe doprinosu da pripremimo i prijedlog zaključaka koji će biti već pripremljeni za realizaciju za izglasavanje i da nastavimo i na narednoj sjednici pratiti realizaciju ovih naših zaključaka, da i to se obavežemo kao jedan zaključak, da u najkraćem ako je moguće a može, evo i u Hrvatskoj taj senzor nije bio upisan u Agenciji za lijekove i medicinska sredstva, evo za nekoliko dana se faktički očekuje da će ga Agencija evidentirati i biće dostupan građanima, da se i mi angažujemo da za bar mjesec dana i može se za mjesec dana efektivno obezbijediti da Agencija stavi senzor na listu lijekova i medicinskih sredstava i da omogućimo dok bar ne dođe ova realizacija.

Recimo imamo situaciju da Federalni zavod zdravstvenog osiguranja sufinansira trakice. Evo i taj predlog ima da se, ako nije u zaključku, evo zamolit ću Slađu da vidi, da i tu sugerišemo da umjesto sufinansiranja tih trakica zamjeni se to, (SLAĐANA KRAJINA – Ima.) da ako već ima, finansiranjem ovih senzora još dodatnim sredstvima da to uradimo što brže moguće.

Da ne dozvolimo da ova inicijativa bude sad realizovana nekad ako bude ikada u narednom periodu, nego da mi kao Gradsko vijeće, već na narednoj sjednici u aprilu, dobijemo informaciju šta se uradilo, ponovimo opet apel, zahtjev svim, na svim nivoima ko god ima mogućnost da da svoj doprinos, podsjećajući ih na ovaj plakat. Evo da i ovaj plakat bude sastavni dio slanja dopisa svima kojima se budemo obraćali jer zaista vizuelno pokazuje u kakvom stanju se nalaze djeca, a šta im mi kao političari možemo obezbijediti da imaju dijelom bar miran san da prespavaju tu noć i oni i roditelji.

Jer čuo sam roditelja koji je bio na press konferenciji sa djetetom, sa djevojčicom, da nikada nijednu noć nije prespavao cijelu. Da je svaku noć budan i prati nadzor nad svojom djevojčicom da neće doći do šoka.

Eto ja vam se svima zahvaljujem na ovom. Pokušao sam biti što kraći. Hvala još jednom na podršci za realizaciju ove tačke dnevnog reda. Hvala.

## **ALEKSANDAR VUJADINOVIĆ**

Uredu. Hvala lijepo. Čuli smo obraćanje predlagачa. Otvaram raspravu klubova vijećnika. Vijećnica SBB-a BiH, Lejla Osmančević. Izvolte.

## **LEJLA OSMANČEVIĆ – vijećnik Saveza za bolju budućnost**

Ja vas sve srdačno pozdravljam s obzirom da se prvi put javljam danas za riječ i opet želim

puno uspjeha u daljem radu iako smo na predzadnjoj tački dnevnog reda imat ćemo i pod tekućim pitanjima puno, puno zanimljivih inicijativa.

Što se tiče Kluba vijećnika Saveza za bolju budućnost mi ćemo naravno podržati ovu inicijativu i svaku inicijativu koja se tiče promocije zdravlja i zaštite zdravlja, naročito kada se tiče zaštite zdravlja najosjetljivije populacione kategorije a to su djeca.

Nekako spontano i od mene se uvijek očekuje a ja jedva dočekam da bude tačka dnevnog reda koja se tiče problematike djece, zdravstva i tako dalje i zasita se zahvaljujem i Gradskom vijeću a i inicijatorima što su dali i prostor i vrijeme da oni koji se suočavaju sa ovom bolešću a ja sam u direktnom kontaktu s obzirom da je dijabetes udruženo sa jednom bolesti probavnog sistema i ja kao gastroenterolog se bavim time, ja se zahvaljujem što ste omogućili ovim ljudi da kažu sa kakvim se problemima suočavaju i kakva je to bolest.

Tako da sam na neki način i sebična pa ću iskoristiti ovu tačku dnevnog reda da nešto, nešto kažem i o tome.

Medijski je već bilo popraćeno tokom vikenda ovo i bilo je naslućeno da bi jedna od tačaka dnevnog reda mogla biti, mogla biti i ovo, tako da sam ja već od ponedjeljka početkom radne sedmice bila bukvalno bombardovana što roditeljima, što mojim pacijentima sa zahtjevima, molbama kako bi ja to mogla i šta bi ja to trebala da kažem i kakvi su to njihovi problemi.

I jedan od komentara je bio od jednog dječaka, malog dječaka dobi četiri godine, kad je reko e doktorice de vi to lijepo od početka krenite kako mi od ujutro do naveče se, kakav je naš dan i sa kakvim problemima se suočavamo.

Ja naravno neću vama detaljisat. Reću samo kao stručnjak da je to bolest isključivo, znači hronična je bolest i to je inzulin ovisna bolest u kojoj se djeca najmanje dva puta dnevno moraju bost i davat taj lijek ispod kože sebi.

Nije to jedino opterećenje sa kojim se suočavaju jer šećer u krvi. Evo sad ću to slikovito objasniti. Mi recimo danas smo manje fizički aktivni, možda smo malo više ugljikohidrata unijeli, bili smo pod većim stresom, međutim naša žlijezda koja se nalazi pankras koja se nalazi ispod srca to tako fino reguliše bez našeg znanja.

To kod djece oboljele od dijabetisa, odnosno inzulin ovisnog dijabetesa moraju da rade roditelji, odnosno, odnosno djeca nakon što se educiraju.

Šećer u krvi mora biti stalno u jednom istom nivou. U slučaju da je viši a pogotovo niži, može, može ugroziti život djeteta. Način na koji to roditelji, odnosno djeca kontrolišu jeste ubodima.

Dobiju oni određena sredstva za, za, za to, međutim vi nikad ne možete ta tri fronta a to je unos šećera, odnosno hranu, fizičku aktivnost, stres ili bilo šta drugo kontrolisati. Zato redovno moraju, moraju da se budu.

Na stranu ta materijalna znači opterećenost roditelja meni je važnije taj problem koji oni imaju problem sa, sa boli. Naravno, ponovit ću da Klub vijećnika Saveza za bolju budućnost podržava sve ove inicijative. Ja vam se opet zahvaljujem što ste nam dali prostora da o svemu ovome, o svemu ovome govorimo.

I samo ću na kraju istaći značaj ovog prijedloga, odnosno inicijative, da se obezbijedi dovoljan broj obučanih ljekara i na Klinici za dječije bolesti i na Klinici za interne bolesti UKC-a Tuzla, imamo riječi i zahvale i podrške i bukvalno oduševljenja od strane uposlenika Kliničkog centra.

Ja znam da veći dio ovih stvari nisu u našoj nadležnosti, nisu u našoj ovlasti, ali ja ću povratnu informaciju prenijeti, prenijet u Klinički centar i samo ću naglasiti, odnosno podsjetit ću nas na važnost onoga što resorno ministarstvo, odnosno Ministarstvo zdravstva trenutno radi, a to je Projekat zapošljavanja kadrova, odnosno ljekara u zdravstvene ustanove na području TK-a.

Ja se nadam da će, da će taj Projekat omogućiti zaposlenje u Kliničkom centru Tuzla i rješavanju ovog njihovog problema, a to je mali broj dovoljno educiranih, obučenih ljekara vezano za ovu, ovu problematiku.

Eto ja vam se izvinjavam. Iskoristila sam priliku i hvala vam.

### **ALEKSANDAR VUJADINOVIĆ**

Uredu. Hvala. Elvir Mahmuzić, SDP.

### **ELVIR MAHMUZIĆ – vijećnik Socijaldemokratske partije**

Ma vrlo kratko. Jako pohvalna i dobra inicijativa i definitivno Klub vijećnika SDP-a će podržati ovakvu inicijativu, pogotovo kad se radi o hajmo reći djeci jer tu smo svi osjetljivi i nekako, složit će se kolega Mirnes Ajanović, da ovdje nema ni prostora ni politici da bi mi uopšte ovo nikako ne trebamo gledat ni politički, nego jednostavno da svi damo jednu bezrezervnu podršku ovakvoj inicijativi i to je stav ovoga Kluba SDP-a.

### **ALEKSANDAR VUJADINOVIĆ**

Hvala. Elvir Bijedić, SDP. Pardon. Izvinjavam se. Ovo je bilo u ime Kluba. Uredu. Da li se još neko ispred klubova javlja za riječ? Dobro. Onda zatvaram raspravu klubova. Otvaram raspravu vijećnika. Elvir Bijedić, SDP. Izvolite.

### **ELVIR BIJEDIĆ**

Zahvaljujem predsjedavajući. Dakle apsolutna puna podrška i iskrene čestitke na jednoj ovakvoj inicijativi, od srca zaista, jer mislim svi smo oni koji su roditelji ovdje znamo šta je za, kakvu traumu predstavlja za dijete jedna vakcinacija a zamislite ovo još kao što kaže doktorica Lejla par puta dnevno dijete koje treba da se, da se bude. Dakle apsolutno nema nikakve dileme.

Ono što bih ja evo iskoristio u ovih par momenata samo da kažem da a trenutno sam učesnik jednog Projekta “Testiranje motoričkih sposobnosti djece u školskom uzrastu“ i ne bih htio da kvarim ovu inicijativu, nego samo par ulaznih informacija da kažem.

Da apsolutno kao društvo moramo povesti mnogo, mnogo više računa o djeci, o toj populaciji ranjivoj, u smislu dakle da se bave sportom. Kad kažem bave sportom mislim kvalitetno bave sportom. Dakle nije dovoljno ga učlaniti u neku školu sporta pa gdje će on onako provesti par sati ovaj odvojeno od kuće, nego da to zaista bude kvalitetno bavljenje sportom, način prehrane.

Mislim posle struke se ne govori, ja se izvinjavam doktorici Osmančević, ona je to lijepo obrazložila, ali ja evo kao sportsko-zdravstveni radnik imam potrebu da kažem da mislim da ne bi trebali ovaj zapustiti a krenuli smo u lošem pravcu.

Mislim da moramo probuditi i svoju svijest i svijest naše okoline o zdravom načinu života, kako našem tako i djece. Dakle ne mali broj slučajeva dakle da, neka me demantuje doktorica Osmančević ako nisam u pravu, ali mislim da je genetski to itekako ovaj nasljedno. Znači ako ne možemo prevenirati kod tek rođene djece, možemo sasvim sigurno mnogo toga poraditi na sebi je li i fizički se baviti aktivnošću i pravilna prehrana, uopšte generalno odnos, odnos prema životu.

Još jednom hvala vijećniku Ajanoviću na ovakvoj jednoj inicijativi, koju ćemo apsolutno bez rezerve podržat. Zahvaljujem.

## ALEKSANDAR VUJADINOVIĆ

Hvala. Da li se još neko javlja za riječ? Ne vidim. Znači zatvaram raspravu vijećnika. Pa ja ću zamoliti znači sekretara znači da nam ovaj.

Dobro dok pripremi zaključke, onda mogu ja, znači možemo krenuti na izjašnjavanje kao vijećnici znači inicijative „Za život sa manje boli“ u cilju nabavke senzora za bezbolno i kontinuirano mjerenje nivoa šećera u krvi za djecu i odrasle oboljele od dijabetesa.

Sada stavljam na izjašnjavanje i pozivam vijećnike da aktiviraju uređaje za elektronsko glasanje i da se pritiskom na odgovarajući taster izjasne za prijedlog, ili protiv prijedloga, ili kao suzdržani u odnosu na prijedlog. Glasanje je okončano.

27 vijećnika je glasalo za, niko nije bio protiv ni suzdržan, te konstatujem da je INICIJATIVA „ZA ŽIVOT SA MANJE BOLII“ U CILJU NABAVKE SENZORA ZA BEZBOLNO I KONTINUIRANO MJERENJE NIVOA ŠEĆERA U KRVI ZA DJECU I ODRASLE OBOLJELE OD DIJABETESA, jednoglasno usvojena.

Sada ćemo pozvati sekretara Gradskog vijeća da nam pročita zaključke.

## SLADANA KRAJINA

- Gradsko vijeće Tuzla sugeriše Agenciji za lijekove i medicinska sredstva Bosne i Hercegovine da se senzor za kontinuirano mjerenje glukoze u krvi koji detektuje i signalizira previsoke ili preniske vrijednosti šećera u krvi FREE STYLE LIBRE (ABBOT) ili drugi odgovarajući uređaj (DEXCOM) i čitač za očitavanje vrijednosti uvrste u odgovarajući Registar lijekova, odnosno Registar medicinskih sredstava koja imaju dozvolu za stavljanje u promet u Bosni i Hercegovini, imajući u vidu činjenicu da u većini evropskih zemalja zdravstveno osiguranje pokriva nabavku ovog uređaja.

- Gradsko vijeće Tuzla sugeriše Zavodu zdravstvenog osiguranja Federacije Bosne i Hercegovine da se razmotri mogućnost da se sredstva za sufinansiranje trakica za kontrolu šećera preusmjere za nabavku senzora za bezbolno i kontinuirano mjerenje glukoze, odnosno nivoa šećera u krvi i čitača za očitavanje vrijednosti.

- Gradsko vijeće Tuzla upućuje apel nosiocima izvršne i zakonodavne vlasti na svim nivoima u Bosni i Hercegovini i predstavnicima političkih stranaka koje participiraju u organima vlasti da poduzmu, u okviru svojih nadležnosti i ovlaštenja i u skladu sa važećim zakonskim propisima, sve što je potrebno kako bi se što prije obezbjedila nabavka senzora oboljelima od dijabetesa.

- Gradsko vijeće Tuzla traži od Gradonačelnika Grada Tuzla i Službe za budžet i finansije da razmotre zakonske, finansijske i druge mogućnosti da se sredstva za nabavku senzora za bezbolno i kontinuirano mjerenje nivoa šećera u krvi i čitača za očitavanje vrijednosti za oboljele od dijabetesa na području grada Tuzla, u periodu do rješavanja procedure registracije ovog uređaja u Bosni i Hercegovini, pokušaju obezbjediti u Budžetu Grada Tuzla.

- Gradsko vijeće Tuzla sugeriše Ministarstvu zdravstva Tuzlanskog kantona, Zavodu zdravstvenog osiguranja Tuzlanskog kantona i Komisiji za lijekove pri Ministarstvu zdravstva Tuzlanskog kantona da se što prije pokrenu aktivnosti u cilju vraćanja injekcija glukagona sa bolničke na Pozitivnu listu lijekova Tuzlanskog kantona koje finansira Zavod zdravstvenog osiguranja Tuzlanskog kantona (Esencijalnu listu.) kao i da se na Pozitivnoj listi obezbjede sve vrste inzulina, bez naknade s obzirom da se na istoj nalaze samo neke vrste inzulina, zbog čega su roditelji prinuđeni da ih doplaćuju ili vlastitim sredstvima kupuju.

- Gradsko vijeće Tuzla sugeriše Zavodu zdravstvenoj osiguranja Tuzlanskog kantona i menadžmentu Javne zdravstvene ustanove Univerzitetski klinički centar Tuzla da se na Klinici za dječije bolesti i na Klinici za interne bolesti obezbjedi dovoljan broj ljekara obučenih za postavljanje i praćenje rada inzulinske pumpe kao i da se razmotri mogućnost da se za svu djecu oboljelu od dijabetesa obezbjedi jednako pravo na inzulinsku pumpu koja velikom broju oboljele djece predstavlja jedini način normalne regulacije nivoa šećera u krvi.

- Gradsko vijeće Tuzla sugeriše menadžmentu Javne zdravstvene ustanove Univerzitetski klinički centar Tuzla da se razmotri mogućnost nastavka liječenja djece sa navršениh 15 godina života do navršениh 18 godina života na Klinici za dječije bolesti, s obzirom da je Zakonom o osnovama socijalne zaštite, zaštite civilnih žrtava rata i zaštite obitelji sa djecom propisano da se djetetom smatra osoba do 18 godina života kao i da Konvencija o pravima djeteta djetetom smatra svako ljudsko biće mlađe od 18 godina, jer se sada sva oboljela djeca, čim navrše 15 godina, upućuju na liječenje na Kliniku za interne bolesti na kojoj, prema nekim saznanjima, niti jedan liječnik nije prošao obuku za postavljanje i praćenje rada inzulinske pumpe.

- Gradsko vijeće Tuzla sugeriše Insitutu za medicinsko vještačenje zdravstvenog stanja da se razmotri mogućnost pokretanja odgovarajućih procedura u cilju vraćanja prava na tuđu njegu i pomoć djeci oboljeloj od dijabetesa sa navršениh 15 godina života s obzirom da ta djeca nisu u stanju samostalno voditi brigu o svom životu i zdravlju.

- Gradsko vijeće Tuzla traži od svih na koje se odnose zaključci u vezi sa ovom Inicijativom, da dostave Gradskom vijeću Tuzla informaciju o mogućnostima, načinu i dinamici realizacije zaključaka, naročito kada su u pitanju zaključci koji se odnose na registraciju i nabavku senzora za kontinuirano mjerenje glukoze u krvi.

- Gradsko vijeće Tuzla upućuje inicijativu svim izvršnim i zakonodavnim organima da se prijedlozi zaključaka Gradskog vijeća Tuzla koji se odnose na kantonalne organe primjenju i u drugim općinama na području Tuzlanskog kantona, te eventualno na području drugih općina i gradova u Federaciji Bosne i Hercegovine i u cijeloj Bosni i Hercegovini.

- Gradsko vijeće Tuzla će i ubuduće pratiti realizaciju ovih zaključaka te će, u tom cilju, pokrenuti određene aktivnosti (Traženje informacija o realizaciji Inicijative, urgiranje realizacije zaključaka, uvrštavanje u dnevni red informacije o realizaciji usvojenih zaključaka i slično.).

## **ALEKSANDAR VUJADINOVIĆ**

Uredu. Čuli ste pročitane zaključke. Pa vas molim da se o njima izjasnimo. Izvolte.

Sada stavljam na izjašnjavanje zaključke koje je pročitala sekretar Gradskog vijeća i pozivam vijećnike da aktiviraju uređaje za elektronsko glasanje i da se pritiskom na odgovarajući taster izjasne za prijedlog, ili protiv prijedloga, ili kao suzdržani u odnosu na prijedlog. Glasanje je okončano.

25 vijećnika je glasalo za, niko nije bio protiv ni suzdržan, te konstatujem da su jednoglasno usvojeni sljedeći zaključci:

- Gradsko vijeće Tuzla sugeriše Agenciji za lijekove i medicinska sredstva BiH da se senzor za kontinuirano mjerenje glukoze u krvi koji detektuje i signalizira previsoke ili preniske vrijednosti šećera u krvi FREE STYLE LIBRE (ABBOT) ili drugi odgovarajući uređaj (DEXCOM) i čitač za očitavanje vrijednosti uvrste u odgovarajući Registar lijekova odnosno Registar medicinskih sredstava koja imaju dozvolu za stavljanje u promet u Bosni i Hercegovini, imajući u vidu činjenicu da u većini evropskih zemalja zdravstveno osiguranje pokriva nabavku ovog uređaja.

- Gradsko vijeće Tuzla sugeriše Zavodu zdravstvenog osiguranja i reosiguranja FBiH da se razmotri mogućnost da se sredstva za sufinansiranje trakica za kontrolu šećera preusmjere za nabavku senzora za bezbolno i kontinuirano mjerenje glukoze odnosno nivoa šećera u krvi i čitača za očitavanje vrijednosti.

- Gradsko vijeće Tuzla upućuje apel nosiocima izvršne i zakonodavne vlasti na svim nivoima u Bosni i Hercegovini i predstavnicima političkih stranaka koje participiraju u organima vlasti da poduzmu, u okviru svojih nadležnosti i ovlaštenje i u skladu sa važećim zakonskim propisima, sve što je potrebno kako bi se što prije obezbjedila nabavka senzora oboljelim od dijabetesa.

- Gradsko vijeće Tuzla traži od Gradonačelnika Grada Tuzla i Službe za budžet i finansije da razmotre zakonske, finansijske i druge mogućnosti da se sredstva za nabavku senzora za bezbolno i kontinuirano mjerenje nivoa šećera u krvi i čitača za očitavanje vrijednosti za oboljele od dijabetesa na području grada Tuzla, u periodu do rješavanja procedure registracije ovog uređaja u Bosni i Hercegovini, pokušaju obezbjediti u Budžetu Grada Tuzla.

- Gradsko vijeće Tuzla sugeriše Ministarstvu zdravstva TK, Zavodu zdravstvenog osiguranja TK i Komisiji za lijekove pri Ministarstvu zdravstva TK da se što prije pokrenu aktivnosti u cilju vraćanja injekcija glukagona sa bolničke na Pozitivnu listu lijekova Tuzlanskog kantona koje finansira Zavod zdravstvenog osiguranja TK (Esencijalnu listu) kao i da se na Pozitivnoj listi obezbjede sve vrste inzulina, bez naknade s obzirom da se na istoj nalaze samo neke vrste inzulina, zbog čega su roditelji prinuđeni da ih doplaćuju ili vlastitim sredstvima kupuju.

- Gradsko vijeće Tuzla sugeriše Zavodu zdravstvenoj osiguranja TK i menadžmentu JZU UKC Tuzla da se na Klinici za dječije bolesti i na Klinici za interne bolesti obezbjedi dovoljan broj ljekara obučenih za postavljanje i praćenje rada inzulinske pumpe kao i da se razmotri mogućnost da se za svu djecu oboljelu od dijabetesa obezbjedi jednako pravo na inzulinsku pumpu koja velikom broju oboljele djece predstavlja jedini način normalne regulacije nivoa šećera u krvi.

- Gradsko vijeće Tuzla sugeriše menadžmentu JZU UKC Tuzla da se razmotri mogućnost nastavka liječenja djece sa navršenih 15 godina života do navršenih 18 godina života na Klinici za dječije bolesti, s obzirom da je Zakonom o osnovama socijalne zaštite, zaštite civilnih žrtava rata i zaštite obitelji sa djecom propisano da se djetetom smatra osoba do 18 godina života kao i da Konvencija o pravima djeteta djetetom smatra svako ljudsko biće mlađe od 18 godina, jer se sada sva oboljela djeca, čim navrše 15 godina, upućuju na liječenje na Kliniku za interne bolesti na kojoj, prema nekim saznanjima, niti jedan ljekar nije prošao obuku za postavljanje i praćenje rada inzulinske pumpe.

- Gradsko vijeće Tuzla sugeriše Insitutu za medicinsko vještačenje zdravstvenog stanja da se razmotri mogućnost pokretanja odgovarajućih procedura u cilju vraćanja prava na tuđu njegu i pomoć djeci oboljeloj od dijabetesa sa navršenih 15 godina života s obzirom da ta djeca nisu u stanju samostalno voditi brigu o svom životu i zdravlju.

- Gradsko vijeće Tuzla traži od svih na koje se odnose zaključci u vezi sa Inicijativom, da dostave Gradskom vijeću Tuzla informaciju o mogućnostima, načinu i dinamici realizacije zaključaka, naročito kada su u pitanju zaključci koji se odnose na registraciju i nabavku senzora za kontinuirano mjerenje glukoze u krvi.

- Gradsko vijeće Tuzla upućuje inicijativu svim izvršnim i zakonodavnim organima da se prijedlozi zaključaka Gradskog vijeća Tuzla koji se odnose na kantonalne organe primjenju i u drugim općinama na području Tuzlanskog kantona, te eventualno na području drugih općina i gradova u Federaciji BiH i u cijeloj Bosni i Hercegovini.

- Gradsko vijeće Tuzla će i ubuduće pratiti realizaciju ovih zaključaka te će, u tom cilju, pokrenuti određene aktivnosti (Traženje informacija o realizaciji Inicijative, urgiranje realizacije zaključaka, uvrštavanje u dnevni red informacije o realizaciji usvojenih zaključaka i dr.).

Prelazimo na desetu tačku dnevnog reda:

#### **RASPRAVA O NACRTU:**

**a) ZAKONA O IZMJENAMA I DOPUNAMA ZAKONA O USLOVIMA I POSTUPKU LEGALIZACIJE BESPRAVNO IZGRAĐENIH GRAĐEVINA**

**b) ZAKONA O DOPUNAMA ZAKONA O POREZU NA PROMET NEPOKRETNOSTI I PRAVA**

Obrađivači su: Ministarstvo prostornog uređenja i zaštite okolice Tuzlanskog kantona pod a), Ministarstvo finansija TK-a pod b).

A materijal su razmatrali: Komisija za statutarna pitanja i propise, Komisija za ekonomske odnose, Komisija za prostorno uređenje i zaštitu okoline, Komisija za poduzetništvo, Komisija za mlade, obrazovanje i sport i klubovi vijećnika.

Obavještavam vijećnike da su me predstavnici Ministarstva finansija TK-a obavijestili da, zbog ranije preuzetih obaveza, nisu bili u mogućnosti prisustvovati današnjoj sjednici znači Gradskog vijeća a s obzirom da su oni jedni od onih koji su znači bili obrađivači materijala, odnosno vezani za ovu podtačku b), tačke deset.

Ima li potrebe da obrađivač materijala da uvodno izlaganje, odnosno predlagač? Nema. Treba li se pročitati izvještaji komisija? Nema potrebe.

Znači otvaram raspravu klubova vijećnika. Izvolte. Ukoliko se. (ERNA DELIĆ - A i b zajedno.) Dobro. Možete. Evo klubova vijećnika, evo Erna Delić, SDP. Izvolite.

#### **ERNA DELIĆ**

Zahvaljujem predsjedavajući. Evo ja ću zaista kratko vezano za podtačku b) zakona o dopunama Zakona o porezu na promet nepokretnosti i prava.

Mi smo uz ovaj zakon dobili i predloženu inicijativu da se, određenog poslanika čini mi se da ovdje piše Midhat Čaušević, da se inicira poresko oslobađanje od plaćanja poreza na promet nepokretnosti i prava mladih bračnih parova koji prvi put rješavaju stambeno pitanje i prijedlog Kluba SDP-a Bosne i Hercegovine bio bi da se izmijeni dio ove rečenice koji se tiče, koji kaže i prava mladih bračnih parova a da stoji i prava mladih.

Dakle da ne bude preduslov da su mladi u braku. Postoje i mladi koji su, koji imaju, nije bitno ni da li su i u vanbračnoj zajednici ili ne ali možda kao individue žele da se stambeno osiguraju a ne moraju uslovljeni biti da moraju biti u braku.

Drugi prijedlog izmjene jeste. Dole u drugom dijelu kaže, predlagač zakona predložio je životnu dob u smislu ovog zakona do 30 godina starosti, ali ostavlja i ostavlja mogućnost drugačijeg rješenje u toku obavljanja javne rasprave.

Obzirom da evo raspravljamo o ovom zakonu, mi predlažemo dobnu granicu do 35 godina starosti, obzirom da je kako je trenutno stanje u društvu jako teško biti kreditno sposoban do 30 godine, pa možda prozor da mladima ostaviti do 35 godina.

Ne, ne uslovljavamo, ali obzirom da je data mogućnost da učestvujemo u raspravi i da je data mogućnost izmjene konkretno ovog dijela ove inicijative, predlažemo da je ta dobna granica do 35 godina.



Napomenula bih ovdje u ovoj inicijativi stoji da Gradsko vijeće je obavezno Ministarstvu finansija dostaviti pismeno izjašnjenje o fiskalnom uticaju predloženog Nacrta zakona o dopunama Zakona o porezu na promet nepokretnosti i prava na budžet jedinice lokalne samouprave najkasnije do 28. 04. obzirom da svi ovi prihodi ukoliko bi se ova inicijativa usvojila ukoliko bi mladi bili oslobođeni plaćanja ovog poreza to se odnosi na prihode samog našeg Grada, te je potrebno i da se Služba za budžet i finansije isto tako izjasni.

Obzirom da smo mi već u prethodnom periodu imali jednu Inicijativu koja se tiče sufinansiranja kamate kredita sa stambeno zbrinjavanje mladih, evo pohvaljujemo i ovu inicijativu i evo nadamo se da će ovi prijedlozi koje smo danas iznijeli u okviru ove javne rasprave uroditi plodom i da će predlagač ove inicijative, odnosno izmjene ovog Zakona i sama skupštinska većina uvažiti naše prijedloge. Hvala.

### **ALEKSANDAR VUJADINOVIĆ**

Uredu. Hvala. Da li se još neko javlja za riječ? Ukoliko se ne javlja, zatvaram raspravu klubova vijećnika. Otvaram raspravu vijećnika. Dobro. Ukoliko se niko nije javio, zatvaram raspravu vijećnika.

(SLAĐANA KRAJINA – Ima mišljenje Službe za prostorno. Je li ga prihvatate ili ne?)

Imamo mišljenje Službe za prostorno, pa ima i. (SLAĐANA KRAJINA – Mišljenje Službe.) (ERNA DELIĆ – Za obadvoje.) (SLAĐANA KRAJINA - Za oba zakona. Za jedno ima od Službe za prostorno uređenje, za drugo Ministarstva finansija. Pa trebalo bi vidjeti je li prihvatate ili ne prihvatate. Hoćemo li i njega uputiti ministarstvima. Dobili ste u materijalu današnjem) (MIRNES AJANOVIĆ – Poslovnička intervencija.)

Poslovnička intervencija Mensur, Mirnes Ajanović. Izvolte. BOSS. Izvinjavam se. Samo malo. Mirnes Ajanović, BOSS. Izvolite.

### **MIRNES AJANOVIĆ**

Jeste. Ništa, ne smeta. Jeste. Hvala. Imamo mi i u materijalima dobili smo i predloge od službi, pa i njih trebamo uvrstiti kao sastavni dio zaključaka pa da ih uputimo.

### **ALEKSANDAR VUJADINOVIĆ**

Dobro. (SLAĐANA KRAJINA – Pa to i govorim. To i govorim. Samo neko treba predložiti da bi se uvrstili.)

### **MIRNES AJANOVIĆ**

Pa evo predlažemo za uvrštavanje. (SLAĐANA KRAJINA – Dobro.) Dakle predlog da se uvrste i zaključci, sugestije službi u vezi ovih tačaka. (ALEKSANDAR VUJADINOVIĆ – Koje su obrađivale materijale.) Jeste. Koje su obrađivale materijale.

### **ALEKSANDAR VUJADINOVIĆ**

Dobro. Uredu. Je li se slažete sa ovim zaključkom? Dobro.

Onda konstatujem znači da je Gradsko vijeće Tuzla vodilo raspravu o Nacrtu pod a) zakona o izmjenama i dopunama Zakona o uslovima i postupku legalizacije bespravno izgrađenih građevina i pod b) zakona o dopunama Zakona o porezu na promet nepokretnosti i prava.

Ima li potrebe da čitamo znači ovaj zaključke? Pa evo zamolit ćemo sekretara Gradskog vijeća da nam pročita prijedlog zaključaka.

## **SLAĐANA KRAJINA**

Zaključak podtačka a):

- Gradsko vijeće Tuzla prihvata sugestije i primjedbe na Nacrt zakona o izmjenama i dopunama Zakona o uslovima i postupku legalizacije bespravno izgrađenih građevina date od strane Službe za prostorno uređenje i zaštitu okoline, broj 06/1-23-SI-94/18 od 20. 03. 2018. godine i iste prosljeđuje Ministarstvu prostornog uređenja i zaštite okolice Tuzlanskog kantona.

Podtačka b):

- Gradsko vijeće Tuzla prihvata Mišljenje Službe za budžet i finansije u vezi sa Nacrtom zakona o porezu na promet nepokretnosti i prava, broj 03-2/8/2018 AK od 26. 03. 2018. godine i isto prosljeđuje Ministarstvu finansija Tuzlanskog kantona.

- Gradsko vijeće Tuzla predlaže da u Prijedlogu Zakona, dopunama Zakona o porezu na promet nepokretnosti i prava, umjesto riječi “pravo mladih bračnih parova” da stoji “prava mladih”, te da dobna granica mladih bude do 35 godina starosti.

## **ALEKSANDAR VUJADINOVIĆ**

Uredu. Sada stavljam na izjašnjavanje zaključke koje je pročitala sekretar Gradskog vijeća i pozivam vijećnike da aktiviraju uređaje za elektronsko glasanje i da se pritiskom na odgovarajući taster izjasne za prijedlog, ili protiv prijedloga, ili kao suzdržani u odnosu na prijedlog. Glasanje je okončano.

23 vijećnika su glasala za, niko nije bio protiv ni suzdržan, te konstatujem da su jednoglasno usvojeni sljedeći zaključci:

Podtačka a)

1. Gradsko vijeće Tuzla prihvata sugestije i primjedbe na Nacrt zakona o izmjenama i dopunama Zakona o uslovima i postupku legalizacije bespravno izgrađenih građevina date od strane Službe za prostorno uređenje i zaštitu okoline, broj 06/1-23-SI-94/18 od 20. 03. 2018. godine i iste prosljeđuje Ministarstvu prostornog uređenja i zaštite okolice TK.

Podtačka b)

1. Gradsko vijeće Tuzla prihvata Mišljenje Službe za budžet i finansije u vezi sa Nacrtom zakona o porezu na promet nepokretnosti i prava, broj 03-2/8/2018 AK od 26. 03. 2018. godine i isto prosljeđuje Ministarstvu finansija TK.

2. Gradsko vijeće Tuzla predlaže da u Prijedlogu Zakona o porezu na promet nepokretnosti i prava, umjesto riječi “mladi bračni parovi” stoji “mladi” te da dobna granica mladih bude 35 godina starosti.

Prelazimo na jedanestu tačku dnevnog reda:

## **TEKUĆA PITANJA**

- a) Obavještenje o razlozima prolongiranja izrade Pravilnika o izmjenama i dopunama Pravilnika o načinu korištenja, redu i radu na taksi stajalištima i kriterijima za dodjelu taksi stajališta
- b) Obavještenje o razlozima prolongiranja izrade Informacije o statusu i stanju grobalja/mezarja na području grada Tuzla
- c) Inicijativa za izgradnju spomenika Husein-kapetanu Gradaševiću, Zmaju od Bosne, u Gradskom parku Tuzla, preko puta spomenika Tvrtku I Kotromaniću
- d) Urgencija urgencije na urgenciju za saniranje udarnih rupa na saobraćajnicama u Tuzli
- e) Inicijativa da se osigura besplatan parking vlasnicima vozila na električni pogon
- f) Inicijativa za regulisanje raskrsnice u MZ Solana
- g) Inicijativa za asfaltiranje ulice Gine Herman
- h) Inicijativa za dostavljanje izvještaja o radu savjeta mjesnih zajednica na području grada Tuzla
- i) Urgencija za otklanjanje zaštitne ograde na regionalnom putu Tuzla - Čelić u naselju Solina
- j) Obavještenje Službe za komunalne poslove, izgradnju i poslove mjesnih zajednica o razlozima prolongiranja izrade odluke o komunalnom redu
- k) Obavještenje Službe za komunalne poslove, izgradnju i poslove mjesnih zajednica o razlozima prolongiranja izrade Programa kapitalnih investicija Grada Tuzla za period 2018 - 2022 godina
- l) Obavještenje Službe za boračko-invalidsku zaštitu, stambene poslove i integraciju raseljenih lica o razlozima prolongiranja izrade odluke o postupku, uslovima i kriterijima za zaključenje ugovora o zakupu napuštenih stanova koji su stavljeni na raspolaganje Gradu Tuzla
- m) Obavještenje JU Narodna i univerzitetska biblioteka Tuzla o razlozima prolongiranja izvještaja o radu i poslovanju za 2017. godinu
- n) Inicijativa za imenovanje ulice „Omladinsko šetalište Srđana Aleksića“
- o) Urgencija za realizaciju Inicijative za adekvatno rješavanje prilaza Pedijatrijskoj službi Doma zdravlja Tuzla
- p) Inicijativa za refundaciju troškova nabavke GPS narukvica za djecu sa autizmom
- r) Urgencija za dostavljanje informacije o realizaciji zaključaka Gradskog vijeća Tuzla koji se odnose na problem aerozagađenja i o mjerama i aktivnostima poduzetim u cilju smanjenja aerozagađenja

Obavještavam. Dobili ste u materijalima znači koja su to tekuća pitanja.

A obavještavam vijećnike da su u vezi sa ovom tačkom dnevnog reda, podnosioci obavještenja: Služba za komunalne poslove, izgradnju i poslove mjesnih zajednica i mjesnih zajednica pod a), b), j) i k), Služba za boračko-invalidsku zaštitu, stambene poslove i integraciju raseljenih lica pod l) i Javna ustanova Narodna i univerzitetska biblioteka Tuzla pod m).

Podnosioci inicijativa i urgencija su: Mirza Tupajić pod c), Mirnes Ajanović pod d), Omer Delalić pod e), Lejla osmančević pod f), Elvir Kasumović pod g), Sabiha Mujkanović pod h), Klub vijećnika Tuzlanske alternative pod i), Klub vijećnika SDP-a pod n), o) i p) i Omer Delalić pod r).

Materijal su razmatrali klubovi vijećnika. Ima li potrebe znači da podnosioci obavještenja ili inicijativa i urgencija daju uvodno izlaganje? Nema. Dobro.

Otvaram raspravu klubova vijećnika. OK. Erna Delić, SDP. Izvolite. Neko nije isključio mikrofona. Molim vas. (SLAĐANA KRAJINA – Sabahudin ja mislim.) Ne znam ko je to. Možda. (SABAHUDIN IMAMOVIĆ – Nisam.) Nije. Ko je?

## **ERNA DELIĆ**

Zahvaljujem predsjedavajući. Klub vijećnika SDP-a u ovom slučaju ima tri inicijative. O jednoj smo danas već govorili. Riječ je o inicijativi za imenovanje ulice „Omladinsko šetalište Srđana Aleksića“.

Pridržavajući se članova koji su sadržani u Odluci mi smo slijedili sve upute i ova inicijativa smatramo da je potpuna i evo stavljamo je Gradskom vijeću na izjašnjenje.

Druga inicijativa glasi, inicijativa za refundaciju troškova nabavke GPS narukvica za djecu sa autizmom.

Obzirom da viši nivoi vlasti i koalicioni partneri trenutni, trenutne stranke koje čine većinu nisu imali sluha za pomoć, za ovakav vid pomoći i u državnom i u federalnom Parlamentu, a vođeni određenim inicijativama drugih opštinskih vijeća, Klub vijećnika SDP-a u Gradskom vijeću evo poslao je i ovu inicijativu za refundaciju troškova nabavke ovih GPS naruknica.

Cijena jedne GPS naruknice kreće se od 70 do stotinu konvertibilnih maraka, te ovu inicijativu upućujemo Gradonačelniku da se omogući zainteresovanim roditeljima i drugim odgovornim osobama kupovina, odnosno refundacija troškova kupovine GPS naruknice.

Inicijativom predlažemo da se pomenuta refundacija izvrši preko tekuće rezerve Gradonačelnika ili da se prilikom usvajanja rebalansa Budžeta Grada Tuzla za 2018. godinu formira novi ekonomski kod u ovu svrhu.

Treća inicijativa Kluba vijećnika SDP-a je u suštini urgencija na Inicijativu za adekvatno rješavanje prilaza Pedijatrijskoj službi Doma zdravlja Tuzla.

Ja ću napomenuti da je Klub vijećnika SDP-a u proteklom periodu već imao jednu inicijativu. Tražili smo od nadležnih službi da se adekvatno riješi prilaz Pedijatrijskoj službi. Trenutno se Pedijatrijskoj službi prilazi samo isključivo stepenicama, te je roditeljima jako teško djecu u kolicima ili u autosjedalicama nositi na odjeljenje i evo primorani smo obzirom da nismo dobili nikakve odgovore primorani smo pisati ovu urgenciju i nadamo se da će u ovoj tekućoj godini ovaj problem adekvatno da se riješi. Zahvaljujem.

## **ALEKSANDAR VUJADINOVIĆ**

Uredu. Hvala. Da li se još neko javlja za riječ? Nedžad Malikić, Tuzlanska alternativa. Izvolite.

## **NEDŽAD MALIKIĆ**

Hvala predsjedavajući. Pa mi smo dosad imali na neki način da svi možemo o inicijativama diskutovati. Ne mora to biti inicijativa od jedne Političke partije a da to ne može se diskutovati od druge Političke partije.

Ja sam imao evo jednu urgenciju za otklanjanje zaštitne ograde na regionalnom putu Tuzla-Čelić u naselju Solina.

Naime Direkcija cesta je tu ogradu meni iz nepoznatih razloga postavila i tako je ugrozila sve pješake koji koriste trotoar, jer faktički sada naši građani u tom dijelu naselja moraju izaći na ulicu, regionalnu ulicu, da bi nastavili dalje da idu i da prođu određeni dio puta pa da ponovo dođu na, na, na trotoar. Pa meni stvarno ne znam iz kojih razloga.

Ovo su inicijative koje su već dva, tri Vijeća kako su, nisu dolazile na red. Mislim da to treba pod hitno uputiti Direkciji cesta da tu ogradu koja je postavljena na tom dijelu uputa ukloni.

Isto tako imamo ovdje inicijativu za regulisanje raskrsnice u Mjesnoj zajednici Solana. Ja želim ovdje istaći da isti problem kad su u pitanju Mjesna zajednica Solana imamo problem i kod Livnice čelika i u Mjesnoj zajednici Batva.

To su raskrsnice gdje je dosta bilo incidentnih situacija, gdje je bilo dosta udesa. Mi smo u 2017. godini izdvojili finansijska sredstva za regulisanje tih raskrsnica. Mi nismo postavljali uslov kao vijećnici kako i na koji način, nego regulisanje da li će to biti kružni tok, da li će to biti postavljanje semafora, nismo mi to ništa tražili, ali smo tražili da se to izreguliše.

Bila su i izdvojena određena finansijska sredstva. Ja ne znam jesu li bila dovoljna. Ali ako su bila nedovoljna moglo se tražiti da se ta sredstva povećaju i da se to riješi.

Inače mi imamo problem kada usvajamo i inicijative, kada usvajamo budžet, sve stvari koje usvojimo i ono što se treba realizirati jednostavno ne dobijemo povratnu informaciju zašto to nije urađeno. Pogotovo za one projekte za koje znamo da smo izdvojili određena i dovoljna finansijska sredstva.

Ako je problem javna nabavka, ako je problem pronalaska izvođača, nije bitno znači, ali bar kao vijećnici zaslužujemo da dobijemo informaciju zašto se nije nešto uradilo. To se odnosi na većinu ovih informacija. Evo urgencija na urgenciju za saniranje udarnih rupa. Mislim to je stvarno. Ne treba o tome uopšte ni pričati, ni razgovarati. Znači da ti danas imaš udarnu rupu to, to, to ne mogu da shvatim. A imamo svjedoci smo mi svaki dan mi koji vozimo, a manje-više svi smo vozači, imamo taj problem.

Zar je problem naći izvođača i napraviti s njim ugovor na dvije godine i više, nije ni bitno, a imali smo ga u prošloj godini i da imamo problem sa udarnim rupama. To je problem o kojem mi ne trebali da razgovaramo jer to ne bi trebao da bude uopšte nikakav problem.

Ali evo upravo u više navrata smo i pričali i razgovarali da ovo Vijeće je hiperaktivno, da ovo Vijeće radi, da iznosi probleme, međutim ono što je Mensur rekao danas problem nastaje unutar gradske uprave, odnosno unutar službi koji jednostavno neće da između sebe sarađuju, jednostavno se dopisuju aktima a koji se nikad.

Imamo dosta problema. Znači iz jedne službe kada akt ode u drugu službu jednostavno se, jednostavno se zanemari ili se nekad i namjerno neće da uradi jer imaju između sebe nekih nesuglasnica. To sam osjetio kroz određene projekte, ali evo ne bi sada o tome.

Mislim da su to veliki problemi koji bi se u narednom periodu ipak Vijeće moralo pozabaviti kako ne bi imali ovoliki broj ni inicijativa, ni tačaka dnevnog reda. Hvala.

## **ALEKSANDAR VUJADINOVIĆ**

Uredu. Hvala. Mirnes Ajanović, BOSS. Izvolite.

## **MIRNES AJANOVIĆ**

Hvala predsjedavajući. Urgencija Urgencije na Urgenciju za saniranje udarnih rupa je moj predlog. Evo kolega Malikić je. Jest još od 2013. faktički kako reče koleginica. Hvala.

I zaista evo i kolega Malikić reče da je neshvatljivo da mi danas imamo udarnu rupu na cesti. Počeli su se već zafirkavati na raznim društvenim mrežama, pa stavljaju slike mjeseca sa onim oštećenjima na mjesecu i ovamo slike tuzlanskih nekih ulica.

Na sred sjeverne saobraćajnice kroz recimo Slatinu i gdje idete imate udarnu rupu. A to da bi došlo do te udarne rupe koliko vozila mora udariti svojim točkovima u tu rupu da bi ona postala dosta veća.

I nekad vozač, primjetio sam i svi smo primjetili, vozači kada nalete ili idu iza drugog vozila na tu rupu nekad instinktivno pokušavaju izbjeći i vozilom kreću lijevo ili desno. Doće do teške saobraćajne nesreće, može vozilo izletiti iz saobraćaja, saobraćajnice na trotoar, stradat će neko od pješaka.

Neshvatljivo kako se odnosimo nemarno prema ljudima koji su i birači, glasači, da svaki put opsuje nekome nešto kad naleti na tu rupu. A to jest svima nama. Ili gradskoj upravi.

I meni se jednom desilo da sam sa vozilom naletio na tu takvu udarnu rupu i odmah sijalice po automobilu i svašta nešto. Ne govorim o trapu vozila, o oštećenju gume, felge. O tome da se treba dati više stotina maraka za saniranje takvog nekakvog kvara evo može desiti kad naletimo na tu udarnu rupu.

Prije su to bile Kemine rupe, tako smo ih zvali, a danas ih ne smijemo ni zvat nikako na taj način jer drug Kemo je otišao da radi na drugu funkciju. Ja. Ali imamo sada novog šefa i ja tražim da se zaključak za ovu tačku napravi, sljedeću sjednicu Gradskog vijeća informacija da ne ostoji na području grada Tuzla ta vrsta udarne rupe. Oštećen saobraćaj ili saobraćajna traka, gdje se mora izvršiti veće saniranje možemo razumjeti, pa tu vozači svakako malo opreznije voze. Ali ne smije biti tih udarnih rupa.

Ne smije postojati na saobraćajnici zamka za vozače koja može biti smrtonosna. Dakle mora se povesti računa o tome da na saobraćajnicama za koje smo mi nadležni uradimo to, a onda isto tražimo od šefa Službe da izvrši pritisak na način da bude ako treba svaki dan dosadan Kantonalnoj direkciji za puteve i Federalnoj. Da na saobraćajnicama koje nisu u nadležnosti Grada Tuzla izvrši se saniranje.

Jer mi imamo južnu saobraćajnicu koja je imala dosta problema a nije u nadležnosti grada, a onda sam primjetio da čak i u vrijeme relativno hladnog perioda oni saniraju te udarne rupe, onda mi ovamo sa druge strane ne uradimo obavezu saniranja udarnih rupa na saobraćajnicama koje su u nadležnosti Grada Tuzla.

I da se u narednom periodu obavežu svi savjeti mjesnih zajednica, da odmah po primjećivanju stvaranja, početka stvaranja oštećenja na kolovozu koji može rezultirati udarnom rupom obavijeste nadležnu Službu, pod okolnostima da ako to ne budu uradili ovo Gradsko vijeće razmotri o osnovanosti opstanka tih ljudi koji su u tom sazivu na tom mjestu. Ostanka u stvari.

Da obavežemo dakle i savjete mjesnih zajednica, da svako iz svoje nadležnosti svoje mjesne zajednice obiđe teren, prošeta i napravi evidenciju udarnih rupa ili tih takvih oštećenja koja mogu izazvati evo ovakve posljedice i da se to odmah dostavi na evidenciju Službi, ali da se o tome dostavi informacija i Gradskom vijeću. Dakle i njima i nama kao vijećnicima. Da mi možemo pratiti realizaciju toga.

I da prestane više biti problem urgencija Urgencije na Urgenciju za saniranje udarnih rupa na području grada Tuzla. Hvala.

**ALEKSANDAR VUJADINOVIĆ**

Hvala. Elvir Kasumović, SBB BiH. Izvolte.

**ELVIR KASUMOVIĆ**

Ja bih isto tako ako se Mirnes slaže da uputimo dopis Direkciji za regionalne ceste, da

li su oni jednostavno vršili svoju zakonsku obavezu prema Gradu Tuzla i uplatiti određena zakonska sredstva koja nas kao Grad Tuzla sleđuju? Da nam daju dopis, da li su i u kojem iznosu ovaj uplatili sredstva u zadnje dvije godine evo recimo?

A njihova je i zakonska obaveza da nama kao Gradu Tuzla i ostalim općinama je li uplaćuju sredstva za rekonstrukciju puteva. Hvala.

### **ALEKSANDAR VUJADINOVIĆ**

Hvala. Da li se još neko javlja za riječ? (NEDŽAD MALIKIĆ – Dopuna zaključka.)  
Dopuna zaključka. OK. Nedžad Malikić.

### **NEDŽAD MALIKIĆ**

Kad su u pitanju već smo to o tome dosta razgovarali, volio bi da mi Služba za komunalne poslove dostavi informaciju, kada neko od javnih preduzeća vrši prekope, ili, ili, ili saniranje kvara, da li to radi Vodovod, ili da li to radi Centralno grijanje, ili bilo koje drugo preduzeće, ili bilo koje privatni, u nekoj privatnoj režiji, da nam dostavi informaciju ko treba da sanira poslije toga tu, taj dio puta i da vrati u prvobitno stanje?

Meni je to poznato da Služba za komunalne poslove daje saglasnost na izvođenje radova na putnoj infrastrukturi i da na kraju i krajeva da se vrati u prvobitno stanje taj put ako je bilo oštećenje asfalta ali kad se izvrši sanacija. I sasvim je normalno toga će biti.

Međutim, svjedoci smo da po godinu dana taj dio saobraćajnice ne vrati se u prvobitno stanje.

Da ne bi sada lutali znači, evo da Vijeće traži od Službe za komunalne poslove, da dostavi informaciju, ko od javnih preduzeća, ko od privatnika, ili bilo ko drugi koji je tražio saglasnost za vršenje iskopa, prekopa, nije bitno šta, nije izvršio svoju zadaću i šta su po tome poduzeli u Službi za komunalne poslove? Hvala.

### **ALEKSANDAR VUJADINOVIĆ**

Uređu. Hvala. Diskusijom vijećnika Malikića smo već započeli diskusiju znači vijećnika jer je već prošao krug klubova vijećnika, pa evo Mirnes Ajanović. Izvolte. Ispred vijećnika BOSS-a.

### **MIRNES AJANOVIĆ**

A da završimo ovo. Hvala kolegi Malikiću jer sam i ja planirao pa hajde da skraćujem, nisam rekao ovaj dio problema.

Takođe isto gotovo udarnim rupama i oštećenje na kolovozu nakon vršenja bilo kakve vrste radova na saobraćajnicama. I mi razumijemo kao vijećnici da jedan određen, koliki period, sad nije bitno ne znamo, a trebali bi znati, treba da to bude bez asfaltiranja da bi se kao sleglo i da onda asfalt bude u ravni sa nivoom ostalog dijela saobraćajnice.

Međutim, možemo mi donijeti nalog da se zabrani da finalni gornji dio bude krupni kamen. Jer je zaista prekrupan kamen, koji ukoliko po točkovima automobila dobije inerciju odbacivanja može rezultirati teškim posljedicama po pješaka.

To obično razbija šoferšajbe na vozilima, oštećuje vozila, ali ako ode na stranu, a vrlo lako je moguće da ode, može rezultirati posljedicama pogotovo po malu djecu koja idu uz saobraćajnice.

Dakle da se zabrani da gornji dio bude krupni kamen. Neka posipaju ako treba pijeskom svaki dan ili nekakvim drugim sitnim materijalom, dok ne dođe do slijeganja i omogućavanja da se može asfaltirati taj dio. I ovo što je rekao kolega Malikić da se prati to.

Drugo još takođe u zaključku i treće. Saniranje rupa na trotoarima. Takođe u noćnim satima tamo gdje se eventualno slabije vidi ima tih rupa i ljudi mogu slomiti nogu. Mogu se teže povrijediti kada padnu i dobiti povrede i glave.

Dakle da se i na trotoarima te nepravilnosti trotoara saniraju da budu bezbijeđni za normalno korištenje i normalno kretanje učesnika u saobraćaju pješaka.

I još jedan problem koji je u manjoj mjeri izražen ali ipak postoji i na saobraćajnicama i na trotoarima. Evo prije tri, četiri dana je bio na trotoaru kod skvera, pa su ljudi stavili granu, fale šahtovi.

Znamo za okolnost da se krađu šahtovi. Smislite tehnologiju materijala koji neće biti interesantan za krađu. Vežite ga, bušite ga sa strane ako treba da nije ga moguće jednostavno skinuti i obezbijedite ljudima da saobraćajnu traku vozači koriste bez okolnosti da uleti u šaht, ubiće i sebe i nekoga oko sebe, ili pješaku da ide trotoarom i propadne u šaht. To su strašne posljedice, strašni lomovi, koji se vrlo teško mogu sanirati.

Da konačno gradom Tuzla možemo i voziti i šetati, odnosno koristiti trotoare bez straha od tih oštećenja ili, ili takvih nekakvih otvora koji mogu rezultirati pogubnim posljedicama. Hvala.

## **ALEKSANDAR VUJADINOVIĆ**

Uredu. Hvala. Merima Softić Sprečić, SDP. Izvolte.

## **MERIMA SOFTIĆ SPREČIĆ**

Može li samo dopuna zaključka, ako se naravno slažete na prethodno vaše izlaganje, vezano za sanaciju krupni kamen. Spomenuli ste da ide možda nešto sitnije.

Ja bi samo, zaista to jest problem, dolaze lijepo vrijeme voze se ljudi motorima. Znae da je na dva točka vožnja mnogo više nesigurnija nego na četiri točka.

Veliki je problem zato što naidete na takvu jednu nedovršenu sanaciju do kraja a bez a da nije ona prethodno obilježena.

Pa možda da uz taj zaključak samo se dopuni, ako je sanacija nedovršena u smislu da treba proći taj određeni period slijeganja, da se ona adekvatno obilježi. Naravno stručnjaci znaju koliko metara prije da bi ovaj vozač imao to na umu. Jer drukčije je ipak i kad auto naleti na takvu jednu nedovršenu sanaciju a drukčije boga mi motor. Eto.

## **ALEKSANDAR VUJADINOVIĆ**

Uredu. Omer Delalić, SBB BiH-a. Izvolte.

## **OMER DELALIĆ – vijećnik Saveza za bolju budućnost**

Pa povodom ove tačke moram i ja da se uključim jer smo često naglašavali da se poslije izvršenih radova na rekonstrukciji vodovodne instalacije ili instalacije centralnog grijanja, često na kolovozui i na trotoarima znači izvrše radovi koji se duže vremena ne saniraju. Tako da tokom vremena ti radovi stvaraju te udarne rupe.



Ja sam u raspravi kada je bila tema znači kada je Vodovod i kanalizacija bio na, Izvještaj o Vodovodu i kanalizaciji, postavio pitanje direktoru Vodovoda i kanalizacije, ko je odgovoran za znači saniranje tih udarnih rupa, koje već znaju stajati i godinama?

Za govornicom sam dobio znači odgovor da je za to odgovorna Služba za komunalne poslove.

Postavio sam vijećničko pitanje Službi za komunalne poslove, znači želio sam da dođem do ove istine u čemu je problem, odgovor je bio da onaj ko izvršava radove mora da prijavi te radove znači Službi za komunalne poslove.

Ponovo sam postavio pitanje Vodovodu i kanalizaciji, znači pokušavam već da dođem do istine, ko je odgovoran za te rupe, da li prijavljuju te radove? Taj odgovor do danas nisam dobio.

U Poslovniku o radu znači Služba za komunalne poslove u slučaju da uoči da je, ne znam ne mogu tačno sad da navedem, za izvršene radove investitor da to nije doveo u prvobitno stanje dužna je da izvrši znači saniranje tih radova i da investitoru priloži račun za te radove.

Ja bi stvarno volio da Služba za komunalne poslove počne da radi znači svoj posao i da grad Tuzla ne bude grad pun rupa. Hvala.

## **ALEKSANDAR VUJADINOVIĆ**

Hvala. S obzirom da se niko više nije javio za diskusiju, zaključujem raspravu vijećnika i konstatujem da je Gradsko vijeće Tuzla primilo k znanju obavještenja pod:

a) Obavještenje o razlozima prolongiranja izrade Pravilnika o izmjenama i dopunama Pravilnika o načinu korištenja, redu i radu na taksi stajalištima i kriterijima za dodjelu taksi stajališta

b) Obavještenje o razlozima prolongiranja izrade Informacije o statusu i stanju grobalja/mezarja na području grada Tuzla

j) Obavještenje Službe za komunalne poslove, izgradnju i poslove mjesnih zajednica o razlozima prolongiranja izrade odluke o komunalnom redu

k) Obavještenje Službe za komunalne poslove, izgradnju i poslove mjesnih zajednica o razlozima prolongiranja izrade Programa kapitalnih investicija Grada Tuzla za period 2018 - 2022 godina

l) Obavještenje Službe za boračko-invalidsku zaštitu, stambene poslove i integraciju raseljenih lica o razlozima prolongiranja izrade odluke o postupku, uslovima i kriterijima za zaključenje ugovora o zakupu napuštenih stanova koji su stavljeni na raspolaganje Gradu Tuzla

m) Obavještenje JU Narodna i univerzitetska biblioteka Tuzla o razlozima prolongiranja izvještaja o radu i poslovanju za 2017. godinu.

A stavljam na izjašnjavanje sljedeće inicijative i urgencije i to pod: c), d), e), f), g), h), i), n), o), p) i r), s tim da se traži od Gradonačelnika i gradskih službi za upravu i stručnih službi, javnih preduzeća i javnih ustanova, radnih tijela i stručnih timova, na koje se inicijative i urgencije odnose, da se najkasnije do naredne redovne sjednice Kolegija Gradskog vijeća Tuzla očituju o zakonskim, finansijskim i drugim mogućnostima za realizaciju navedenih inicijativa i urgencija.

S obzirom da smo svi imali pomenuta obavještenja i urgencije i inicijative u svojim znači materijalima, ja ih nisam sad posebno čitao, pa pozivam znači vijećnike da se izjasne znači o tome elektronskim glasanjem.

Prije toga evo gospodin Elvir Kasumović, SBB se javio. Izvolite.

**ELVIR KASUMOVIĆ**

Zahvaljujem predsjedavajući. Inicijativa pod g) vezano za asfaltiranje ulice Gine Hermana. Moram napomenuti da se ovdje ne radi o asfaltiranju cjeokupne ulice, nego samo jednog određenog dijela, možda nekih pedesetak metara, s čime bi se uspostavila komunikacija, jedna alternativna komunikacija prema Krojčici iz pravca Crvenih Njiva, Mosnika prema Krojčici.

Znači radi se samo o spajanju puteva i da imamo alternativni jedan put. Jel i sami smo svjedoci ovih dešavanja da moramo jednostavno prilagati pažnji, pažnju na alternativnim pravicima.

**ALEKSANDAR VUJADINOVIĆ**

Dobro. Slažete li. Slažete li se onda da se inicijativa, da ova inicijativa nosi naziv inicijativa za asfaltiranje dijela ulice znači Gine Hermana.

**ELVIR KASUMOVIĆ**

Naravno. Naravno. (SLAĐANA KRAJINA – Ali biće dostavljena inicijativa uz zaključak. Ništa se ne. Kompletno vaša. Ja. Svaka se dostavlja.)

**ALEKSANDAR VUJADINOVIĆ**

Dobro. Uredu. Dobro. Nakon ove korekcije, znači sugestije, eto možemo se izjasniti.

Sada stavljam na izjašnjavanje i pozivam vijećnike da aktiviraju uređaje za elektronsko glasanje i da se pritiskom na odgovarajući taster izjasne za prijedlog, ili protiv prijedloga, ili kao suzdržani u odnosu na prijedlog. Glasanje je okončano.

23 vijećnika su glasala za, niko nije bio protiv ni suzdržan te konstatujem da su jednoglasno prihvaćene pod TEKUĆIM PITANJIMA sljedeće inicijative i urgencije:

c) Inicijativa za izgradnju spomenika Husein-kapetanu Gradaševiću, Zmaju od Bosne, u Gradskom parku Tuzla, preko puta spomenika Tvrtku I Kotromaniću

d) Urgencija urgencije na urgenciju za saniranje udarnih rupa na saobraćajnicama u Tuzli

e) Inicijativa da se osigura besplatan parking vlasnicima vozila na električni pogon

f) Inicijativa za regulisanje raskrsnice u MZ Solana

g) Inicijativa za asfaltiranje ulice Gine Herman

h) Inicijativa za dostavljanje izvještaja o radu savjeta mjesnih zajednica na području grada Tuzla

i) Urgencija za otklanjanje zaštitne ograde na regionalnom putu Tuzla - Čelić u naselju Solina

n) Inicijativa za imenovanje ulice „Omladinsko šetalište Srđana Aleksića“

o) Urgencija za realizaciju Inicijative za adekvatno rješavanje prilaza Pedijatrijskoj službi Doma zdravlja Tuzla

p) Inicijativa za refundaciju troškova nabavke GPS narukvica za djecu sa autizmom

r) Urgencija za dostavljanje informacije o realizaciji zaključaka Gradskog vijeća Tuzla koji se odnose na problem aerozagađenja i o mjerama i aktivnostima poduzetim u cilju smanjenja aerozagađenja.

Te traži se od Gradonačelnika, gradskih službi za upravu i stručnih službi, javnih preduzeća i javnih ustanova, radnih tijela i stručnih timova, na koje se ove inicijative i

urgencije odnose, da se najkasnije do naredne redovne sjednice Kolegija Gradskog vijeća Tuzla očituju o zakonskim, finansijskim i drugim mogućnostima za realizaciju navedenih inicijativa i urgencija.

Pozivam znači sekretara Gradskog vijeća da pročita zaključke koji su proizašli iz rasprave, pa ćemo se i o njima izjasniti. Odnosno očitovati.

## **SLAĐANA KRAJINA**

Pa ne znam, nisam stigla sve napisati.

- Gradsko vijeće Tuzla traži od Službe za komunalne poslove, izgradnju i poslove mjesnih zajednica da odmah sanira sve udarne rupe na cestama na području grada Tuzla koje su u nadležnosti grada, da izvrši pritisak na Direkciju cesta kada su u pitanju ceste u njihovoj nadležnosti te da obaveže savjete mjesnih zajednica na obilazak mjesnih zajednica i prijavljivanje svih radova, rupa na cestama.

- Informaciju o realizaciji ovog zaključka je potrebno periodično dostavljati Gradskom vijeću Tuzla.

- Traži se od Službe za komunalne poslove, izgradnju i poslove mjesnih zajednica informacija o tome da li se Službi prijavljuju svi radovi kojima se prekopava, odnosno prokopava cesta, o obavezi vraćanja u prvobitno stanje ceste nakon prokopavanja ili prekopavanja, informacija o svima koji su vršili prekopavanja a cesta nije vraćena u prvobitno stanje, kao i o poduzetim mjerama.

- Gradsko vijeće Tuzla traži od Sužbe za komunalne poslove informaciju o mogućnostima zabrane da gornji dio asfalta do asfaltiranja bude krupni kamen, a ako je sanacija nedovršena da se to mjesto adekvatno obilježi.

- Gradsko vijeće Tuzla traži da se hitno saniranu veće rupe na trotoarima kako bi bili bezbjedni za kretanje pješaka i drugih učesnika u saobraćaju.

- Gradsko vijeće Tuzla traži od Službe za komunalne poslove, izgradnju i poslove mjesnih zajednica da, u saradnji sa drugim službama i javnim preduzećima, iznađe način rješavanja problema nedostajanja šahtova zbog krađa, a sve u cilju zaštite života i zdravlja građana.

## **ALEKSANDAR VUJADINOVIĆ**

Uredu. Mirnes Ajanović. Vjerovatno korekacija nekog zaključka ili sugestija. Izvolte.

## **MIRNES AJANOVIĆ**

Samo ovaj dio gdje kaže gornji dio asfalta. Greška. Gornji dio posipnog materijala. (SLAĐANA KRAJINA – Gornji dio posipnog materijala.) (ALEKSANDAR VUJADINOVIĆ – Da.)

A ovo za trotoare, da ne ostavimo veće rupe. Reče onda ove dame naše koje hodaju u štiklama a šta je sa malim rupama. I one su problematične. Slomit će nogu.

Dakle samo stavimo rupe. Pa jeste, lakše je nama kad su ravne cipele, a kada je štikla onda je vrlo teško.

## **ALEKSANDAR VUJADINOVIĆ**

Dobro. Ja. Uredu. Dobro. Elvir Kasumović, SBB.

## **ELVIR KASUMOVIĆ**

Ja nisam čuo da ste pročitali onaj zaključak vezano da nam se Direkcija za ceste, kantonalna, očituje po pitanju da li je jednostavno izvršila svoju zakonsku obavezu i uplatila Gradu Tuzla određena sredstva u zadnje dvije godine, koja su bili, kažem opet, u zakonskoj obavezi obavezni da, da uplate. (SLAĐANA KRAJINA – Uredu. Uredu. Nisam ga bila evidentirala.)

## **ALEKSANDAR VUJADINOVIĆ**

Dobro. Uredu. Eto čuli ste ovu sugestiju za ovu dopunu zaključka.

Sada stavljam na izjašnjavanje zaključke koje je pročitala sekretar Gradskog vijeća sa izmjenama i dopunama i pozivam vijećnike da aktiviraju uređaje za elektronsko glasanje i da se pritiskom na odgovarajući taster izjasne za prijedlog, ili protiv prijedloga, ili kao suzdržani u odnosu na prijedlog. Glasanje je okončano.

23 vijećnika su glasala za, niko nije bio protiv ni suzdržan, te konstatujem da su jednoglasno usvojeni sljedeći zaključci:

1. Gradsko vijeće Tuzla traži od Službe za komunalne poslove, izgradnju i poslove mjesnih zajednica da odmah sanira sve udarne rupe na cestama na području grada Tuzla koje su u nadležnosti grada, da izvrši pritisak na Direkciju regionalnih cesta TK i Direkciju cesta FBiH kada su u pitanju ceste u njihovoj nadležnosti te da obaveže savjete mjesnih zajednica na obilazak mjesne zajednice i prijavljivanje Službi svih udarnih rupa na cestama.

2. Informaciju o realizaciji ovog zaključka je potrebno periodično dostavljati Gradskom vijeću Tuzla.

3. Traži se od Službe za komunalne poslove, izgradnju i poslove mjesnih zajednica informacija o tome da li se Službi prijavljuju svi radovi kojima se prekopava odnosno prokopava cesta, obavezi vraćanja u prvobitno stanje ceste nakon prekopavanja ili prokopavanja, informacija o svima koji su vršili prekopavanja ili prokopavanja a cesta nije vraćena u prvobitno stanje kao i o poduzetim mjerama od strane Službe.

4. Gradsko vijeće Tuzla traži od Sužbe za komunalne poslove, izgradnju i poslove mjesnih zajednica informaciju o mogućnostima zabrane da gornji dio posipnog materijala do asfaltiranja bude krupni kamen te, ako je sanacija nedovršena, da se adekvatno obilježi.

5. Gradsko vijeće Tuzla traži da se hitno saniranju rupe na trotoarima kako bi bili bezbjedni za kretanje pješaka i drugih učesnika u saobraćaju.

6. Traži se od Službe za komunalne poslove, izgradnju i poslove mjesnih zajednica da, u saradnji sa drugim službama i javnim preduzećima, iznađe način rješavanja problema nedostajanja šahtova zbog krađe, a sve u cilju zaštite života i zdravlja građana.

7. Gradsko vijeće Tuzla traži od Direkcije regionalnih cesta TK da dostavi informaciju o tome da li je i u kojem iznosu, u posljednje dvije godine, ispunila svoju zakonsku obavezu isplate naknade za sanaciju cesta.

Pa s obzirom da je dnevni red iscrpljen, zaključujem. Samo malo. Molim vas. Zaključujem. (SLAĐANA KRAJINA – Samo ako mogu ja sekundu? Da samo.) Samo malo.

## **SLAĐANA KRAJINA**

Kad je u pitanju ovo da se koriguje dnevni red Inicijativa za asfaltiranje ulice Gine Hermana. Znači u dnevnom redu je tačno navedeno kako je naziv Inicijative koju je dostavio SBB, a dalje se navodi da se radi o kraju ulice. Znači nema potrebe da se koriguje naziv.

**ALEKSANDAR VUJADINOVIĆ**

Dobro. Uredu. Nakon ovog objašnjenja, konstatujem da je iscrpljen dnevni red i zaključujem 18. redovnu sjednicu Gradskog vijeća Tuzla u 16:55 časova. Hvala.

**STENOGRAM SAČINILI:****Senada Karabegović****Igor Kurcinak****P R E D S J E D A V A J U Ć I****dr.med.sci. Aleksandar Vujadinović s.r.**